

**Bil. 51**

**Rabu  
23 Ogos 2006**



**MALAYSIA**

**PENYATA RASMI PARLIMEN  
DEWAN RAKYAT**

**PARLIMEN KESEBELAS  
PENGGAL KETIGA  
MESYUARAT KETIGA**



## K A N D U N G A N

<b>JAWAPAN-JAWAPAN LISAN BAGI PERTANYAAN-PERTANYAAN</b>	(Halaman 1)
<b>USUL MENANGGUHKAN MESYUARAT DI BAWAH P.M. 18(1):</b>	
- Mengatasi Peningkatan Kes Ragut <i>Y.B. Tuan Wong Nai Chee (Kota Melaka)</i>	(Halaman 20)
<b>RANG UNDANG-UNDANG DIBAWA KE DALAM MESYUARAT</b>	(Halaman 21)
<b>RANG UNDANG-UNDANG:</b>	
- Rang Undang-Undang Penduduk dan Pembangunan Keluarga (Pindaan) 2006	(Halaman 21)



**AHLI-AHLI DEWAN RAKYAT**

1. Yang Berhormat Tuan Yang di-Pertua, Tan Sri Dato' Seri Diraja Ramli bin Ngah Talib, PSM., SPCM., AMN., JP. (Pasir Salak) - UMNO
2. “ Timbalan Yang di-Pertua, Datuk Lim Si Cheng, PJN., PIS. (Kulai) - MCA
3. “ Timbalan Yang di-Pertua, Datuk Dr. Yusof bin Yacob, PGDK., ADK. (Sipitang) - UMNO

**MENTERI**

1. Yang Amat Berhormat Perdana Menteri, Menteri Kewangan dan Menteri Keselamatan Dalam Negeri, Dato' Seri Abdullah bin Haji Ahmad Badawi, S.P.M.S., S.S.S.J., S.P.S.A., S.S.A.P., S.P.D.K., D.P., S.P.N.S., D.G.P.N., D.S.S.A., D.M.P.N., D.J.N., K.M.N., A.M.N. (Kepala Batas) - UMNO
2. “ Timbalan Perdana Menteri dan Menteri Pertahanan, Dato' Sri Mohd. Najib bin Tun Haji Abdul Razak, S.S.A.P., S.I.M.P., D.P.M.S., D.S.A.P., P.N.B.S., D.U.B.C.(T). (Pekan) – UMNO
3. Yang Berhormat Menteri Perumahan dan Kerajaan Tempatan, Dato' Seri Ong Ka Ting, S.P.M.P., D.P.M.P. (Tanjong Piai) – MCA
4. “ Menteri Kerja Raya, Dato' Seri S. Samy Vellu, S.P.M.J., S.P.M.P., D.P.M.S., P.C.M., A.M.N. (Sungai Siput) - MIC
5. “ Menteri Tenaga, Air dan Komunikasi, Dato' Seri Dr. Lim Keng Yaik, S.P.M.P., D.G.P.N., D.P.C.M. (Beruas) - GERAKAN
6. “ Menteri di Jabatan Perdana Menteri, Tan Sri Bernard Giluk Dompok, P.S.M., S.P.D.K. (Ranau) – UPKO
7. “ Menteri di Jabatan Perdana Menteri, Dato' Sri Mohd. Effendi bin Norwawi – Senator
8. “ Menteri Perdagangan Antarabangsa dan Industri, Dato' Seri Rafidah binti Abd. Aziz, S.P.M.T., S.P.M.P., D.P.M.S., A.M.N. (Kuala Kangsar) - UMNO
9. “ Menteri Luar Negeri, Datuk Seri Syed Hamid bin Syed Jaafar Albar, S.P.M.J., S.P.D.K., D.P.M.J., S.M.J., A.M.N. (Kota Tinggi) - UMNO
10. “ Menteri Pertanian dan Industri Asas Tani, Tan Sri Dato' Haji Muhyiddin bin Haji Mohd. Yassin, P.S.M., S.P.M.J., S.M.J., P.I.S., B.S.I. (Pagoh) – UMNO
11. “ Menteri Penerangan, Datuk Zainuddin bin Maidin (Merbok) - UMNO
12. “ Menteri Sumber Manusia, Datuk Seri Dr. Fong Chan Onn, D.C.S.M., D.M.S.M. (Alor Gajah) - MCA
13. “ Menteri di Jabatan Perdana Menteri, Dato' Seri Mohamed Nazri bin Abdul Aziz, S.P.M.P., D.M.S.M., A.M.P., B.K.T. (Padang Rengas) - UMNO
14. “ Menteri Hal Ehwal Dalam Negeri, Dato' Seri Mohd Radzi bin Sheikh Ahmad (Kangar) – UMNO
15. “ Menteri Pelajaran, Dato' Sri Hishammuddin bin Tun Hussein, S.I.M.P., D.S.A.P., D.P.M.J. (Sembrong) - UMNO
16. “ Menteri Kebudayaan, Kesenian dan Warisan, Datuk Seri Utama Dr. Rais Yatim, S.J.M.K., S.P.N.S., D.S.N.S. (Jejebu) - UMNO
17. “ Menteri Pembangunan Wanita, Keluarga dan Masyarakat, Dato' Seri Hajah Shahrizat binti Abdul Jalil, D.G.P.N., D.I.M.P. (Lembah Pantai) - UMNO

18. Yang Berhormat Menteri Sains, Teknologi dan Inovasi, Dato' Dr. Haji Jamaludin bin Dato' Mohd. Jarjis, S.I.M.P., D.I.M.P., S.A.P. (Rompin) - UMNO
19. " Menteri Pengangkutan, Dato' Sri Chan Kong Choy, S.S.A.P., D.S.A.P., D.P.M.S., (Selayang) – MCA.
20. " Menteri Kewangan Kedua, Tan Sri Nor Mohamed Yakcop - Senator
21. " Menteri Wilayah Persekutuan, Dato' Zulhasnan Rafique, D.I.M.P., A.M.N., (Setiawangsa) - UMNO
22. " Menteri Pelancongan, Datuk Seri Tengku Adnan bin Tengku Mansor (Putrajaya) - UMNO
23. " Menteri Perusahaan Perladangan dan Komoditi, Datuk Peter Chin Fah Kui, P.G.B.K., P.B.S., A.B.S. (Miri) – SUPP
24. " Menteri Perdagangan Dalam Negeri dan Hal Ehwal Pengguna, Datuk Mohd. Shafie bin Haji Apdal, D.S.A.P., P.G.D.K., D.M.S.M. (Semporna) - UMNO
25. " Menteri Pengajian Tinggi, Dato' Mustapa Mohamed (Jeli) - UMNO
26. " Menteri Kemajuan Luar Bandar dan Wilayah, Dato' Abdul Aziz bin Shamsuddin, D.P.M.S., D.S.A.P., P.G.D.K., D.M.S.M., D.P.M.P., D.S.D.K. (Shah Alam) - UMNO
27. " Menteri Pembangunan Usahawan dan Koperasi, Dato' Mohamed Khaled bin Nordin, D.S.P.N., S.M.J., P.I.S. (Pasir Gudang) - UMNO
28. " Menteri Sumber Asli dan Alam Sekitar, Dato' Seri Azmi bin Khalid, D.P.M.P., S.M.P., P.J.K. (Padang Besar) - UMNO
29. " Menteri di Jabatan Perdana Menteri, Datuk Dr. Maximus Johnity Ongkili, A.S.D.K., J.P. (Kota Marudu) - PBS
30. " Menteri Kesihatan, Datuk Dr. Chua Soi Lek (Labis) - MCA
31. " Menteri Belia dan Sukan, Datuk Azalina binti Othman Said (Pengerang) - UMNO
32. " Menteri di Jabatan Perdana Menteri, Prof. Dato' Dr. Abdullah bin Md. Zin (Besut) - UMNO

### **TIMBALAN MENTERI**

1. Yang Berhormat Timbalan Menteri Pertanian dan Industri Asas Tani, Datuk Mah Siew Keong (Telok Intan) - GERAKAN
2. " Timbalan Menteri Pengangkutan, Datuk Douglas Uggah Embas (Betong) - PBB
3. " Timbalan Menteri Hal Ehwal Dalam Negeri, Datuk Tan Chai Ho, P.J.N., K.M.N., A.M.N. (Bandar Tun Razak) - MCA
4. " Timbalan Menteri Pembangunan Wanita, Keluarga dan Masyarakat, Datuk G. Palanivel, D.S.S.A., S.S.A., P.J.K. (Hulu Selangor) - MIC
5. " Timbalan Menteri Belia dan Sukan, Dato' Liow Tiong Lai (Bentong) - MCA
6. " Timbalan Menteri Pertanian dan Industri Asas Tani, Dato' Seri Mohd. Shariff bin Omar, D.G.P.N., D.M.P.N., P.P.T. (Tasek Gelugor) – UMNO
7. " Timbalan Menteri Pertahanan, Dato' Zainal Abidin bin Zin, D.P.M.P., P.M.P. (Bagan Serai) - UMNO

8. Yang Berhormat Timbalan Menteri Pengangkutan, Dato' Seri Tengku Azlan ibni Sultan Abu Bakar, S.P.T.J., D.S.A.S. (Jerantut) - UMNO
9. “ Timbalan Menteri Perusahaan Perladangan dan Komoditi, Datuk Anifah bin Haji Aman (Kimanis) - UMNO
10. “ Timbalan Menteri Kemajuan Luar Bandar dan Wilayah, Datuk Dr. Tiki anak Lafe (Mas Gading) - SPDP
11. “ Timbalan Menteri Kewangan, Dato' Dr. Ng Yen Yen, D.I.M.P., D.S.A.P. (Raub) - MCA
12. “ Timbalan Menteri Kesihatan, Datuk Dr. Abdul Latiff bin Ahmad (Mersing) - UMNO
13. “ Timbalan Menteri Pelajaran, Dato' Hon Choon Kim (Seremban) - MCA
14. “ Timbalan Menteri di Jabatan Perdana Menteri, Datuk M. Kayveas, P.J.N. (Taiping) - PPP
15. “ Timbalan Menteri Penerangan, Datuk Ahmad Zahid bin Hamidi, D.M.S.M., P.P.T., P.J.K. (Bagan Datok) – UMNO
16. “ Timbalan Menteri Pengajian Tinggi, Datuk Ong Tee Keat, P.J.N., S.M.S. (Pandan) - MCA
17. “ Timbalan Menteri Penerangan, Tuan Chia Kwang Chye (Bukit Bendera) - GERAKAN
18. “ Timbalan Menteri Keselamatan Dalam Negeri, Datuk Fu Ah Kiow (Kuantan) - MCA
19. “ Timbalan Menteri Pembangunan Usahawan dan Koperasi, Dato' Khamsiyah binti Yeop, P.P.T., A.M.N., A.M.P., P.M.P. (Lenggong) – UMNO
20. “ Timbalan Menteri Keselamatan Dalam Negeri, Dato' Mohd. Johari bin Baharum (Kubang Pasu) - UMNO
21. “ Timbalan Menteri Sumber Asli dan Alam Sekitar, Dato' S. G. Sothinathan (Telok Kemang) - MIC
22. “ Timbalan Menteri Perdagangan Dalam Negeri dan Hal Ehwal Pengguna, Dato' S. Veerasingam, P.M.P., A.M.P., A.M.N. (Tapah) - MIC
23. “ Timbalan Menteri Kebudayaan, Kesenian dan Warisan, Dato' Wong Kam Hoong, K.M.N. (Bayan Baru) - MCA
24. “ Timbalan Menteri Pelajaran, Dato' Haji Noh bin Haji Omar, D.P.M.S., D.M.S.M., K.M.N., A.S.A., P.J.K., J.P. (Tanjong Karang) - UMNO
25. “ Timbalan Menteri Perdagangan Antarabangsa dan Industri, Dato' Haji Ahmad Husni bin Mohd. Hanadzlah, P.P.T., A.M.P. (Tambun) - UMNO
26. “ Timbalan Menteri Pelancongan, Dato' Donald Lim Siang Chai (Petaling Jaya Selatan) - MCA
27. “ Timbalan Menteri Perumahan dan Kerajaan Tempatan, Datuk Robert Lau Hoi Chew, J.B.S. (Sibu) - SUPP
28. “ Timbalan Menteri Luar Negeri, Dato' Joseph Salang Gandum (Julau) - PBDS
29. “ Timbalan Menteri Sains, Teknologi dan Inovasi, Dato' Kong Cho Ha (Lumut) - MCA
30. “ Timbalan Menteri Perdagangan Antarabangsa dan Industri, Tuan Ng Lip Yong (Batu) - GERAKAN

31. Yang Berhormat Timbalan Menteri Kerja Raya, Dato' Ir. Mohd. Zin bin Mohamed, D.P.T.J., J.P. (Sepang) – UMNO
32. “ Timbalan Menteri Tenaga, Air dan Komunikasi, Dato' Shaziman bin Abu Mansor, A.N.S. (Tampin) – UMNO
33. “ Timbalan Menteri Wilayah Persekutuan, Datuk Wira Abu Seman Yusop (Masjid Tanah) - UMNO
34. “ Timbalan Menteri Perumahan dan Kerajaan Tempatan, Datuk Azizah binti Mohd. Dun (Beaufort) – UMNO
35. “ Timbalan Menteri Sumber Manusia, Datuk Abdul Rahman bin Bakar (Marang) - UMNO
36. “ Timbalan Menteri Kemajuan Luar Bandar dan Wilayah, Dato' Zainal Abidin bin Osman (Nibong Tebal) - UMNO
37. “ Timbalan Menteri di Jabatan Perdana Menteri, Tuan Joseph Entulu anak Belaun (Selangau) - PBDS
38. “ Timbalan Menteri Kewangan, Dato' Dr. Awang Adek bin Hussin (Bachok) – UMNO
39. “ Timbalan Menteri di Jabatan Perdana Menteri, Dato' Haji Abdul Rahman bin Suliman - Senator

#### **SETIAUSAHA PARLIMEN**

1. Yang Berhormat Setiausaha Parlimen di Jabatan Perdana Menteri, Dato' Dr. Mashitah binti Ibrahim (Baling) - UMNO
2. “ Setiausaha Parlimen Kementerian Kewangan, Dato' Seri Dr. Hilmi bin Yahaya (Balik Pulau) - UMNO
3. “ Setiausaha Parlimen Kementerian Perumahan dan Kerajaan Tempatan, Dr S. Subramaniam (Segamat) - MIC
4. “ Setiausaha Parlimen Kementerian Kerja Raya, Dato' Yong Khoon Seng (Stampin) - SUPP
5. “ Setiausaha Parlimen Kementerian Perdagangan Antarabangsa dan Industri, Datin Paduka Dr. Tan Yee Kew (Klang) – MCA
6. “ Setiausaha Parlimen Kementerian Luar Negeri, Tuan Ahmad Shabery Cheek (Kemaman) - UMNO
7. “ Setiausaha Parlimen Kementerian Pertanian dan Industri Asas Tani, Datuk Hajah Rohani binti Haji Abdul Karim (Batang Lupar) - PBB
8. “ Setiausaha Parlimen Kementerian Penerangan, Puan Noriah binti Kasnon (Sungai Besar) - UMNO
9. “ Setiausaha Parlimen Kementerian Hal Ehwal Dalam Negeri, Dato' Paduka Haji Abdul Rahman bin Ibrahim (Pokok Sena) - UMNO
10. “ Setiausaha Parlimen Kementerian Pelajaran, Puan Komala Devi (Kapar) – MIC
11. “ Setiausaha Parlimen Kementerian Pembangunan Wanita, Keluarga dan Masyarakat, Datin Paduka Chew Mei Fun (Petaling Jaya Utara) - MCA
12. “ Setiausaha Parlimen Kementerian Sains, Teknologi dan Inovasi, Profesor Datuk Dr. Mohd. Ruddin bin Ab. Ghani (Bukit Katil) – UMNO
13. “ Setiausaha Parlimen Kementerian Perdagangan Dalam Negeri dan Hal Ehwal Pengguna, Tuan Hoo Seong Chang (Kluang) - MCA

14. Yang Berhormat Setiausaha Parlimen Kementerian Wilayah Persekutuan, Tuan Yew Teong Look (Wangsa Maju) - MCA
15. “ Setiausaha Parlimen Kementerian Perusahaan Perladangan dan Komoditi, Senator Dato' Dr. S. Vijayarantnam - Senator
16. “ Setiausaha Parlimen Kementerian Pengajian Tinggi, Datuk Dr. Adham bin Baba (Tenggara) - UMNO
17. “ Setiausaha Parlimen Kementerian Pembangunan Usahawan dan Koperasi, Tuan Samsu Baharun bin Haji Abdul Rahman (Silam) - UMNO
18. “ Setiausaha Parlimen Kementerian Sumber Asli dan Alam Sekitar, Tuan Sazmi bin Miah (Machang) - UMNO
19. “ Setiausaha Parlimen Kementerian Kesihatan, Dato' Lee Kah Choon (Jelutong) - GERAKAN
20. “ Setiausaha Parlimen Kementerian Belia dan Sukan, Tuan Sa. Vigneswaran (Kota Raja) - MIC

#### **AHLI-AHLI**

1. Yang Berhormat Tuan Aaron Ago Dagang (Kanowit) - PBDS
2. “ Brig. Jen. (B) Dato' Seri Abdul Hamid bin Haji Zainal Abidin (Parit Buntar) - UMNO
3. “ Tuan Haji Abdul Fatah bin Haji Haron (Rantau Panjang) - PAS
4. “ Datuk Abdul Ghapur bin Salleh (Kalabakan) - UMNO
5. “ Dato' Haji Ab. Halim bin Ab. Rahman (Pengkalan Chepa) – PAS
6. “ Datuk Paduka Abdul Kadir bin Haji Sheikh Fadzir (Kulim Bandar Baharu) - UMNO
7. “ Datuk Abdul Rahim bin Bakri (Kudat) - UMNO
8. “ Dato' Abdul Rahman bin Ariffin (Jerlun) - UMNO
9. “ Datuk Patinggi Tan Sri Abdul Taib bin Mahmud (Kota Samarahan) - PBB
10. “ Dato' Abu Bakar bin Taib (Langkawi) - UMNO
11. “ Dato' Seri Adenan bin Satem (Batang Sadong) - PBB
12. “ Tuan Alexander Nanta Linggi (Kapit) - PBB
13. “ Datuk Haji Astaman bin Abdul Aziz (Titiwangsa) - UMNO
14. “ Dato' Paduka Haji Badruddin bin Amiruldin (Jerai) - UMNO
15. “ Tuan Baharum bin Mohamed (Sekijang) - UMNO
16. “ Tuan Bernard S. Maraat @ Ben (Pensiangan) - PBRS
17. “ Tuan Billy Abit Joo, K.M.N. (Hulu Rajang) - PBDS
18. “ Datuk Bung Moktar bin Radin (Kinabatangan) - UMNO
19. “ Tuan Che Azmi bin Hj. A. Rahman (Kuala Nerus) – UMNO
20. “ Dato Haji Che Min bin Che Ahmad (Pasir Puteh) - UMNO
21. “ Tuan Chong Chieng Jen (Bandar Kuching) - DAP
22. “ Puan Chong Eng (Bukit Mertajam) - DAP

23. Yang Berhormat Tuan Chong Hon Min (Sandakan) - BEBAS
24. “ Dato’ Chor Chee Heung (Alor Star) - MCA
25. “ Tuan Chow Kon Yeow (Tanjong) - DAP
26. “ Dato’ Chua Jui Meng (Bakri) – MCA
27. “ Tuan Devamany a/l S. Krishnasamy (Cameron Highlands) - MIC
28. “ Tuan Donald Peter Mojuntin (Penampang) – UPKO
29. “ Ir. Edmund Chong Ket Wah (Batu Sapi) - PBS
30. “ Tuan Eric Enchin Majimbun (Sepanggar) - SAPP
31. “ Tuan Haji Fadillah bin Yusof (Petra Jaya) - PBB
32. “ Dato’ Firdaus bin Harun (Rembau) - UMNO
33. “ Tuan Fong Kui Lun (Bukit Bintang) - DAP
34. “ Cik Fong Po Kuan (Batu Gajah) - DAP
35. “ Dato’ Ghazali bin Ibrahim (Padang Terap) - UMNO
36. “ Dato’ Goh Siow Huat (Rasah) - MCA
37. “ Ir. Haji Hamim bin Samuri (Ledang) - UMNO
38. “ Dato’ Haji Hasan bin Malek (Kuala Pilah) - UMNO
39. “ Tuan Hashim bin Jahaya (Kuala Kedah) - UMNO
40. “ Ir. Hasni bin Haji Mohammad (Pontian) - UMNO
41. “ Tuan Henry Sum Agong (Bukit Mas) - PBB
42. “ Tan Sri Dato’ Hew See Tong (Kampar) - MCA
43. “ Tuan Huan Cheng Guan (Batu Kawan) - GERAKAN
44. “ Datuk Haji Idris bin Haji Haron (Tangga Batu) - UMNO
45. “ Datuk Haji Ismail bin Haji Abd. Muttalib (Maran) - UMNO
46. “ Tuan Haji Ismail bin Haji Mohamed Said (Kuala Krau) - UMNO
47. “ Tuan Haji Ismail bin Noh (Pasir Mas) - PAS
48. “ Datuk Ismail Sabri bin Yaakob (Bera) - UMNO
49. “ Dato’ Jacob Dungau Sagan (Baram) - SPDP
50. “ Dr. James Dawos Mamit (Mambong) - PBB
51. “ Tuan Jawah anak Gerang (Lubok Antu) - PBDS
52. “ Tuan Jelaing anak Mersat (Saratok) - SPDP
53. “ Tuan Jimmy Donald (Sri Aman) - PBDS
54. “ Datu Seri Joseph Pairin Kitingan (Keningau) - PBS
55. “ Dr. Junaidy bin Abdul Wahab (Batu Pahat) - UMNO
56. “ Datuk Juslie Ajirol (Libaran) - UMNO
57. “ Tan Sri Dato’ Dr. K.S. Nijhar (Subang) - MIC
58. “ Dato’ Kamarudin bin Jaffar (Tumpat) - PAS
59. “ Tuan R. Karpal Singh (Bukit Gelugor) – DAP
60. “ Dato’ Seri Kerk Choo Ting (Simpang Renggam) - GERAKAN

61. Yang Berhormat Tuan Lau Yeng Peng (Puchong) - GERAKAN
62. “ Tan Sri Law Hieng Ding (Sarikei) – SUPP
63. “ Datuk Dr. Leo Michael Toyad (Mukah) - PBB
64. “ Dato’ Lim Bee Kau, A.M.K., B.K.M., P.J.K., J.P. (Padang Serai) - MCA
65. “ Tuan Lim Hock Seng (Bagan) - DAP
66. “ Tuan Lim Kit Siang (Ipoh Timor) - DAP
67. “ Tuan Loh Seng Kok (Kelana Jaya) - MCA
68. “ Dato’ Loke Yuen Yow (Tanjong Malim) – MCA
69. “ Dato’ Mahadzir bin Mohd. Khir (Sungai Petani) - UMNO
70. “ Tuan M. Kula Segaran (Ipoh Barat) - DAP
71. “ Datuk Dr. Marcus Makin Mojigoh (Putatan) - UPKO
72. “ Tuan Markiman bin Kobiran (Hulu Langat) - UMNO
73. “ Dato’ Haji Mat Yasir bin Haji Ikhsan (Sabak Bernam) – UMNO
74. “ Datuk Haji Md. Alwi bin Che Ahmad (Ketereh) – UMNO
75. “ Datuk Haji Mohamad bin Haji Aziz (Sri Gading) - UMNO
76. “ Tuan Mohamad Shahrum bin Osman (Lipis) - UMNO
77. “ Datuk Mohamed Razali bin Che Mamat, J. P. (Kuala Krai) - UMNO
78. “ Datuk Mohd. Zaid bin Ibrahim (Kota Bharu) - UMNO
79. “ Tuan Mohd. Daud bin Tarihep (Kuala Selangor) - UMNO
80. “ Dr. Mohd. Hayati bin Othman (Pendang) - PAS
81. “ Datuk Haji Mohd. Said bin Yusof (Jasin) - UMNO
82. “ Dato’ Mohd. Sarit bin Haji Yusoh (Temerloh) - UMNO
83. “ Tuan Mohd. Yusop bin Majid (Setiu) - UMNO
84. “ Tuan Nasaruddin bin Hashim (Parit) - UMNO
85. “ Datuk Nur Jazlan bin Mohamed (Pulai) - UMNO
86. “ Datuk Dr. Rahman bin Ismail (Gombak) - UMNO
87. “ Tuan Raimi Unggi (Tenom) – UMNO
88. “ Dato’ Raja Ahmad Zainuddin bin Raja Haji Omar (Larut) - UMNO
89. “ Tuan Razali bin Ibrahim (Muar) - UMNO
90. “ Dato’ Razali bin Ismail (Kuala Terengganu) – UMNO
91. “ Datuk Richard Riot anak Jaem (Serian) - SUPP
92. “ Datuk Ronald Kiandee (Beluran) – UMNO
93. “ Datuk Rosli bin Mat Hassan (Dungun) - UMNO
94. “ Puan Rosnah bte. Haji Abd. Rashid Shirlin (Papar) – UMNO
95. “ Dr. Rozaidah binti Talib (Ampang) - UMNO
96. “ Tuan Salahuddin bin Ayub (Kubang Kerian) - PAS
97. “ Datuk Salleh bin Tun Said (Kota Belud) – UMNO

98. Yang Berhormat Ir. Shaari bin Hassan (Tanah Merah) – UMNO
99. “ Dato’ Shahrir Abdul Samad (Johor Bahru) – UMNO
100. “ Datuk Seri Dr. Haji Shafie bin Haji Mohd. Salleh, D.S.S.A., S.M.S, S.S.A.,, K.M.N, S.S.A.P, (Kuala Langat) - UMNO
101. “ Tuan Shim Paw Fatt (Tawau) - SAPP
102. “ Datuk Seri Dr. Siti Zaharah binti Sulaiman (Paya Besar) – UMNO
103. “ Dato’ Suhaili bin Abdul Rahman (Labuan) – UMNO
104. “ Tuan Syed Hood bin Syed Edros (Parit Sulong) – UMNO
105. “ Dato’ Seri Diraja Syed Razlan ibni Syed Putra Jamalullail (Arau) – UMNO
106. “ Puan Tan Ah Eng (Gelang Patah) - MCA
107. “ Dato’ Dr. Tan Kee Kwong (Segambut) - GERAKAN
108. “ Tuan Tan Kok Wai (Cheras) - DAP
109. “ Cik Tan Lian Hoe (Bukit Gantang) - GERAKAN
110. “ Dr. Tan Seng Giaw (Kepong) – DAP
111. “ Tuan Teng Boon Soon (Tebrau) - MCA
112. “ Datuk Tengku Putera bin Tengku Awang (Hulu Terengganu) - UMNO
113. “ Tengku Razaleigh bin Tengku Hamzah, (Gua Musang) – UMNO
114. “ Puan Teresa Kok Suh Sim (Seputeh) – DAP
115. “ Tan Sri Dato’ Seri Dr. Ting Chew Peh (Gopeng) - MCA
116. “ Dato’ Seri Tiong King Sing (Bintulu) - SPDP
117. “ Tuan Tiong Thai King (Lanang) - SUPP
118. “ Datuk Wahab bin Haji Dollah (Kuala Rajang) - PBB
119. “ Dato’ Wan Adnan bin Wan Mamat (Indera Mahkota) - UMNO
120. “ Datin Seri Dr. Wan Azizah binti Wan Ismail (Permatang Pauh) - KEADILAN
121. “ Dato’ Dr. Wan Azmi bin Wan Ariffin (Sik) – UMNO
122. “ Dato’ Dr. Wan Hashim bin Wan Teh (Gerik) – UMNO
123. “ Datuk Dr. Haji Wan Junaidi bin Tuanku Jaafar (Santubong) - PBB
124. “ Ir. Dr. Wee Ka Siong (Ayer Hitam) - MCA
125. “ Datuk Wilfred Madius Tangau (Tuaran) - UPKO
126. “ Tuan Wong Nai Chee (Kota Melaka) - MCA
127. “ Dato’ Yap Pian Hon (Serdang) - MCA
128. “ Datuk Dr. Yee Moh Chai (Kota Kinabalu) - PBS

**DEWAN RAKYAT**

**Setiausaha Dewan Rakyat**

Dato' Abdullah bin Abdul Wahab

**Setiausaha Bahagian (Pengurusan Dewan)**

Roosme binti Hamzah

**PETUGAS-PETUGAS**

**PENERBITAN PENYATA RASMI (*HANSARD*)**

Azhari bin Hamzah  
Monarita binti Mohd Hassan

Supiah binti Dewak  
Hajah Kamisah binti Sayuti  
Abd. Talip bin Hasim  
Hadzirah binti Ibrahim  
Saadiah binti Jamaludin  
Jamilah Intan binti Haji Bohari  
Hairan bin Mohtar  
Nurziana binti Ismail  
Suriyani binti Mohd. Noh  
Marzila binti Muslim  
Habibunisah binti Mohd. Azir  
Aisyah binti Razki  
Yoogeswari a/p Muniandy  
Nor Liyana binti Ahmad  
Zatul Hijanah binti Yahya  
Nurul Asma binti Zulkepli  
Sharifah Nor Asilah binti Syed Basir

Nur Azilah binti Ahmad Ibrahim  
Norasmawati binti Mohamed Nor  
Nor Hamizah binti Haji Hassan  
Zaida Zuriani binti Mohd Zamli  
Azmir bin Mohd Salleh  
Azanariah binti Mohd Yunan  
Norhasani binti Yaacob



**MALAYSIA****DEWAN RAKYAT****Rabu, 23 Ogos 2006****Mesyuarat dimulakan pada pukul 10.00 pagi****DOA**[Tuan Yang di-Pertua *mempengerusikan Mesyuarat*]**JAWAPAN-JAWAPAN LISAN BAGI PERTANYAAN-PERTANYAAN**

1. **Dato' Wan Adnan bin Wan Mamat [Indera Mahkota]** minta Menteri Kebudayaan, Kesenian dan Warisan menyatakan, apakah pihak kementerian tidak bercadang untuk menjadikan bekas lombong besi di Sungai Lembing, Pahang sebagai satu warisan sejarah negara memandangkan kewujudannya sudah melebihi 100 tahun dan telah tergolong sebagai salah satu bekas lombong besi yang tertua di dunia.

**Timbalan Menteri Kebudayaan, Kesenian dan Warisan [Dato' Wong Kam Hoong]:** Tuan Yang di-Pertua, sebelum saya menjawab, sukacita saya memohon kebenaran Tuan Yang di-Pertua untuk membetulkan sedikit fakta soalan Yang Berhormat yang tersilap, Tuan Yang di-Pertua.

**Tuan Yang di-Pertua:** Ya.

**Dato' Wong Kam Hoong:** Untuk makluman Yang Berhormat bagi Indera Mahkota dan Dewan yang mulia ini, bekas lombong yang terdapat di Sungai Lembing adalah merupakan bekas lombong bijih timah dan bukannya lombong bijih besi - iaitu pembedahan. Tuan Yang di-Pertua, Kementerian Kebudayaan, Kesenian dan Warisan melalui Jabatan Warisan Negara sentiasa mengambil berat terhadap warisan sejarah negara termasuk tapak-tapak yang mempunyai warisan kebudayaan yang penting seperti bekas.....

**Datuk Haji Mohamad bin Haji Aziz [Sri Gading]:** Tuan Yang di-Pertua, saya rasa bijih besi, bukan bijih timah.

**Tuan Yang di-Pertua:** Biji timah ke bijih besi?

**Datuk Haji Mohamad bin Haji Aziz [Sri Gading]:** Saya rasa Sungai Lembing tu...

**Dato' Wong Kam Hoong:** Sungai Lembing bijih timah, bukan besi...

**Datuk Haji Mohamad bin Haji Aziz [Sri Gading]:** Besi... *[Disampuk]* Tak tahu di mana timah, semua orang kata besi.... *[Disampuk]* Ya lah, kalau hendak membetulkan biarlah fakta yang betul...

**Dato' Wong Kam Hoong:** Jadi fakta yang betullah.

**Datuk Haji Mohamad bin Haji Aziz [Sri Gading]:** Tak pasti lagi, semua orang kata besi.

**Tuan Yang di-Pertua:** Kalau lombong bijih timah, oleh kerana banyak bekas lombong bijih timah, apa kaitannya dengan warisan seni.... *[Ketawa]*

**Dato' Wong Kam Hoong:** Bijih timah ini, ia ada lombong, lombong bijih timah yang lain di Perak dan sebagainya, ia digali dengan palung dan sebagainya, jadi dia gali ke dalam di bawah tanah yang terpanjang dan terdalam di dunia ini, sebab itu ini menjadi satu warisan negara. Bukan besilah, percayalah saya.... *[Ketawa]* Fakta-fakta ini kita muzium pun ada di sana satu.

**Datuk Haji Mohamad bin Haji Aziz [Sri Gading]:** Baik, kalau betul, okey. Kalau salah... [*Beberapa Ahli menyampuk*] Itulah masalahnya.

**Tuan Yang di-Pertua:** Sila jawab, boleh jawab.

**Dato' Wong Kam Hoong:** Mana saya... [*Ketawa*] Kementerian Kebudayaan, Kesenian dan Warisan melalui Jabatan Warisan Negara sentiasa mengambil berat terhadap warisan sejarah negara termasuk tapak-tapak yang mempunyai warisan kebudayaan yang penting seperti bekas lombong bijih timah di Sungai Lembing untuk didaftarkan di bawah Akta Warisan Kebangsaan 2005. Atas dasar kepentingan negara, Kementerian sentiasa terbuka untuk mendaftarkan mana-mana tapak sebagai warisan negara sekiranya ia mempunyai signifikan yang kuat dari aspek warisan, kebudayaan dan sejarah negara.

Antara langkah-langkah yang telah diambil oleh Kementerian ialah dengan mewujudkan sebuah muzium atau dengan izin, *living museum* yang dikenali sebagai Muzium Sungai Lembing untuk mempamerkan sejarah dan nostalgia zaman kegemilangannya untuk tatapan generasi sekarang dan yang akan datang di samping dapat memastikan ia terpelihara. Sehubungan itu, memandangkan bekas lombong bijih timah di Sungai Lembing ini telah dicadangkan oleh Jabatan Warisan Negara sebagai satu calon tapak warisan maka penyelidikan dari segi sejarah, peristiwa kawasan tersebut akan terus berjalan seperti mana yang dirancang supaya ia didaftar sebagai satu warisan sejarah negara. Sekian, terima kasih.

**Dato' Wan Adnan bin Wan Mamat [Indera Mahkota]:** Terima kasih, Tuan Yang di-Pertua. Sebenarnya, saya pun *confused* bila Timbalan Menteri mengatakan bijih timah. Sebenarnya memanglah bijih timah. Ini merupakan lombong bijih timah yang terdalam di dunia dan tertua di dunia.

Soalan tambahan saya adalah berkenaan dengan peruntukan tambahan ataupun dalam Rancangan Malaysia Kesembilan, berapakah peruntukan tambahan untuk membina ataupun menjadikan Sungai Lembing ini menjadi *living museum* yang tertua, menjadi *living museum* yang *complete*, yang mana pada Rancangan Malaysia Kelapan, telah diperuntukkan sebanyak RM8 juta yang mana pembinaan sebuah muzium RM7 juta dan RM1 juta untuk pembinaan jalan. Ini tidak mencukupi untuk menjadikan sebuah muzium yang lengkap di Sungai Lembing. Jadi berapakah peruntukan dalam Rancangan Malaysia Kesembilan untuk menjadi sebuah muzium yang *complete*. Terima kasih.

**Dato' Wong Kam Hoong:** Terima kasih Yang Berhormat yang begitu prihatin tentang pembangunan sebuah *living museum* di Sungai Lembing ini. Kementerian saya telah menyediakan peruntukan yang mencukupi supaya ia menjadi satu muzium dan juga di sekitar kawasan ini sebab ada jalan, rumah dan sebagainya, kita akan membelanjakan lebih lagi supaya meningkatkan taraf muzium sebagai satu tempat di mana pengunjung-pengunjung dalam negeri dan juga luar negeri datang mengunjungi ke tempat ini beramai-ramai.

Untuk makluman Yang Berhormat, pada tahun 2005 seramai 46,000 pengunjung telah melawat tempat ini dan di dalam angka-angka ini termasuk 5,634 pengunjung asing. Dan, setakat tahun ini, iaitu tahun 2006, setakat bulan Jun ada lebih daripada 20,000 pengunjung dalam negeri dan luar negara mengunjungi tempat ini. Sekian, terima kasih.

2. **Datuk Ronald Kiandee [Beluran]** minta Menteri Kewangan menyatakan, jumlah semua bentuk deposit yang dikutip kerajaan melalui jabatan dan agensi kerajaan termasuk GLC seperti TNB. Adakah kerajaan bercadang untuk memberi bunga tahunan terhadap wang yang dikutip ini.

**Setiausaha Parlimen Kementerian Kewangan [Dato' Seri Dr. Hilmi bin Yahaya]:** Terima kasih Yang Berhormat bagi Beluran. Tuan Yang di-Pertua, deposit yang dikutip oleh kerajaan melalui jabatan dan agensi kerajaan adalah terdiri daripada wang yang diterima khusus oleh Kerajaan Persekutuan bagi maksud tertentu atau sebagai jaminan mengikut undang-undang atau mengikut perjanjian dan perlu dibayar balik apabila maksud telah tercapai.

Amaun deposit yang dipegang oleh kerajaan melalui kementerian dan jabatan pada akhir tahun 2005 adalah berjumlah RM4,932 juta. Manakala amaun deposit yang dikutip dan yang dipegang oleh GLC ialah Tenaga Nasional (TNB) sehingga Ogos 2006 berjumlah RM2.207 bilion, Telekom Malaysia sehingga tahun 2005 berjumlah RM595 juta dan Syarikat Bekalan Air Selangor (SYABAS), sehingga 31 Julai 2006 berjumlah RM49.6 juta.

Pada masa ini kerajaan memang membayar faedah terhadap deposit-deposit yang dikutip oleh kerajaan melalui perintah mahkamah. Dengan kata lain, hanya wang yang diserahkan simpan sebagai deposit di mahkamah akan dibayar faedah sebanyak 2% setahun berdasarkan kepada kaedah-kaedah mahkamah tahun 1980 dan juga kaedah-kaedah Mahkamah Rendah tahun 1980. Bagi TNB dan Telekom Malaysia, bayaran faedah deposit kepada pengguna diberi dalam bentuk rebet tahunan pada kadar 5% daripada deposit masing-masing, Tuan Yang di-Pertua.

**Datuk Ronald Kiandee [Beluran]:** Terima kasih Tuan Yang di-Pertua. Saya cuma mengaju satu keadaan, TNB umpamanya. Kita membayar wang cagaran untuk mendapatkan perkhidmatan, kenapa perlu ada wang cagaran apabila TNB itu sendiri jika pengguna tidak membayar boleh memotong perkhidmatan kepada pengguna. Kemudian, apabila lambat dibayar oleh pengguna *surcharge* dikenakan oleh TNB, umpamanya. Kenapa perlu deposit untuk diberikan kepada TNB sedangkan dalam situasi untuk mendapatkan bekalan elektrik umpamanya, deposit itu akan kekal dengan TNB dan tidak ada keadaan di mana pengguna boleh mendapatkan balik kecuali tidak mahu mendapatkan perkhidmatan daripada TNB.

Dalam keadaan itu tidak ada peluang untuk pengguna untuk mendapatkan wang, sedangkan pada masa yang sama TNB mempunyai kuasa dalam bentuk undang-undang untuk memotong perkhidmatan dan mengenakan *surcharge*. Saya ingin tahu adakah kerajaan benar-benar meneliti agar perkhidmatan-perkhidmatan seperti Telekom, TNB, Air dan lesen-lesen seperti lesen perikanan, tidak diminta deposit ini daripada pengguna. Sekian.

**Dato' Seri Dr. Hilmi bin Yahaya:** Tuan Yang di-Pertua, mengambil contoh TNB, memang deposit dikenakan sudah lama sejak dahulu lagi sehingga sekarang pada kadar dua bulan penggunaan elektrik bagi pengguna itu. Maknanya kalau dia menggunakan elektrik RM50 sebulan, maka depositnya RM100 sebulan. Ini sebagai menjaga kepentingan TNB. Kalau dia tidak bayar dalam masa dua bulan misalnya, maka TNB akan potong deposit itu, jadi, dengan izin, *interest* TNB akan terjamin. Kalau tidak ambil deposit, kalau dia tidak bayar dua bulan, TNB tidak dapat kutipan.

**Datuk Ronald Kiandee [Beluran]:** Tuan Yang di-Pertua, dia tidak potong Tuan Yang di-Pertua. Dia potong bekalan, dia tidak potong duit deposit itu... [Disampuk] Tidak potong. Keadaan itu berubah, tidak betul.

**Dato' Seri Dr. Hilmi bin Yahaya:** Tuan Yang di-Pertua, memang dipotong tetapi yang tidak bayar itu apa hal. Jadi, dipotong dan deposit yang dikutip pada peringkat awal itu dipotonglah, maknanya kalau masa dipotong ada *bill* RM50, maka dipotong daripada *bill* RM50 itu, selebihnya dipulangkan balikkah kalau hendak dipotong bekalan seterusnya. Dengan cara itu, TNB tidak menanggung kerugian. Kalau dipotong tetapi *bill* yang terpakai tidak dibayar, jadi TNB akan kerugian. Begitu jugalah lain-lain syarikat telekom dan sebagainya, Tuan Yang di-Pertua.

**Dato' Paduka Haji Badruddin bin Amiruldin [Jerai]:** Terima kasih Tuan Yang di-Pertua. Tuan Yang di-Pertua, terutamanya saya hendak mengalu-alukan kedatangan pensyarah-pensyarah dari maktab Perguruan Kuala Terengganu, kalau tidak silap saya.... [Tepuk]

**Tuan Yang di-Pertua:** Yang Berhormat, teruskan.

**Dato' Paduka Haji Badruddin bin Amiruldin [Jerai]:** Depa minta bahaslah pasal hendak bagi gaji pensyarah lebih sikit.... [Ketawa]

**Tuan Yang di-Pertua:** Teruskan soalan, Yang Berhormat.

**Dato' Paduka Haji Badruddin bin Amiruldin [Jerai]:** Ya, ya, Tuan Yang di-Pertua.... [Ketawa] Terima kasih Yang Berhormat Setiausaha Parlimen Kementerian Kewangan. Saya hendak tanya Tuan Yang di-Pertua, pendek, padat dan cukup bererti. Sekarang ini kita bagi deposit, kita deposit bermakna kita simpan duit dekat Majlis Perbandaran untuk deposit rumah, majlis itu dan ini di tempat-tempat deposit TNB, Telekom dan sebagainya.... [Disampuk] Faedah daripada menandatangani duit tersebut itu.....

**Datuk Bung Moktar bin Radin [Kinabatangan]:** [Menyampuk]

**Dato' Paduka Haji Badruddin bin Amiruldin [Jerai]:** [Ketawa] Nantilah, sabar kau, sabar kau. Deposit itu, Tuan Yang di-Pertua, sama ada dia pergi kepada kerajaan kah, pergi kepada TNB kah atau balik kepada penodeposit? Ini kepada daripada segi peraturan, undang-undang yang menodepositkan itu sepatutnya mendapat balik pulangan bukan diambil oleh TNB. Macam mana pandangan Setiausaha Parlimen Kementerian Kewangan tentang persoalan saya yang agak berat ini. Terima kasih.... [Ketawa]

**Dato' Seri Dr. Hilmi bin Yahaya:** Tuan Yang di-Pertua, Yang Berhormat bagi Jerai hari ini lain macam sikitlah... [Ketawa] Tuan Yang di-Pertua, bagi deposit yang diterima oleh kerajaan melalui perintah mahkamah, yang itu memang dikenakan faedah 2%, kerajaan kena bayar balik kepada penodeposit itu sebanyak 2%. Ini ikut perintah yang ada, peraturan yang ada, Perintah Mahkamah 1980 dan Kaedah-kaedah Mahkamah Rendah tahun 1980, memang ada. Maknanya kerajaan kena bayar 2% kalau deposit dibayar kerana arahan Mahkamah.

Bagi deposit-deposit yang lain, tanpa melalui peraturan mahkamah, kerajaan simpan di Akauntan Negara atau *Accountant General*, dan keuntungan apa juga simpanan itu pulang kepada kerajaan, tidak pulang kepada yang pemberi deposit, tetapi bagi TNB dan Telekom, dia rebet 5% daripada deposit tiap-tiap tahun. Kalau bulan Januari, TNB sudah beri deposit 5%. Bermakna kalau Yang Berhormat cagaran RM100 bagi tiap rumah – ada dua rumah – jadi kalau RM100 dapat 5% - RM5 lah deposit, begitu.

Jadi, kalau masuk bank pun sudah dapat 3% lebih kurang tetapi kalau TNB bagi 5% lebih sedikit daripada bank. Bermakna dapat balikkah, tetapi yang deposit kepada agensi kerajaan, yang tidak melalui perintah mahkamah, yang itu penodeposit tidak dapat balik pulangan, tidak dapat balik faedah dan sebagainya....

**Datuk Bung Moktar bin Radin [Kinabatangan]:** Tidak ada itu, Tuan Yang di-Pertua. Tidak ada pun dia rebet 5%.

**Dato' Seri Dr. Hilmi bin Yahaya:** Bayar rebet tiap-tiap bulan Januari.

**Datuk Bung Moktar bin Radin [Kinabatangan]:** Tidak ada.

**Dato' Seri Dr. Hilmi bin Yahaya:** Ada kot. Ada

**Tuan Chow Kon Yeow [Tanjong]:** Ada.

**Dato' Seri Dr. Hilmi bin Yahaya:** Yang Berhormat tidak tengok ini... [Dewan gamat seketika]

**Tuan Yang di-Pertua:** Yang Berhormat, Yang Berhormat.

**Dato' Seri Dr. Hilmi bin Yahaya:** Yang Berhormat bagi Kinabatangan tidak tengok bill ni.... [Ketawa]

**Tuan Yang di-Pertua:** Sudah habis jawab?

**Dato' Seri Dr. Hilmi bin Yahaya:** Itu sahaja, Tuan Yang di-Pertua.

3. **Ir. Shaari bin Hassan [Tanah Merah]** minta Menteri Pengangkutan menyatakan, berapa ramaikah kakitangan MAS yang telah memilih tawaran MSS dan berapakah jumlah tertinggi/terendah bagi mereka yang memilih skim ini dibayar pampasan.

**Timbalan Menteri Pengangkutan [Datuk Douglas Uggah Embas]:** Tuan Yang di-Pertua, izinkan saya menjawab soalan yang dikemukakan oleh Yang Berhormat bagi

Tanah Merah pagi ini bersama dengan soalan yang dikemukakan oleh Ahli Yang Berhormat bagi Kelabakan pada 16 November 2006, memandangkan isu yang dibangkitkan adalah perkara yang sama.

**Tuan Yang di-Pertua:** Ya, sila.

**Datuk Douglas Uggah Embas:** Tuan Yang di-Pertua, dalam melaksanakan Skim Pemisahan Sepakat ataupun *Mutual Separation Scheme*, yang dilaksanakan oleh Penerbitan Malaysia (MAS), seramai 2,622 kakitangan telah diluluskan oleh panel syarikat.

Jumlah bayaran yang terlibat adalah sebanyak RM495.5 juta. Mengenai pampasan pembayaran yang terendah adalah RM2,600 dan yang tertinggi adalah RM699 ribu. Jumlah bayaran ini adalah berdasarkan kepada gred dan tempoh pekerjaan kakitangan MAS.

**Ir. Shaari bin Hassan [Tanah Merah]:** Terima kasih Tuan Yang di-Pertua, terima kasih Timbalan Menteri. Dari jawapan yang diberi, jumlah yang dibayar pampasan iaitu sebanyak RM495 juta. Yang terendah RM2,600 dan tertinggi RM699 ribu bagi seorang penerima. Saya rasakan di sini, saya dapati ada yang dibayar sehingga RM699 ribu, ini adalah dari kakitangan yang hendak pencen dua tahun lagi dan sekiranya kakitangan ini diberi gaji, MAS hanya bayar kepadanya RM300 ribu sahaja tetapi, di sini kalau ini berlaku, lebih kurang RM400 ribu lagi ini mengakibatkan kerugian kepada MAS dan sebagai ini saya hendak jawapan daripada Timbalan Menteri, apakah ini wajar ataupun mengikut peraturan yang ditetapkan oleh MAS...

**Tuan Yang di-Pertua:** Yang Berhormat Timbalan Menteri sila jawab.

**Ir. Shaari bin Hassan [Tanah Merah]:** ....Dan saya minta Yang Berhormat Timbalan Menteri mengulas tentang diskaun kepada Ahli Parlimen yang dijanjikan untuk diteruskan, untuk diberi kembali kepada Ahli Parlimen, sekian terima kasih.

**Datuk Douglas Uggah Embas:** Terima kasih Yang Berhormat bagi Tanah Merah. Tuan Yang di-Pertua, memang betul perkara yang disentuh oleh Yang Berhormat tadi, kerana ada mereka yang masih tempoh perkhidmatan kurang dari 24 bulan atau diluluskan untuk bersara dan ada juga yang menerima ganjaran sampai seperti saya sebut tadi RM699 ribu. Jadi dalam menimbang perkara ini, panel syarikat telah pun mencadangkan, yang pertama mereka menentukan *capping* ganjaran adalah tidak melebihi RM700 ribu kepada seseorang.

Pegawai-pegawai yang perkhidmatannya kurang dari 12 bulan tidak layak dipertimbangkan. Jadi perkara ini telah ditimbang oleh MAS dengan mengambil kira keperluan untuk mengurangkan kakitangannya, dalam masa yang sama juga mengambil kira prestasi-prestasi MAS supaya dalam mereka perlu meluluskan MSS ini, ianya tidak akan menjejaskan prestasi MAS dalam dia menjalankan tugas dia.

Mengenai hak yang diberi kepada Ahli Yang Berhormat, kita telah diberitahu oleh MAS bahawa sistem baru akan dikuatkuasakan mulai 21 Ogos, dalam dua tiga hari ini mungkin ada surat daripada Menteri kepada Ahli-ahli Parlimen untuk memberitahu bahawa syarat baru itu tidak begitu ketat, ianya *seamless*, iaitu bermakna kalau ada, *as long as there is a seat*, dan Ahli-ahli Yang Berhormat layak untuk mendapat potongan seperti yang ditentukan oleh MAS. Terima kasih.

**Tuan Lim Kit Siang [Ipoh Timor]:** Tuan Yang di-Pertua, adakah Yang Berhormat Timbalan Menteri sedar bahawa adalah di kalangan kakitangan MAS, ada rasa tidak puas hati oleh kerana MSS ini dilaksanakan dengan tidak ketelusan dan tidak adil, adalah pilih kasih dan tujuan MSS RM500 juta ini di *exercise*, yang pertama ini ialah daripada Perbendaharaan dan untuk mengurangkan kos, bukan untuk mewujudkan separuh jutawan. Bolehkah Yang Berhormat memberi satu senarai mengenai *breakdown* pembayaran lingkungan RM100 ribu kah, RM300 ribu kah, RM500 ribu dan lebih daripada itu dan kepada mereka tempoh perkhidmatan yang ditinggal, oleh kerana kalau tinggal satu tahun atau kurang daripada dua tahun, bukannya ini menunjukkan ini satu bonanza sahaja, dan bukan menjadikan satu peluang untuk menjadi kaya-raya dan bukan untuk mengurangkan

kos yang boleh mengakibatkan moral yang sangat rendah yang terjadi dalam MAS, satu *list* sahaja *breakdown* mengikut transparansi yang kita mahu.

**Datuk Douglas Uggah Embas:** Memang ada beberapa kakitangan MAS merasakan permohonan mereka yang ditolak itu tidak adil, maka ada 410 permohonan ada membuat rayuan tetapi, oleh kerana memang ada persetujuan dari awal dengan Persatuan Sekerja dia, bahawa tidak ada rayuan akan dilayan.

Oleh sebab itu dari 410 itu, satu rayuan pun tidak layan. Jadi mengenai ketidakadilan dan pelbagai tuduhan yang disebut oleh Yang Berhormat ini, penyelaras yang kita gunakan adalah pandangan Union. Union merasa tidak ada... Sekarang kementerian tidak ada menerima apa-apa aduan dari persatuan-persatuan pekerja MAS. Maka bagi kita, program SSS ini telah pun berjalan dengan telus, dengan baik, demi kepentingan MAS. Apabila menjalankan ini, MAS ada menubuhkan dua panel, satu adalah panel dalam bahagian dua panel syarikat...

**Datuk Abdul Ghapur bin Salleh [Kalabakan]:** [Bangun]

**Datuk Haji Mohamad bin Haji Aziz [Sri Gading]:** [Bangun]

**Tuan Yang di-Pertua:** Duduk Yang Berhormat.

**Datuk Douglas Uggah Embas:** ....Dan panel-panel inilah yang menimbang isu-isu ini.

Yang kedua mengenai pecahan bayaran yang diterima, saya ingin memberitahu kepada Yang Berhormat bahawa 28.3% adalah menerima bayaran kurang dari RM100 ribu, antara RM100 ribu ke RM200 ribu - 29.8%, antara RM200 ribu ke RM300 ribu - 24.2%, antara RM300 ribu ke RM400 ribu adalah 12.3%, antara RM400 ribu ke RM500 ribu adalah 3% dan di antara RM500 ribu ke RM600 ribu adalah 1.5% dan di bawah antara RM600 ribu ke RM700 ribu adalah 0.9%, itu angka yang ada.

**Datuk Haji Mohamad bin Haji Aziz [Sri Gading]:** Tuan Yang di-Pertua.....

**Tuan Yang di-Pertua:** Cukuplah.....

**Datuk Haji Mohamad bin Haji Aziz [Sri Gading]:** Tuan Yang di-Pertua, ini berkaitan dengan kepentingan ramai Tuan Yang di-Pertua bagi soalan ini.

**Tuan Yang di-Pertua:** Boleh dibangkitkan kemudian.

**Datuk Haji Mohamad bin Haji Aziz [Sri Gading]:** Saya rasa terlambat Tuan Yang di-Pertua, kalau kemudian, pasal ini soal kemarahan rakyat di negara ini kepada MAS ini Tuan Yang di-Pertua.

**Tuan Yang di-Pertua:** Sila, Yang Berhormat bagi Arau.

**Datuk Haji Mohamad bin Haji Aziz [Sri Gading]:** Bagi saya..., minta tolonglah Tuan Yang di-Pertua.

**Tuan Yang di-Pertua:** Tidak cukup masa Yang Berhormat. Duduk.

**Datuk Haji Mohamad bin Haji Aziz [Sri Gading]:** Ya?

**Tuan Yang di-Pertua:** Tidak cukup masa, kita banyak lagi soalan.

**Datuk Haji Mohamad bin Haji Aziz [Sri Gading]:** Kita sampai 11.30 pagi Tuan Yang di-Pertua.

**Tuan Yang di-Pertua:** Ya, Yang Berhormat bagi Arau.

4. **Dato' Seri Diraja Syed Razlan ibni Syed Putra Jamalullail [Arau]** minta Menteri Perusahaan Perladangan dan Komoditi menyatakan, apakah yang telah dilakukan untuk mengatasi masalah serangan kulat 'fusarium' yang menjejaskan hasil keluaran tembakau, pisang dan pitaya negara.

**Setiausaha Parlimen Kementerian Perusahaan Perladangan dan Komoditi**

**[Dato' Dr. S. Vijayaratnam]:** Tuan Yang di-Pertua, untuk makluman Yang Berhormat bagi Arau, Kementerian Perusahaan Perladangan dan Komoditi, adalah bertanggungjawab ke atas komoditi seperti tembakau, getah, koko, lada hitam, kayu dan minyak sawit. Oleh yang demikian jawapan yang akan dikemukakan adalah hanya berkaitan dengan tanaman tembakau yang mana diselia oleh pihak Lembaga Tembakau Negara. Sehubungan dengan itu, masalah berkaitan dengan serangan ke atas pisang dan *dragon fruit* ataupun buah naga, bolehlah diajukan kepada Kementerian Pertanian dan Asas Tani.

Jangkitan penyakit yang disebabkan oleh kulat 'fusarium solani' atau kulat '*fusarium oxysporum*' yang menjangkiti pokok tembakau, menunjukkan simptom-simptom seperti kerosakan pada bahagian akar, daun berwarna kekuningan dan pertumbuhan pokok akan terbantut di peringkat awal jangkitan. Seterusnya boleh berlaku kematian tanaman pada peringkat jangkitan seterusnya. Jangkitan penyakit ini berlaku melalui luka pada akar yang terjadi kesan dari aktiviti penggembur tanah ataupun akibat serangan cacing nematoda.

**Tuan Yang di-Pertua:** Tindakan untuk mengatasi ya.

**Dato' Dr. S. Vijayaratnam:** Ada lagi Tuan Yang di-Pertua.

**Tuan Yang di-Pertua:** Ya, teruskan.

**Dato' Dr. S. Vijayaratnam:** Tuan Yang di-Pertua, langkah-langkah yang diambil untuk mengatasi masalah serangan kulat *fusarium* kepada tanaman tembakau ialah melalui amalan pertanian tembakau yang baik ataupun *good agricultural practice* dengan izin. Penggunaan racun kimia dan kaedah kawalan biologi yang meliputi tindakan-tindakan berikut:

- (i) menanam anak benih tembakau yang sihat dari *verity* yang rintang kepada penyakit;
- (ii) memusnahkan rumpai perumah seperti pokok letup-letup, bayam duri dan maman pasir;
- (iii) mencegah penanaman tembakau, menanam tanaman perumah seperti bendi di kawasan tanaman tembakau;
- (iv) memusnahkan tanaman yang dijangkiti;
- (v) menjaga kebersihan alatan ladang untuk mengelakkan perpindahan penyebab penyakit; dan
- (vi) melakukan amalan mengapur di kawasan tanaman tembakau yang perlu untuk mengelakkan perkembangan penyakit.

Tuan Yang di-Pertua, masalah serangan penyakit oleh kulat *fusarium* bagi tanaman tembakau telah terkawal dan tidak mendatangkan masalah yang besar kepada penanam tembakau negara.

**Tuan Yang di-Pertua:** Ya, Arau.

**Dato' Seri Diraja Syed Razlan ibni Syed Putera Jamalullail [Arau]:** Tan Sri Yang di-Pertua, saya ucapkan terima kasih atas jawapan yang begitu panjang oleh Yang Berhormat Setiausaha Parlimen. Tapi saya rasa kalau nak kata tidak ada masalah, saya tak setuju langsung. Oleh sebab saya rasa masalah untuk tembakau memang ada, sebab itu hasil dia, yang datang daripada penyakit *fusarium* ini, memang ada dan sebab itu hasilnya terlalu rendah. Pada hal dia boleh jadi dua kali ganda daripada apa yang patut dapat sekarang. Yang Berhormat tidak beritahu bahawa salah satu di antaranya ialah menggunakan pembaik pulih tanah ataupun *soil ameliorant*, Tan Sri, dengan izin...

**Tuan Yang di-Pertua:** *Soil* apa?

**Dato' Seri Diraja Syed Razlan ibni Syed Putera Jamalullail [Arau]:** *Soil ameliorant*.

**Dato' Paduka Haji Badruddin bin Amiruldin [Jerai]:** Bahasa Melayu apa dia?

**Dato' Seri Diraja Syed Razlan ibni Syed Putera Jamalullail [Arau]:** Bahasa Melayu dia pembaik pulih tanah Tuan Yang di-Pertua. Boleh ya?... [Beberapa Ahli ketawa]

**Dato' Paduka Haji Badruddin bin Amiruldin [Jerai]:** Ha! Okey.

**Dato' Seri Diraja Syed Razlan ibni Syed Putera Jamalullail [Arau]:** Jadi, yang saya nak tahu, adakah kaedah-kaedah yang kita cakap ini telah diguna dengan cara berleluasa Jika tidak, bila nak dimulakan oleh sebab *fusarium* ini adalah penyakit yang berbahaya.

Tan Sri Yang di-Pertua, pernah terjadi di Panama, di mana penyakit *fusarium* di namakan *Panama disease* telah memusnahkan lebih kurang 58 ribu hektar dengan sekelip mata. Pada masa itu Tan Sri, semua pisang-pisang tak selamat, berkulat semua. Jadi kita tidak mahu pisang-pisang kita di Malaysia dijangkiti dengan cara itu juga.

**Dato' Paduka Haji Badruddin bin Amiruldin [Jerai]:** Pisang jenis apa itu?

**Dato' Seri Diraja Syed Razlan ibni Syed Putera Jamalullail [Arau]:** Jadi saya nak minta dari Yang Berhormat Setiausaha Parlimen, macam mana nak diatasi penyakit ini, Yang Berhormat kata tidak ada masalah, saya kata ada?

**Tuan Yang di-Pertua:** Baik Yang Berhormat.

**Dato' Dr. S. Vijayarajam:** Terima kasih Yang Berhormat bagi Arau. Saya tidak nafikan bahawa masalah ini tidak wujud, memang ada tetapi dikawal dan langkah-langkah yang tersebut oleh Yang Berhormat, dilaksanakan. Penyakit *fusarium* ini adalah satu kulat atau pun *fungus* dan ia berjangkit dari satu tumbuhan kepada tumbuhan lain melalui tanah dan juga melalui cacing *nematode*. Dan macam saya katakan tadi, langkah-langkah sedang diambil, dan aktiviti ataupun tunjuk ajar kepada petani-petani pun dijalankan. Saya percaya boleh dikatakan ini wabaklah, kalau ada, tidak wujud di negara kita dan masalah ini dikawal. Sekian Terima kasih.

**Tuan Yang di-Pertua:** Sabak Bernam.

**Dato' Mat Yasir bin Ikhsan [Sabak Bernam]:** Terima kasih Tan Sri Yang di-Pertua, terima kasih Yang Berhormat Setiausaha Parlimen.

Saya nak memandangkan isu tembakau ini dalam konteks yang berbeza. Sebenarnya kita dalam usaha untuk menghapuskan tembakau kerana kita juga menjalankan kempen anti rokok. Jadi kita ni nampaknya macam ada satu kontradiksi, dalam kita kempen anti rokok kita pula nak mengembangkan tembakau. Jadi saya mungkin nak menyatakan bahawa elok juga kulat-kulat ini semakin banyak supaya tembakau ini habis... [Dewan riu dengan ketawa] Tapi yang penting sekali Tuan Yang di-Pertua, ini yang penting sekali ialah saya difahamkan ladang tembakau ni nak ditukar dengan tanaman kenaf.

Saya ingat ini satu perkara yang bagus tetapi saya difahamkan oleh penduduk, hasil daripada tembakau ini, sebulan RM800, tetapi kalau digantikan dengan kenaf, hasil untuk satu ekar lebih kurang RM300. Apakah mungkin ini boleh berlaku untuk kita menggantikan tanaman tembakau itu dengan kenaf? Minta penjelasan daripada Setiausaha Parlimen. Terima kasih.

**Dato' Dr. S. Vijayarajam:** Terima kasih Yang Berhormat bagi Sabak Bernam. Memang betul kerajaan sekarang tidak menggalakkan penanaman tembakau, satu dari segi kesihatan dan kedua, oleh kerana cukai tembakau pun sudah naik dan harga rokok pun sudah naik.

Untuk makluman Yang Berhormat, Lembaga Tembakau Negara telah mendapatkan pembeli-pembeli hasil-hasil pertanian terutamanya dari Pantai Barat dan mencadangkan apa yang dikatakan *Contract Farming* dengan izin, dengan penanam-penanam tembakau dan menyediakan pinjaman mudah 70%, nisbahnya 70:30. Jumlah 30% itu sebagai insentif, sebagai modal operasi kepada penanam tembakau untuk menceburi di dalam tanaman lain. Menyediakan kemudahan kredit tenggala tanah melalui unit mekanisasi LTN supaya penanaman tanaman integrasi dapat mengikut jadual yang

ditetapkan dan tanaman integrasi ini Tuan Yang di-Pertua, Yang Berhormat, termasuklah kenaf, jagung dan tembikai. Pulangannya, saya mengakui bahawa pulangan nya daripada kenaf kurang berbanding daripada pulangan tembakau, tetapi kita tengoklah macam mana kita boleh menggalakkan tanaman-tanaman ataupun buah-buahan yang lain seperti nanas juga boleh digalakkan, seperti tanaman integrasi.

Dan kita pun bekerjasama Tuan Yang di-Pertua dengan Jabatan Pertanian, MARDI dan FAMA bagi memberi khidmat nasihat dan bimbingan kepada petani-petani tembakau. Sekian, terima kasih.

**Tuan Yang di-Pertua:** Dijemput Yang Berhormat dari Kota Melaka.

**Tuan Wong Nai Chee [Kota Melaka]:** Terima kasih Tan Sri. Saya kemukakan soalan saya yang kelima.

5. **Tuan Wong Nai Chee [Kota Melaka]** minta Menteri Perumahan dan Kerajaan Tempatan menyatakan, apakah tindakan susulan yang diambil oleh pihak kerajaan dalam kes-kes melibatkan bangunan runtuh yang disebabkan oleh kecuaiannya manusia dalam perancangan dan pengurusan.

**Timbalan Menteri Perumahan dan Kerajaan Tempatan [Datuk Robert Lau Hoi Chew]:** Tuan Yang di-Pertua, tindakan susulan yang diambil oleh pihak kerajaan dan kes-kes melibatkan bangunan runtuh yang disebabkan oleh kecuaiannya manusia dalam perancangan dan pengurusan adalah seperti berikut:

- (i) menjalankan kajian dan siasatan mengikut carta aliran Jawatankuasa Pengurusan dan Bantuan Bencana Pusat (JPBBP) di mana Kumpulan Kerja Tanah Runtuh atau KKTR ditubuhkan; dan
- (ii) berdasarkan kepada keputusan kajian yang telah dijalankan, tindakan yang boleh dikenakan terhadap para perunding adalah seperti yang di termaktub di dalam klausa or Seksyen 71, Akta Jalan, Parit dan Bangunan 1994 atau Akta 133 dan klausa 258, Undang-undang Kecil Bangunan Seragam 1984.

Sekian.

**Tuan Wong Nai Chee [Kota Melaka]:** Terima kasih Tuan Yang di-Pertua. Tuan Yang di-Pertua, dalam kes-kes kematian manusia yang berpunca daripada kecuaiannya manusia sebenarnya di bawah undang-undang dalam negara kira. Di bawah undang-undang Kanun Keseksaan misal kata dan juga dalam kes yang melibatkan kematian di bawah undang-undang Akta Pengangkutan Jalan raya juga.

Jadi saya ingin tahu setakat manakah kerelaan pihak kerajaan menggunakan undang-undang di bawah Kanun Keseksaan untuk mendakwa pihak-pihak yang berkenaan yang telah pun secara langsung disebabkan oleh kecuaiannya terlampau mereka iaitu *gross negligence* yang telah pun menyebabkan kematian berpuluh-puluh orang dalam kes-kes yang menyebabkan bangunan runtuh. Sekian.

**Datuk Robert Lau Hoi Chew:** Terima kasih Yang Berhormat bagi Kota Melaka. Seperti saya jawab tadi, di bawah seksyen 71 Akta Jalan, Parit dan Bangunan 1974 atau Akta 133, ini adalah satu peruntukan iaitu jika sesuatu bangunan atau sesuatu bahagian bangunan gagal di dalam masa binaan atau selepas masa binaan, orang yang bertanggungjawab atas salah binaan atau tidak adanya penyeliaan yang sepenuhnya itu disalahrekabentuk atau salah rekaan itu atau salah gunaan itu boleh apabila disabitkan dikenakan denda tidak lebih daripada RM500 ribu atau penjara selama tempoh tidak lebih daripada 10 tahun atau kedua-duanya. Itulah saya rasa cukup berat.

**Tuan Yang di-Pertua:** Ya, Yang Berhormat bagi Tanjong.

**Tuan Chow Kon Yeow [Tanjong]:** Terima kasih Tuan Yang di-Pertua, soalan tambahan saya. Mengikut jawapan dari Timbalan Menteri, ada menyatakan tanggungjawab-tanggungjawab yang perlu dipikul oleh pemaju-pemaju, tetapi adakah Timbalan Menteri sedar bahawa PBT-PBT juga perlu memikul tanggungjawab sebab kelulusan diberikan oleh PBT-PBT misalnya dalam kes di Ampang Jaya, MPAJ didapati masih memberi kelulusan kepada projek-projek di lereng-lereng bukit dan baru-baru ini Mahkamah Persekutuan telah memutuskan bahawa PBT-PBT diberikan *legal immunity* dari tanggungjawab-tanggungjawab apabila berlakunya insiden-insiden bangunan runtuh dan sebagainya. Saya ingin tahu dari Timbalan Menteri, sama ada kerajaan akan menggubal undang-undang untuk menjadikan PBT-PBT turut bertanggungjawab dan bukan menikmati *legal immunity* sebagaimana diputuskan oleh Mahkamah Persekutuan. Sekian.

**Datuk Robert Lau Hoi Chew:** Terima kasih Yang Berhormat. Undang-undang sekarang berlaku ialah PBT akan luluskan ini dan mengeluarkan CFO atas laporan atau siasatan *certificate* dari perunding iaitu sekarang kementerian saya telah uruskan satu pindaan undang-undang ini kepada pindah ini CFO kepada CCC. CFO ialah *Certificate of Fitness and Occupation* dengan izin. CCC is *Certificate of Completion and Compliance*, dengan izin.

Di bawah sistem CCC, tanggungjawab kelulusan CCC akan disalurkan kepada perunding supaya mereka perlu isi berapa borang supaya kalau nanti ada masalah bangunan itu, dia boleh didenda di bawah undang-undang berkaitan iaitu sekarang ini masih diproses di bawah kementerian saya. Memang benar di bawah Seksyen 95, iaitu Akta Jalan, Parit dan Bangunan 1974 atau Akta 133, pegawai kerajaan seperti di PBT, kalau mereka bertugas dengan *bona fide* akan dilindungi dari tindakan undang-undang, sekian.

6. **Datuk Ismail Sabri bin Yaakob [Bera]** minta Menteri Keselamatan Dalam Negeri menyatakan, sejauh manakah keberkesanan pil *methadone* dan *subutex* bagi memulihkan penagih dadah dan bagaimanakah pemantauan dibuat bagi mengelakkan penyalahgunaan pil-pil tersebut.

**Timbalan Menteri Keselamatan Dalam Negeri [Dato' Mohd Johari bin Baharum]:** Terima kasih Yang Berhormat bagi Bera. Tuan Yang di-Pertua, penggunaan *methadone* dalam rawatan dan pemulihan dadah dan disokong dengan program-program pemulihan psikososial terutama melalui kaunseling yang berstruktur telah membantu meningkatkan keberkesanan usaha-usaha rawatan dan pemulihan RTG ini.

*Client-client methadone* yang mengikuti program RTG ini menyatakan perubahan yang ketara dan positif terutama dalam diri dan fungsi sosial mereka. Antaranya ialah:

- (i) mengembalikan keupayaan diri secara normal;
- (ii) mengurangkan rasa ketagihan terhadap dadah;
- (iii) meningkatkan fungsi psikososial;
- (iv) mengurangkan keinginan terhadap dadah;
- (v) membantu keupayaan bekerja;
- (vi) mengelak diri daripada terlibat dalam aktiviti jenayah; dan
- (vii) mengelakkan risiko jangkitan HIV.

Pemantauan dilakukan ke atas *client-client methadone* ini melalui ujian *urine* dan pengakuan *client* dalam sesi-sesi kaunseling yang dijalankan. Setiap *client* telah dibekalkan dengan pengenalan diri dan menyatakan penyertaan mereka dalam program ini untuk langkah-langkah keselamatan. Pada masa ini, kerajaan belum bercadang untuk menggunakan *subutex* dalam rawatan dan pemulihan dadah.

Namun begitu, *subutex* telah digunakan untuk merawat dan memulihkan penagih-penagih dadah terutama di klinik-klinik persendirian dengan bantuan pakar-pakar dan kerjasama Persatuan Perubatan Malaysia dan Persatuan Psikiatri Malaysia. Keberkesanan

penggunaan *subutex* dalam konteks rawatan dan pemulihan dadah di negara ini masih belum dapat dinilai kerana ia baru dilaksanakan.

**Tuan Yang di-Pertua:** Ada lagi Yang Berhormat bagi Bera?

**Datuk Ismail Sabri bin Yaakob [Bera]:** Terima kasih Tuan Yang di-Pertua, terima kasih Yang Berhormat Menteri. Saya difahamkan sekarang *methadone* dan *subutex* kini menjadi dadah yang lebih mengkhayalkan berbanding dengan *morphine* dan heroin apabila *methadone* ini dicampurkan dengan pil tidur yang dipanggil *domicom*. Ia menjadi satu jenis dadah baru pula dipanggil "*domi*", sekarang.

*Methadon* campur *domicom*, khayal dia lebih tinggi lagi dan yang menjadi lebih bahaya ialah apabila ubat-ubat ini menjadi sebagai sebahagian daripada proses ataupun kaedah untuk mencegah dadah, ubat-ubat ini boleh dibeli daripada klinik-klinik biasa, daripada klinik-klinik swasta dan sebagainya. Secara *black market* dan sebagainya kita tak kira. Jadi mereka apabila ditahan oleh polis, mereka mengatakan mereka bekas penagih dadah dan dadah yang ada pada tangan mereka adalah dadah yang dibenarkan tetapi bila dicampurkan, ia akan menjadi lebih berbahaya. Jadi bagaimana pemantauan boleh dibuat kepada perkara ini? Dan Yang Berhormat, penagihan baru adalah penagihan dadah campuran atau pun dipanggil *poly-drug*.

Sedangkan kaedah yang dibuat oleh kementerian sekarang ialah kaedah untuk menyelesaikan dadah-dadah tradisional. Jadi tidakkah kita ketinggalan sekarang? Pihak kementerian ketinggalan kerana fokus kepada dadah lama sedangkan penagih-penagih telah berpindah kepada dadah campuran, dadah baru apa yang dipanggil *poly-drug* seperti *ice*, *syabu* dan sebagainya. Jadi bagaimana pemantauan ataupun pelan tindakan jangka panjang untuk menyelesaikan masalah dadah baru ini?

**Dato' Mohd. Johari bin Baharum:** Terima kasih Yang Berhormat. Jadi berkenaan dengan rawatan *methadone* ini sebenarnya penagih-penagih ini mereka kena makan atau mereka kena ambil ubat itu di klinik yang berkenaan iaitu di depan doktor itu sendiri. Maknanya dia mesti makan ubat itu di dalam klinik atau di hospital yang berkenaan. Jadi kalau dibuat di luar daripada itu maknanya itu salahlah. Maknanya belum ada lagi penagih-penagih dadah yang kita benarkan mereka membawa *methadone* ini keluar daripada klinik.

Jadi berkenaan dengan penggunaan *methadone* atau lain-lain jenis gantian kepada rawatan penagihan dadah untuk dadah jenis ATS ini belumlah kita ada penemuan lagi. Walau bagaimanapun, ini adalah di bawah Kementerian Kesihatan. Jadi Kementerian Kesihatan yang memulakan ini dan dengan kerjasama dengan Kementerian Keselamatan Dalam Negeri.

**Dr. Mohd. Hayati bin Othman [Pendang]:** Terima kasih Tuan Yang di-Pertua. Pada peringkat permulaan *methadone* ini sebanyak lapan buah hospital, dua klinik kesihatan termasuklah klinik kesihatan Pendang dan juga lapan klinik swasta telah digunakan sebagai tempat untuk memberi *methadone* ini kepada penagih dadah dan daripada kajian yang dijalankan mendapati 90% daripada klinik swasta ini tidak mengikut peraturan. Jadi mungkin kejayaan daripada klinik swasta ini tidak tercapai.

Soalan yang ingin saya timbulkan bagaimanakah kita hendak memastikan bahawa kegagalan itu disebabkan oleh di klinik swasta ataupun disebabkan oleh penagih dadah itu sendiri. Sebab biasanya memang penagih dadah ini memang mereka tidak dapat mengikut jadual yang telah diberikan dan tidak mematuhi peraturan yang ditetapkan oleh klinik-klinik tersebut. Jadi saya ingin penjelasan daripada pihak Kementerian. Terima kasih.

**Dato' Mohd. Johari bin Baharum:** Terima kasih Yang Berhormat. Sebenarnya memanglah usaha pemulihan dadah ini memang rumit kerana apa juga cara yang kita gunakan kadang-kadang tanpa penglibatan daripada ibu bapa dan sebagainya saya rasa sukar untuk kita mengadakan program-program yang kita lancarkan. Kadang-kadang kita mengharapkan daripada penagih dadah sahaja. Jadi kita haraplah juga kepada keluarga turut terlibat supaya mereka juga memainkan peranan untuk memastikan bahawa rawatan ini dapat dijalankan dengan sempurna. Jadi memanglah sukar untuk kita buat tinjauan kepada tiap-tiap penagih dadah yang datang ke klinik yang berkenaan.

Untuk pengetahuan Yang Berhormat-Yang Berhormat sekalian, setakat hari ini kita rasa bahawa usaha yang kita buat itu telah mendatangkan kejayaan daripada apa yang kita buat. Jadi selain daripada *methadone* itu kita juga mengadakan kaunseling. Kita ada 3,178 sesi kaunseling untuk individu. Penagih-penagih dadah yang datang itu kita ada tiga ribu lebih sesi kaunseling yang telah dibuat. Selain daripada itu, 583 sesi kaunseling untuk kelompok kita buat dan selain daripada itu juga 399 sesi kaunseling untuk keluarga. Jadi maknanya Kerajaan kita telah menggunakan apa juga cara untuk membuat pemulihan ini.

Jadi tentang perkara-perkara yang saya rasa salah guna klinik itu saya tidak dapat pastilah kerana mungkin ada kerana ini di bawah pemantauan oleh Kementerian Kesihatan. Terima kasih.

7. **Datuk Haji Mohamed Razali bin Che Mamat [Kuala Krai]** minta Menteri Sumber Asli dan Alam Sekitar menyatakan, sejauh manakah pemantauan yang telah dibuat oleh Jabatan Alam Sekitar untuk mengesan tapak-tapak pembuangan sampah haram yang dianggap tidak selamat serta boleh mengakibatkan pencemaran. Sila nyatakan, sehingga kini, berapakah jumlah tapak pembuangan sampah yang telah ditutup di negeri Selangor.

**Setiausaha Parlimen Kementerian Sumber Asli dan Alam Sekitar [Tuan Sazmi bin Miah]:** Terima kasih Ahli Yang Berhormat. Tuan Yang di-Pertua, untuk makluman Ahli Yang Berhormat Kementerian Sumber Asli dan Alam Sekitar melalui Jabatan Alam Sekitar melaksanakan pemantauan dan penguatkuasaan ke atas tapak-tapak pelupusan sisa pepejal yang mempunyai kelulusan laporan penilaian kesan kepada alam sekitar EIA di mana tapak-tapak ini adalah dari jenis *sanitary* dan mempunyai sistem kawalan pencemaran. Pemeriksaan juga dilaksanakan ke atas tapak-tapak pelupusan yang lain yang dikendalikan oleh pihak-pihak berkuasa tempatan atau pihak lain terutamanya apabila berlaku kes-kes pencemaran dan aduan daripada orang ramai.

Berdasarkan kepada pemeriksaan tersebut tapak-tapak pelupusan sampah dari jenis tapak pembuangan terbuka ataupun *dump site* yang dikendalikan oleh pihak berkuasa tempatan merupakan tapak yang menyebabkan pencemaran seperti berbau busuk, pencemaran air resapan ke dalam sungai dan air tanah dan pembakaran terbuka. Tapak-tapak ini tidak mempunyai kelengkapan kawalan pencemaran seperti sistem pengolahan air resapan, sistem pengudaraan gas dan juga tiada kerja-kerja penimbunan lapisan tanah ke atas sampah-sampah yang telah dibuang.

Sehingga kini sebanyak dua tapak pelupusan sampah telah ditutup di negeri Selangor iaitu tapak pelupusan sampah Sungai Kembong di bawah Majlis Perbandaran Kajang dan juga tapak pelupusan sampah Kundang di bawah Majlis Perbandaran Selayang. Terima kasih.

**Datuk Haji Mohd. Razali bin Che Mamat [Kuala Krai]:** Terima kasih Setiausaha Parlimen, terima kasih Tuan Yang di-Pertua. Atas jawapan tadi kita faham dan oleh kerana Kementerian Sumber Asli dan Alam Sekitar ialah Kementerian yang begitu mustahak dan kesannya menyeluruh kepada seluruh negeri dan bagaimana jawapan Setiausaha Parlimen tadi telah pun membuat pemantauan di negeri-negeri lain.

Saya ingin tahu adakah pihak Kementerian membuat pemantauan ini ke seluruh negeri-negeri dan jika ada berapa pula terdapat di negeri-negeri lain tapak haram ini kerana kita tahu kesannya adalah begitu buruk kepada kesihatan lebih-lebih lagi kepada pelancong yang terdapat begitu kotor dan soalan-soalan sebegini selalu timbul dalam Dewan ini tetapi penyelesaian tidak habis, terus berlaku di tiap-tiap negeri. Apakah langkah yang terkini bagi Kementerian ini untuk membasmi perkara ini dari segi kesihatan terutama sekali. Terima kasih.

**Tuan Sazmi bin Miah:** Terima kasih Yang Berhormat. Saya Setiausaha Parlimen bukan Timbalan Menteri. Kita di pihak Kementerian telah pun membuat kajian kepada tapak-tapak pelupusan sampah yang didapati sememangnya memberi kesan yang buruk kepada penduduk persekitaran dan terdapat sebanyak lebih kurang 16 buah tapak pelupusan sampah yang telah dikenal pasti yang kita akan tutup dengan serta-merta. Cuma kita menunggu keputusan perunding yang dilantik oleh Kementerian Perumahan dan

Kerajaan Tempatan di mana pada dua hari lepas jawatankuasa kabinet berkenaan dengan pelupusan sisa pepejal telah pun membuat mesyuarat dan mengambil keputusan ianya akan diadakan dengan segera. Jadi sememangnya dengan kerjasama pihak Kementerian Perumahan dan Kerajaan Tempatan dan juga Kementerian Sumber Asli dan Alam Sekitar kes-kes pencemaran yang disebabkan oleh tempat-tempat sampah terbuka ini memang di dalam pengawasan kita secara terperinci. Terima kasih.

**Tuan Lau Yeng Peng [Puchong]:** Terima kasih Tuan Yang di-Pertua dan terima kasih Yang Berhormat Setiausaha Parlimen. Di sini saya ada dua soalan tambahan tetapi ada berkaitan. Yang pertama mengenai pelupusan sampah sarap bahan-bahan buangan binaan terutama di kawasan-kawasan bandar dan juga semi bandar ini di mana telah memberikan banyak masalah kepada orang ramai dari segi pencemaran dan juga dari segi pemandangan yang tidak elok di tepi jalan.

Jadi apakah rancangan ataupun proses pengawalseliaan dari Kementerian untuk dibuat dan satu soalan tambahan yang ada kaitan iaitu mengenai kita mengalu-alukan penutupan tempat-tempat pelupusan sampah di Selangor tetapi yang paling penting sekali apakah rancangan Kementerian untuk penggunaan tanah ataupun kawasan-kawasan yang ditutup ini. Bagaimana kita boleh memulihkan lagi, apakah jenis peruntukan dan juga tindakan-tindakan positif seterusnya supaya kawasan itu dapat dipulihkan semula untuk manfaat dan juga faedah rakyat khususnya orang-orang di Selangor. Terima kasih.

**Tuan Sazmi bin Miah:** Terima kasih Yang Berhormat bagi Puchong di atas soalan tambahan. Yang pertama sekali berkenaan dengan bahan buangan binaan. Ini memang telah pun dibincangkan dalam mesyuarat jawatankuasa kabinet dan satu penetapan telah diambil di mana satu kawasan pelupusan sampah yang baru yang akan diadakan permulaannya di Selangor untuk Lembah Klang dan ianya akan dibina.

Dan untuk soalan yang kedua iaitu berkenaan dengan tindakan penutupan tempat sisa-sisa sampah tadi, berkenaan dengan pemuliharaan. Untuk makluman Yang Berhormat bagi memulihkan suatu kawasan pembuangan sampah ini akan mengambil masa yang agak lama. Paling kurang kita anggarakan lebih kurang 10 tahun dan kerajaan telah pun bercadang dan telah pun membuat tindakan susulan di mana apabila 16 buah tapak yang dikenal pasti tersebut apabila kita tutup, rancangan pemuliharaan akan diadakan dengan kemudahan peruntukan yang disediakan. Pada ingatan saya lebih daripada RM90 juta untuk 10 tahun yang akan datang. Ini termasuk menanam pokok-pokok dan menjadikan kawasan tersebut sebagai kawasan taman dan sebagainya. Terima kasih.

8. **Datuk Ismail bin Haji Abd. Muttalib [Maran]** minta Menteri Kerja Raya menyatakan, berapakah jumlah bangunan kerajaan yang telah didaftarkan di bawah Jabatan Kerja Raya di seluruh negara dan apakah terdapat bangunan-bangunan kerajaan yang terbiar dan tidak digunakan akibat daripada pembinaan bangunan-bangunan baru termasuk pembangunan pusat pentadbiran Putrajaya. Berapakah jumlah kutipan bayaran sewa bangunan Kerajaan di seluruh negara.

**Timbalan Menteri Kerja Raya [Dato' Ir. Mohd. Zin bin Mohamed]:** Tuan Yang di-Pertua, untuk makluman Ahli Yang Berhormat semua bangunan kerajaan adalah didaftarkan di bawah Jabatan Kerja Raya mengikut negeri masing-masing termasuk Jabatan Kerja Raya Wilayah Persekutuan Kuala Lumpur, Labuan dan Putrajaya. Walau bagaimanapun, Jabatan Kerja Raya Ibu Pejabat tidak menyimpan data-data bagi bilangan bangunan kerajaan di seluruh negara. Kementerian Kerja Raya hanya bertanggungjawab untuk mendaftar dan menyelenggarakan bangunan guna sama Kerajaan Persekutuan yang berada di seluruh negara.

Sehingga kini bilangan bangunan yang didaftarkan adalah sebanyak 86 buah. Berdasarkan kepada rekod Kementerian ini, tidak ada bangunan guna sama Kerajaan Persekutuan yang terbiar dan tidak digunakan akibat daripada pembinaan bangunan-bangunan baru termasuk pembangunan Pusat Pentadbiran Kerajaan Persekutuan Putrajaya.

Untuk makluman Ahli Yang Berhormat, Kementerian Kerja Raya tidak mempunyai maklumat mengenai kutipan bayaran sewa bangunan kerajaan di seluruh negara oleh sebab pengurusan bangunan kerajaan adalah di bawah tanggungjawab pelbagai kementerian dan jabatan termasuk kerajaan negeri.

**Datuk Haji Ismail bin Haji Abd. Muttalib [Maran]:** Terima kasih Tuan Yang di-Pertua, terima kasih Timbalan Menteri. Soalan tambahan saya, saya mendapat maklumat banyak bangunan-bangunan kerajaan yang tidak diselenggarakan dengan baik dan merugikan termasuk di negeri-negeri. Kos penyelenggaraan ini agak tinggi dan difahamkan tidak lagi ekonomi. Adakah kerajaan telah mengambil tindakan menjual bangunan-bangunan yang mana dari segi penyelenggaraannya tidak ekonomi ini dan berapakah jumlah perolehan balik yang diperolehi oleh kerajaan hasil daripada penjualan bangunan-bangunan tersebut. Terima kasih.

**Dato' Ir. Mohd. Zin bin Mohamed:** Tuan Yang di-Pertua dan Ahli Yang Berhormat. Pada pandangan saya bahawasanya setiap bangunan harus di selenggara dan kalau kita selenggara dengan baik dan dengan teliti mengikut garis pandu yang telah pun di tetap dengan izin, *life spend*, bangunan itu akan dapat diperpanjang dan kita sedia maklum kalau di negara-negara maju, bangunan yang digunakan mencecah hampir beribu tahun pun kalau yang sedia ada. Jadi untuk menyatakan bahawa bangunan yang tidak payah diselenggarakan ataupun tidak diselenggarakan dengan baik dia akan menyebabkan kita mengalami kerugian jawapannya memang benar dan nyata. Setiap bangunan yang sedia ada mesti diselenggarakan kerana kita hendak menjadikan ia sebagai satu aset negara dan untuk menjawab secara spesifik yang telah dibangkitkan oleh Yang Berhormat, saya perlukan maklumat bangunan yang mana dan tempat yang mana untuk dijawab.

**Ir. Dr. Wee Ka Siong [Ayer Hitam]:** [Bangun]

**Tuan Yang di-Pertua:** Ya, Ayer Hitam.

**Ir. Dr. Wee Ka Siong [Ayer Hitam]:** Terima kasih Tuan Yang di-Pertua. Saya hendak bertanya kepada Yang Berhormat Timbalan Menteri. Memandangkan penyelenggaraan itu amat penting bagi bangunan kerajaan seperti mana yang disebut Yang Berhormat Timbalan Menteri. Apakah peruntukan yang ada pada kementerian ataupun bangunan itu hanya diselenggarakan apabila berlakunya sesuatu insiden atau secara *ad-hoc*. Adakah kementerian mempunyai peruntukan seumpama ini secara rutin sekiranya kita membuat pemeriksaan ataupun apabila ada masalah barulah kita ambil tindakan?

**Dato' Ir. Mohd. Zin bin Mohamed:** Untuk makluman Yang Berhormat dengan izin *maintenance* kepada jalan-jalan raya kita ada *Federal road grant* dan untuk bangunan-bangunan terutama bangunan yang ada di bawah kawal selia Kementerian Kerja Raya sendiri yang saya sebut 86 buah, memang ada peruntukan khas dengan izin, *annual maintenance for this building* tetapi untuk memberikan jawapan yang khusus saya bersedia untuk memberi jawapan bertulis tentang jumlah peruntukan yang ada dan bangunan-bangunan yang telah pun ditetapkan untuk dikawal selia dan bangunan-bangunan yang lain, sebagaimana yang saya jawab sebentar tadi bahawa dia adalah di bawah bidang kuasa kementerian yang lain dan juga di bawah jabatan-jabatan yang berhubung kait termasuklah bidang kuasa kerajaan negeri.

9. **Dr. Tan Seng Giaw [Kepong]** minta Perdana Menteri menyatakan, prestasi Institut Integriti Malaysia dan Pelan Integriti Nasional. Bagaimana ia dapat dikaitkan dengan insiden korupsi di negara ini.

**Timbalan Menteri di Jabatan Perdana Menteri [Datuk M. Kayveas]:** Terima kasih Tuan Yang di-Pertua. Tuan Yang di-Pertua, sejak Pelan Integriti Nasional atau PIN dilancarkan dan Institut Integrasi Malaysia atau IIM ditubuhkan lebih kurang dua tahun lalu, IIM telah berjaya memainkan peranan untuk memantau dan mengkoordinasi PIN dengan baik. Kini IIM telah berjaya menjadi nadi penggerak kepada program-program bertemakan integriti yang dianjurkan oleh agensi-agensi kerajaan, badan-badan berkanun dan organisasi swasta dan sebagai contoh IIM telah menganjurkan hampir 800 program

bertemakan integriti yang diatur secara persendirian atau melalui perkongsian pintar dengan pelbagai pihak di seluruh negara.

Sambutan baik terhadap program-program ini memperlihatkan pemahaman, penghayatan dan pengalaman PIN yang semakin meningkat di kalangan rakyat. Untuk meninjau prestasi keberkesanan PIN, IIM sedang dalam usaha membangunkan satu indeks Integrasi Nasional dan setakat ini kajian rintis mengenai indeks Integrasi Nasional ini telah dilaksanakan di negeri Perak dan dijangka akan diperluas ke lebih banyak negeri dalam tempoh masa yang terdekat. Hasil penemuan indeks tersebut akan menjadi petunjuk penting tentang hala tuju PIN pada masa akan datang.

Tuan Yang di-Pertua seperti mana Ahli Yang Berhormat sedia maklum, strategi kerajaan untuk menangani gejala rasuah adalah melalui pelaksanaan strategi 'serampang dua mata' iaitu mengambil langkah *punitive* serta *preventive*. Dari segi *punitive*, pihak Badan Pencegah Rasuah (BPR), terus komited untuk mengambil langkah aktif dalam membendung kejadian rasuah. Kini semakin banyak kes-kes rasuah yang berjaya dibawa ke mahkamah berbanding dengan tahun-tahun lalu. Dari segi *preventive*, penggubalan PIN dan penubuhan IIM adalah antara langkah penting yang diambil oleh kerajaan untuk menangani gejala rasuah.

Matlamat utama di sebalik pelaksanaan langkah *preventive* adalah untuk menyedarkan masyarakat tentang implikasi buruk amalan rasuah dan untuk mempertingkatkan nilai integriti dalam diri setiap rakyat Malaysia. Dengan kesedaran tersebut maka keinginan seseorang untuk mengamalkan rasuah akan dapat dibendung. Dengan itu insiden rasuah akan berkurangan juga. Sekian terima kasih.

**Dr. Tan Seng Giaw [Kepong]:** Tuan Yang di-Pertua soalan tambahan. Mudah-mudahan apa yang disarankan tadi dapat dilaksanakan, dijayakan dengan baiklah. Jadi apakah kerangka undang-undang ataupun *legal framework* dan kaedah untuk memastikan konsep dan pelan PIN dapat dijayakan, dapat dihayati dan dilaksanakan dengan baik dan ini termasuklah peranan eksekutif, peranan Parlimen kerana kita dapati Ahli-ahli Parlimen mungkin termasuk Arau, Hulu Langat, Jerai dan sebagainya yang akan asyik mementingkan nilai-nilai murni serta bersejagat dan Hulu Langat pengerusi lembaga dia sekarang.

Kita haraplah sebagai Pengerusi dia dapat menggunakan nilai-nilai yang murni ini untuk melaksanakan tugasnya. Bukan sahaja peranan Parlimen, peranan kehakiman (*judiciary*), peranan Ketua Audit Negara, peranan sektor swasta dan masyarakat Madani dan sebagainya. Bolehkan Yang Berhormat terangkan sebab tadi secara am sahajalah jawapannya. Dan apakah, saya ulangi kerangka undang-undang dan kaedah-kaedah untuk bidang-bidang yang saya sebutkan tadi.

**Datuk M. Kayveas:** Terima kasih Tuan Yang di-Pertua, terima kasih Yang Berhormat. Pada masa ini tidak ada undang-undang spesifik berkaitan dengan PIN, IIM dan juga tidak ada cadangan daripada kerajaan untuk menggubal satu undang-undang spesifik berkaitan dengan PIN dan IIM. Mungkin pada masa akan datang kita akan kaji....

**Dato' Puan Lim Bee Kau [Padang Serai]:** [Bangun]

**Tuan Devamany a/l S. Krishnasamy [Cameron Highlands]:** [Bangun]

**Dato' Haji Mat Yasir bin Haji Ikhsan [Sabak Bernam]:** [Bangun]

**Tuan Yang di-Pertua:** Ya, Yang Berhormat bagi Padang Serai.

**Dato' Puan Lim Bee Kau [Padang Serai]:** Terima kasih Tuan Yang di-Pertua. Saya ingin membuat soalan tambahan kepada Timbalan Menteri. Adakah Timbalan Menteri ataupun pihak kerajaan sedar bahawa semenjak tertubuhnya Institut Integrasi ini *expectancy* ataupun harapan orang ramai adalah semakin meningkat. Dan kita lihat daripada persepsi orang ramai sekarang walaupun ada PIN dan sebagainya tidak nampak ada bertambah baiknya keadaan masalah-masalah korupsi dan sebagainya. Adakah pihak kementerian mempunyai cadangan untuk memberikan gambaran yang sebenar-benarnya dan untuk memberitahu kepada orang awam setakat mana berjayanya semenjak adanya

institusi ini, untuk mengatasi masalah korupsi yang masih berleluasa seperti yang didapati dari persepsi orang ramai ini. Terima kasih.

**Datuk M. Kayveas:** Terima kasih Yang Berhormat. Untuk makluman Yang Berhormat ini terlalu awal untuk mengkaji kesan dan impak IIM dan juga PIN secara mendalam. Namun kerajaan amat berkeyakinan kewujudan IIM dan PIN mampu meningkatkan nilai dan etika, dan juga integriti di kalangan rakyat dengan ketara dan dengan itu membasmi gejala rasuah di dalam negara. Walau bagaimanapun untuk pengetahuan Yang Berhormat IIM juga sedang berusaha untuk menubuhkan cawangan-cawangan di peringkat negeri di seluruh negara. Dan langkah-langkah ini diambil supaya fokus yang lebih mendalam terhadap isu integriti dapat diberi di peringkat akar umbi. Dan juga lebih banyak bahan bacaan ilmiah ke arah pengukuhan integriti di kalangan rakyat juga dibuat. Dan IIM juga ada menganjur beberapa program integriti pada peringkat antarabangsa juga.

10. **Tuan Markiman bin Kobiran [Hulu Langat]** minta Menteri Keselamatan Dalam Negeri menyatakan, adakah kerajaan tidak bercadang untuk menggunakan anggota polis atau pasukan keselamatan yang lain untuk mengiringi kenderaan syarikat sekuriti yang membawa jumlah wang yang banyak bagi mengelakkan kes rompakan berlaku.

**Timbalan Menteri Keselamatan Dalam Negeri [Dato' Mohd. Johari bin Baharum]:** Terima kasih Yang Berhormat bagi Hulu Langat. Tuan Yang di-Pertua Kementerian memang menggalakkan syarikat-syarikat memaklumkan kepada pihak polis bagi setiap perjalanan van syarikat kawalan keselamatan yang terbabit dalam penghantaran wang tunai ke premis bank dan ATM. Ini bagi membolehkan syarikat kawalan keselamatan mendapatkan maklumat mengenai keadaan keselamatan di sekitar jalan-jalan yang dilalui dan di premis yang dituju. Walau bagaimanapun kementerian tidak mewajibkan pihak polis untuk mengiringi perjalanan kenderaan tersebut. Ini kerana penghantaran wang yang melibatkan pelbagai tempat dan premis yang berlainan. Sebagai contoh di sekitar Lembah Klang sahaja dianggarkan sebanyak 2000 lebih transaksi penghantaran wang tunai ke premis bank dan ATM dilaksanakan setiap hari.

Adalah agak sukar untuk pihak polis mengiringi setiap perjalanan penghantaran wang tunai ke premis bank dan ATM memandangkan terdapat tugas-tugas keselamatan awam yang lain yang perlu dilaksanakan. Selain daripada itu, syarikat juga digalakkan mendapatkan nasihat polis dan panduan dari pihak polis untuk meningkatkan ciri-ciri keselamatan yang melibatkan *cash in transit* atau CIT. Terima kasih.

**Tuan Markiman bin Kobiran [Hulu Langat]:** Terima kasih Tuan Yang di-Pertua, terima kasih Yang Berhormat Timbalan Menteri. Tuan Yang di-Pertua tidak dapat dinafikan bahawa kebanyakan kes-kes rompakan yang berlaku kepada kenderaan-kenderaan syarikat kawalan keselamatan ini berlaku akibat daripada pakatan jahat atau ketamakan naluri manusia, kelalaian dan juga mungkin sifat kurang cerdik para petugas keselamatan ini. Dengan bayaran yang dikatakan RM35 satu perjalanan untuk mengiringi wang berjumlah lima hingga sepuluh juta. Keadaan ini hanya akan mengundang syarikat-syarikat keselamatan menggaji pekerja-pekerja daripada keturunan Gurkha yang diimport masuk ke negara ini.

Tuan Yang di-Pertua saya agak kecewa dengan keadaan ini kerana pegawai-pegawai polis, pegawai-pegawai trafik juga mengiringi jenazah-jenazah yang dihantar ke tanah perkuburan kelas pertama terutama sekali dalam kawasan saya sendiri. Sedangkan ini adalah satu perkara yang sangat mustahak kerana ianya bukan sahaja melibatkan wang yang banyak ia juga melibatkan keselamatan nyawa serta kecederaan.

Saya ingin mencadangkan jika pegawai polis tidak mempunyai bilangan yang cukup untuk tujuan ini, adakah pihak kementerian mencadangkan supaya petugas-petugas daripada negara-negara yang mempunyai prestasi yang tinggi dari hal keselamatan ini dibawa masuk untuk tujuan kerja ini. Terima kasih Tuan Yang di-Pertua.

**Dato' Mohd. Johari bin Baharum:** Terima kasih Yang Berhormat atas pandangan Yang Berhormat. Jadi berkenaan dengan pengambilan pekerja-pekerja asing terutamanya

untuk bertugas dalam penghantaran wang iaitu CIT ini. Sebenarnya sekarang ini pun kita ada peraturan-peraturan di mana kita membenarkan syarikat-syarikat keselamatan untuk mengambil pekerja-pekerja daripada negara luar. Sekarang ini hanya kita benar ialah daripada Nepal kerana tujuannya ialah untuk memberi *role model* kepada anggota di dalam syarikat-syarikat itu, kerana mereka ini adalah terdiri daripada bekas askar yang mempunyai disiplin dan sebagainya. Namun demikian kita tidak membenarkan mereka ini membawa senjata dan mereka juga tidak dibenarkan untuk menjaga tempat-tempat yang strategik seperti pelabuhan dan sebagainya. Mereka hanya menjalankan kawalan-kawalan yang tidak melibatkan tempat keselamatan dan juga melibatkan senjata api.

Berkenaan dengan rompakan-rompakan yang berlaku sekarang ini seperti mana yang kita maklum tahun ini hanya ada dua kejadian. Dan kejadian ini melibatkan pecah amanah daripada orang dalam syarikat itu sendiri yang membolehkan kejadian rompak itu berlaku di Shah Alam seperti mana yang kita tahu tetapi walau bagaimanapun Yang Berhormat berkenaan dengan lain-lain itu saya rasa apa yang dibangkit oleh Yang Berhormat tadi berkenaan dengan *escort* ke kelas pertama kubur itu saya tidak pastilah. Bagi laporan itu kepada saya, saya akan siasat tengok apa cerita yang sebenarnya kerana saya tidak ada laporan berkenaan dengan perkara itu. Terima kasih.

**Tuan Yang di-Pertua:** Itu bukan soalan. Baik, Yang Berhormat bagi Sekijang.

**Tuan Baharum bin Mohamed [Sekijang]:** Terima kasih Tuan Yang di-Pertua. Di dalam industri kawalan keselamatan ini kita sering kali, banyak kali dipaparkan dengan kejadian-kejadian tembak-menembak dan bunuh-membunuh terutama pengawal keselamatan menembak pada perompak dan yang banyak adalah perompak itu menembak kepada pengawal keselamatan itu sendiri.

Dan ini acap kali berlaku dan apabila Yang Berhormat Timbalan Menteri kata tadi, ada di antara industri yang ada ini yang membawa wang tidak dibenarkan untuk membawa senjata jadi saya rasa ini satu yang kita harus fikirkan balik sebab yang dibenarkan membawa senjata pada hari ini pun saya lihat, banyak rompakan-rompakan berlaku. Jadi apa yang berlaku sekarang ini Tuan Yang di-Pertua, ialah saya lihat ada yang dibenarkan bawa senjata iaitu senjata lama iaitu *short gun* ataupun senapang patah, yang mana perompak-perompak ini pula menggunakan senjata yang lebih canggih seperti M16 dan sebagainya.

Adakah kita atau kementerian bercadang untuk mengkaji supaya mereka yang berada dalam industri ini yang bertanggungjawab mengiring kenderaan bawa wang ini dan sebagainya ini diberikan senjata dan dibenarkan agar menggunakan senjata yang lebih canggih untuk pada masa-masa yang akan datang.

**Dato' Mohd. Johari bin Baharum:** Terima kasih Yang Berhormat. Tadi saya ingat Yang Berhormat keliru sekejap tadi. Saya kata kepada Gurkha ini, askar-askar Nepal dan juga pengawal-pengawal Nepal kita tidak membenarkan mereka menggunakan senjata. Yang *escort* duit atau barang-barang berharga ke tempat-empat tertentu oleh syarikat keselamatan, memang dibenarkan mereka membawa senjata dan mereka membawa senjata dan mereka menggunakan kelengkapan seperti *Armoured car* dan sebagainya. Sebenarnya ini terpulanglah kepada persatuan sebenarnya. Jadi hari ini kita tahu bahawa kadang-kadang kita lihat hari ini bayaran untuk menghantar duit kepada ATM hanya RM1,500 sebulan. Jadi selain daripada menghantar duit dia juga buat *service* dan sebagainya. Jadi maknanya, begitu rendah sekali dan selain daripada itu juga menghantar duit ke bank dan sebagainya di antara RM50 hingga RM60 sahaja.

So, saya rasa ini adalah persatuan mereka, kadang-kadang mereka sesama sendiri berlumba untuk mendapatkan kontrak, sebab itu harga ini dikurangkan oleh pihak-pihak yang melanggan mereka. Jadi memang kita sentiasa menggalakkan supaya mereka ini menggunakan senjata yang canggih dan sebagainya. Jadi terpulanglah kepada syarikat-syarikat yang berkenaan untuk melengkapkan diri mereka. Terima kasih.

11. **Tuan Edmund Chong Ket Wah [Batu Sapi]** minta Perdana Menteri menyatakan, ujian Bahasa Inggeris diwajibkan kepada semua rekrut polis yang baru. Adakah kerajaan akan memperkenalkan dasar yang sama, iaitu mewajibkan ujian bahasa Inggeris kepada kemasukan baru kakitangan kerajaan.

**Timbalan Menteri di Jabatan Perdana Menteri [Dato' Haji Abdul Rahman bin Suliman]:** Tuan Yang di-Pertua, Suruhanjaya Perkhidmatan Awam adalah salah satu daripada pihak berkuasa yang membuat pelantikan pegawai-pegawai ataupun kaki tangan perkhidmatan awam Persekutuan. Buat masa ini kerajaan tidak bercadang untuk menetapkan dasar bagi mewajibkan Ujian Bahasa Inggeris kepada kemasukan baru pegawai dan kakitangan kerajaan kecuali bagi jawatan-jawatan tertentu sahaja. Memang benar, bagi jawatan-jawatan tertentu yang difikirkan ada keperluan penggunaan bahasa Inggeris sewaktu berurusan, maka kemahiran bahasa Inggeris dinilai semasa temu duga oleh pihak Lembaga Temuduga.

**Datuk Haji Idris bin Haji Haron [Tangga Batu]:** Terima kasih Tuan Yang di-Pertua dan terima kasih Yang Berhormat Timbalan Menteri. Soalan saya, memandangkan kerajaan telah tidak memperkenalkan Ujian Bahasa Inggeris ini, adakah pihak Suruhanjaya Perkhidmatan Awam atau pun Jabatan Perkhidmatan Awam sedar tentang *handicap* ataupun kelemahan apabila timbul perkara-perkara khusus, di mana pegawai-pegawai kerajaan terpaksa menarik diri daripada menyertai program ataupun *event* tersebut sebagai contoh apabila 'bersembahan' kertas-kertas di peringkat antarabangsa. Apabila kita tidak mempunyai ujian khusus Bahasa Inggeris ini, kebanyakan pegawai-pegawai kerajaan kita terpaksa menarik diri dan menyerahkan kepada pihak lain untuk melakukannya. Terima kasih Tuan Yang di-Pertua.

**Dato' Haji Abdul Rahman bin Suliman:** Tuan Yang di-Pertua, kerajaan memang sedar berlakunya perkara ini tetapi kerajaan sekarang telah pun mengambil tindakan yang proaktif iaitu di mana kerajaan menetapkan sistem kita di peringkat persekolahan lagi dan juga di peringkat institusi pengajian tinggi, kita fikirkan ini adalah lebih munasabah di peringkat awal kita memantapkan pegawai-pegawai yang akan memasuki kemudian kelak dalam perkhidmatan awam.

**Tuan Wong Nai Chee [Kota Melaka]:** Terima kasih Tuan Yang di-Pertua, ekoran daripada jawapan yang diberikan oleh Yang Berhormat tadi. Jika suatu tindakan yang proaktif diambil, jadi mengapa pula kita tidak mengamalkan dasar itu, kerana seperti mana yang dikatakan oleh Yang Berhormat bagi Tangga Batu tadi, ia merupakan satu dasar supaya kita dapat memastikan wujudnya satu keupayaan dalam pentadbiran awam kita, dalam usaha mereka menyuarakan pendapat mereka.

**Dato' Haji Abdul Rahman bin Suliman:** Tuan Yang di-Pertua, dari segi pengambilan jawatan pegawai kakitangan ia ada skim-skim yang tertentu. Dalam menentukan skim-skim ini, kerajaan tetap memastikan bahawa dasar yang pertama sekali iaitu kita memerlukan bahasa rasmi iaitu bahasa Melayu sebagai nilai di waktu kita mengambil kira pengambilannya. Itu satu.

Yang kedua, dari segi kerajaan, kita melihat bukan sahaja bahasa Inggeris tetapi bahasa-bahasa lain begitu juga sebab itu Jabatan Perkhidmatan Awam sendiri sewaktu memberi biasiswa umpamanya kita memperluaskan skop untuk menghantar penuntut-penuntut belajar di luar negeri, dalam universiti-universiti yang berlainan penggunaan bahasanya, termasuk juga bahasa Arab dan insya-Allah, pada masa yang akan datang, barangkali bahasa Sepanyol juga akan kita gunakan sebagai memperluaskan lagi penggunaan bahasa antarabangsa untuk meningkatkan nilai insan, khususnya pegawai-pegawai dan kaki tangan kerajaan kita, Tuan Yang di-Pertua.

12. **Tuan Chong Chieng Jen [Bandar Kuching]** minta Menteri Kewangan menyatakan, apakah sebabnya cukai jalan yang dibayar oleh pemandu-pemandu teksi di Sarawak adalah lebih kurang 4 kali ganda lebih tinggi daripada pemandu-pemandu teksi di Semenanjung Malaysia.

**Setiausaha Parlimen Kementerian Kewangan [Dato' Seri. Dr. Hilmi bin Yahaya]:** Terima kasih Yang Berhormat Bandar Kuching. Tuan Yang di-Pertua, untuk makluman Yang Berhormat, kerajaan sedar memang terdapat perbezaan kadar cukai jalan khususnya bagi teksi di Semenanjung dengan Sabah dan Sarawak. Sebagai contoh kadar cukai jalan bagi teksi berkapasiti enjin 1468 cc adalah seperti

berikut:

Negeri	Petrol (RM)	Diesel (RM)
Semenanjung	66	243
Sabah	270	112
Sarawak	270	112

Tuan Yang di-Pertua, perbezaan ini berlaku kerana semasa perluasan pemakaian ordinan Lintas Jalan 1958 ke Sabah dan Sarawak pada tahun 1984, Kerajaan Persekutuan telah mengambil pendirian supaya kadar cukai jalan sedia ada di Sabah dan Sarawak kekal dan terus dikuatkuasakan. Untuk makluman Yang Berhormat, pada masa ini satu kajian secara menyeluruh sedang dijalankan oleh Kementerian Kewangan dan Kementerian Pengangkutan bagi menjelaskan kadar cukai jalan bagi semua jenis kenderaan di semua negara dan kajian ini akan meliputi cukai jalan bagi teksi dan setakat ini Tuan Yang di-Pertua, dijangka kajian ini akan siap pada awal tahun hadapan Tuan Yang di-Pertua.

**Tuan Chong Chieng Jen [Bandar Kuching]:** Terima kasih. Kenapa perbezaan ini telah wujud beberapa tahun dan kenapa hingga sekarang belum lagi menyelaraskan cukai jalan teksi-teksi dan mengikut apa yang diberitahu tadi, kajian baru ini adakah ini ia akan menurunkan cukai jalan teksi yang dibayar oleh pemandu-pemandu teksi di Sarawak?

**Dato' Seri. Dr. Hilmi bin Yahaya:** Tuan Yang di-Pertua, seperti yang saya sebut tadi kajian ini adalah menyeluruh dan *recommendation* dengan izin, akan dibuat dalam kajian itu tetapi sebenarnya Tuan Yang di-Pertua, kadar cukai jalan ini kalau dibandingkan di Sabah dan Sarawak dan juga Semenanjung, cuma teksi sahaja yang lebih sedikit di Sabah Sarawak tetapi yang lain-lainnya kategori adalah rendah di Sabah Sarawak. Saya beri contoh di sini bagi kereta *salon* contohnya, di Semenanjung memang tinggi, saya beri contoh. Kereta yang 2000 cc, di Semenanjung RM395 tetapi di Sarawak ialah RM345 dan di Sabah ialah RM303.

Bagi yang 3000cc, kereta *saloon* di Semenanjung RM2,145, di Sarawak RM1,160, di Sabah RM1,083. Begitu juga bas, Tuan Yang di-Pertua, pun rendah di Sabah dan Sarawak dan lori pun juga rendah di Sabah dan Sarawak. Jadi sebab itu pihak Kementerian Kewangan dan Kementerian Pengangkutan akan membuat kajian ini akan selaraskan.

**Tuan Yang di-Pertua:** Ahli-ahli Yang Berhormat, memadamkan setakat ini Sesi Soalan Jawab Lisan kita.

**[Masa untuk Pertanyaan-pertanyaan bagi jawab lisan tamat]**

**USUL MENANGGUHKAN MESYUARAT  
DI BAWAH PERATURAN MESYUARAT 18(1)**

**MENGATASI PENINGKATAN KES RAGUT**

**11.30 pagi.**

**Tuan Wong Nai Chee [Kota Melaka]:** Tuan Yang di-Pertua, saya Wong Nai Chee, Ahli Parlimen Kawasan Kota Melaka dengan ini ingin mencadangkan di bawah Peraturan Mesyuarat 18(1) supaya ditangguhkan Majlis Mesyuarat dengan tujuan untuk merundingkan perkara tertentu berkenaan dengan kepentingan orang ramai yang berkehendakkan disegerakan. Teks usul adalah seperti berikut. Tindakan segera perlu diambil untuk mengatasi kes jenayah ragut yang kian meningkat dalam negara kita.

Tuan Yang di-Pertua, pada 11 Ogos 2006, seorang perempuan bernama Chang Shu Chen, 18 tahun, telah diragut di Taman Perling, Johor Bahru dan kejadian tersebut telah mengakibatkan kematian beliau. Selanjutnya pada 15 Ogos 2006, seorang lagi mangsa bernama Puan Zainah Abu Bakar, 48 tahun, telah juga diragut di Petaling Jaya menyebabkan kecederaan kepada kepala dan bahu beliau. Banyak lagi kes jenayah ragut yang dilaporkan di akhbar tempatan sebelum ini.

Kes-kes jenayah ragut yang semakin bertambah ini telah menggugat keyakinan orang ramai terhadap kebolehan pihak polis dalam mengawal ketenteraman awam. Perbuatan kejam pesalah-pesalah telah menyebabkan pengalaman traumatik kepada mangsa-mangsa dan kesengsaraan kepada ahli-ahli keluarga mangsa dalam kes kematian. Baru-baru ini banyak pertubuhan dalam masyarakat kita telah menyuarakan kekhuatiran mereka ke atas kes-kes jenayah ragut yang kian meningkat. Segenap lapisan masyarakat termasuk individu-individu juga turut mengambil bahagian dalam usaha mereka menyuarakan ketidakpuasan mereka dan menuntut supaya pesalah-pesalah dihadapkan ke mahkamah dan hukuman *deterrent* dan setimpal diberikan.

Tuan Yang di-Pertua, kes-kes jenayah ragut yang kian meningkat ini bukan sahaja menjejaskan ketenteraman awam negara kita tetapi juga menjejaskan usaha kerajaan dalam membangunkan sektor pelancongan dan program *Malaysia My Second Home*. Di samping itu, pelabur-pelabur asing juga terpengaruh dan mempunyai gambaran negatif ke atas negara kita kerana kekhuatiran mereka ke atas keselamatan ahli-ahli keluarga mereka sendiri.

Seperti mana yang kita sedia maklum, baru-baru ini Kanun Keseksaan telah pun dipinda oleh Parlimen yang memasukkan jenayah ragut ini sebagai salah satu jenis bentuk jenayah rompak yang jika disabitkan bersalah membawa kemungkinan hukuman sebatan. Justeru itu hasrat umum orang ramai kini adalah supaya undang-undang yang baru ini dapat diberi kesan dengan secepat mungkin.

Berasaskan huraian seperti di atas, saya sesungguhnya percaya bahawa perkara tersebut adalah perkara tertentu dan melibatkan kepentingan orang ramai yang berkehendak disegerakan supaya keyakinan orang ramai kepada pihak polis dapat dipulihkan dengan secepat mungkin. Sekian, terima kasih.

**Tuan Yang di-Pertua:** Ahli-ahli Yang Berhormat, saya telah menerima satu pemberitahu usul di bawah Peraturan Mesyuarat 18(1) daripada Ahli Yang Berhormat Kawasan Kota Melaka pada hari Isnin 21 Ogos 2006. Teks usul itu adalah seperti yang dibacakan oleh Ahli Yang Berhormat itu sebentar tadi.

Bagi membolehkan perkara ini ditimbang oleh Majlis Mesyuarat pada hari ini, saya sebagai Yang di-Pertua hendaklah berpuas hati bahawa perkara yang dibangkitkan oleh Ahli Yang Berhormat itu memenuhi tiga syarat. Syarat yang pertama ialah bahawa perkara itu adalah perkara tertentu, syarat yang kedua adalah bahawa perkara itu bagi kepentingan orang ramai dan syarat yang ketiga adalah ia berkehendak disegerakan.

Saya telah meneliti perkara ini dan saya dapati bahawa tertentu, perkara ini ialah perkara tertentu, kepentingan orang ramai, ia adalah juga bagi kepentingan orang ramai. Berkehendak disegerakan, perkara ini tidak perlu disegerakan.

Saya difahamkan Kementerian Keselamatan Dalam Negeri khususnya pihak Polis Diraja Malaysia telah mengambil tindakan melalui pelbagai pendekatan am dan langkah-langkah spesifik untuk mencegah dan menangkap penjenayah-penjenayah ragut. Oleh yang demikian saya menolak usul ini di bawah Peraturan Mesyuarat 18(2).

### **RANG UNDANG-UNDANG DIBAWA KE DALAM MESYUARAT**

#### **RANG UNDANG-UNDANG PERBADANAN TABUNG PENDIDIKAN TINGGI NASIONAL (PINDAAN) 2006**

##### **Bacaan Kali Yang Pertama**

Rang Undang-undang bernama Suatu Akta untuk meminda Akta Perbadanan Tabung Pendidikan Tinggi Nasional 1997; dibawa ke dalam Mesyuarat oleh Timbalan Menteri Pengajian Tinggi; dibaca kali yang pertama; akan dibacakan kali yang kedua pada Mesyuarat kali ini.

### **RANG UNDANG-UNDANG**

#### **RANG UNDANG-UNDANG PENDUDUK DAN PEMBANGUNAN KELUARGA (PINDAAN) 2006**

##### **Bacaan Kali Yang Kedua dan Ketiga**

Aturan Urusan Mesyuarat dibacakan bagi menyambung semula perbahasan yang ditangguhkan atas masalah,

“Bahawa Rang Undang-undang ini dibacakan kali yang kedua sekarang”. *[22 Ogos 2006]*

**Tuan Yang di-Pertua:** Saya jemput Yang Berhormat bagi Bukit Mertajam untuk menyambung ucapan.

**11.36 pagi.**

**Puan Chong Eng [Bukit Mertajam]:** Terima kasih Tuan Yang di-Pertua. Semalam saya sampai ke krisis yang dihadapi oleh keluarga. Keluarga boleh menghadapi beberapa cabaran dan krisis dalam zaman sekarang yang salah satunya ialah perhubungan di luar nikah....

**Tuan Chong Chieng Jen [Bandar Kuching]:** *[Menyampuk]*

**Datuk Haji Idris bin Haji Haron [Tangga Batu]:** Semalam hendak tanya.

**Puan Chong Eng [Bukit Mertajam]:** Oh ya, Yang Berhormat bagi Tangga Batu hendak penjelasan semalam.

**Tuan Yang di-Pertua:** Ya, penjelasan semalam.

**Datuk Haji Idris bin Haji Haron [Tangga Batu]:** Terima kasih, Tuan Yang di-Pertua. Yang Berhormat bagi Bukit Mertajam ini bikin apa dia cakap. Dia janji saya hendak bagi, dia bagi. Terima kasih Yang Berhormat bagi Bukit Mertajam.

Yang Berhormat bagi Bukit Mertajam semalam ada menyebut tentang jodoh dan pertemuan. Dalam perkataan lain Yang Berhormat mengatakan jodoh ini bukan di dalam kawalan kita, manusialah. *It's not within our control*, dengan izin, Tuan Yang di-Pertua. Yang Berhormat, saya hendak tanya Yang Berhormatlah. Ini menjadi kepercayaan atau mungkin budaya sesetengah etnik di negara kita di mana jika kita suka kepada seorang wanita itu, lelaki ini sama ada dia sudah beristeri ataupun bujang, dia suka, jadi wanita itu tidak suka dengan dia, dia akan gunakan pelbagai cara. Pertama cara biasa dan yang kedua cara luar biasa.

[Timbalan Yang di-Pertua (Datuk Lim Si Cheng) **mempengerusikan Mesyuarat**]

Cara luar biasa ini kalau dalam konteks masyarakat orang Melayu, dia panggil ubat guna-guna ataupun dia jumpa pawang Siam kah, pawang Burma kah untuk kenakan wanita itu dengan bacaan-bacaan tertentu ataupun makanan serta minuman tertentu dan wanita ini tergoda. Tergoda hingga membawa ke jinjang pelamin. Niat kita tidak tahu sama ada baik atau tidak baik, tetapi kalau ke jinjang pelamin itu maknanya niat dia baik.

Saya hendak tanya Yang Berhormat, adakah perkara ini berlaku di dalam masyarakat Tionghoa umpamanya yang boleh juga akhirnya satu hari nanti akan menjejaskan keharmonian rumah tangga itu apabila si isteri ini tahu rupanya suami pakai ubat guna-guna semasa mereka baru-baru hendak berkenalan dahulu. Cuba Yang Berhormat komen sedikit. Ini pasal jodoh pertemuan bukan di tangan kita.

**Puan Chong Eng [Bukit Mertajam]:** Ini susah hendak jawab kerana ini susah hendak dikawal oleh dasar kerajaan. Di sini yang kita bincang ialah apa yang boleh dibuat oleh dasar kerajaan untuk membantu keluarga. Jadi yang menggunakan ubat guna-guna atau apa cara yang lain, saya rasa kita semua perlu berhati-hati dan berjaga-jagalah tetapi yang saya hendak katakan ialah rancangan-ancangan ataupun dasar-dasar kerajaan yang lain.

Umpamanya dasar kerajaan yang ingin melanjutkan pusat-pusat hiburan sampai awal pagi, sampai pukul 3.00 pagi, sampai pukul 5.00 pagi. Itu mungkin akan mendatangkan impak kepada keluarga. Yang kita katakan ini adalah penting untuk pelancongan.

Saya lebih suka kalau pelancongan dapat kita dapat mengarah ke satu *direction* yang lebih sihat. Iaitu kita nak menarik pelancong untuk melihat, mengalami budaya kita ataupun tempat-tempat yang menarik tapi jangan pergi ke tempat-tempat hiburan sampai awal pagi.

**Timbalan Yang di-Pertua [Datuk Lim Si Cheng]:** Yang Berhormat tak bersetujulah?

**Puan Chong Eng [Bukit Mertajam]:** Ya.

**Timbalan Yang di-Pertua [Datuk Lim Si Cheng]:** Kita boleh jemput mereka tidur awal sedikitlah.

**Puan Chong Eng [Bukit Mertajam]:** Saya pun sedar bahawa ada segelintir pelancong yang mungkin suka ke tempat begitu, tetapi itu mesti dirancang dengan rapi, dia mesti jauh daripada tempat kediaman supaya tidak mendatangkan impak kepada keluarga. Kalau ada banyak pusat-pusat ....

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat bagi Sri Gading.

**Puan Chong Eng [Bukit Mertajam]:** Okey, boleh.

**Datuk Haji Mohamad bin Haji Aziz [Sri Gading]:** Terima kasih Tuan Yang di-Pertua, terima kasih Yang Berhormat Bukit Mertajam. Saya juga berpendapat Tuan Yang di-Pertua, pusat-pusat hiburan dibuka sampai pukul 4.00, 5.00 pagi. Ini bukan kerja baik

Tuan Yang di-Pertua. Dan apakah Bukit Mertajam ada angka dan ataupun Bukit Mertajam boleh bertanya kepada kementerian, peratus pelancong daripada luar ini benar-benar ke semua pergi ke pusat-pusat hiburan? Saya tak fikir Tuan Yang di-Pertua, saya duduk di sebuah hotel yang terkenal dengan pelancong daripada luar negara, boleh dikatakan 80% penginap hotel ini daripada luar negara. Saya lihat dekat hotel pun, mereka tak duduk. Sebenarnya yang mereka nak pergi ialah tempat pusat membeli belah. Jadi pusat membeli belah tak buka sampai pukul 4.00 pagi.

Jadi kerajaan harus memikirkan, jangan buat alasan kerana pelancongan. Kerana peratus pelancong yang mengunjungi pusat hiburan ini, saya rasa tidak ada 5%, 6% ataupun mungkin di bawah 2%, 3%.

**Timbalan Yang di-Pertua [Datuk Lim Si Cheng]:** Yang Berhormat ada pergi ke pusat hiburan itu?

**Datuk Haji Mohamad bin Haji Aziz [Sri Gading]:** Saya pun tak pergi Tuan Yang di-Pertua sebab Tuan Yang di-Pertua tak ajak saya pergi.

**Seorang Ahli:** Macam mana *you* tahu?

**Timbalan Yang di-Pertua [Datuk Lim Si Cheng]:** Jadi itu 5%, 6% anggapan Yang Berhormat lah?

**Datuk Haji Mohamad bin Haji Aziz [Sri Gading]:** Itu sebab saya minta Bukit Mertajam tanya pada Kerajaan, ada tak peratus yang menentukan. Kalau pelancong kita memang 80% suka pergi pusat hiburan, itu mungkin satu hujah yang boleh diterima.

**Datuk Bung Moktar bin Radin [Kinabatangan]:** Saya pun agak-agak memang ada 80%.

**Timbalan Yang di-Pertua [Datuk Lim Si Cheng]:** Siapa cakap?

**Puan Chong Eng [Bukit Mertajam]:** *[Ketawa]*

**Datuk Haji Mohamad bin Haji Aziz [Sri Gading]:** Dia lainlah Tuan Yang di-Pertua, kita samalah Tuan Yang di-Pertua, kita semua sama. Macam Bukit Mertajam jugalah, semua tak pergi pusat hiburan, kita pergi pusat membeli belah, ha itu kita pergi. Terima kasih.

**Puan Chong Eng [Bukit Mertajam]:** Baik, terima kasih Yang Berhormat Sri Gading. Kalau kita ada banyak pusat-pusat hiburan seperti itu, ia akan datangkan penyakit sosial di mana kita akan mengadakan ramai PRO, GRO dan ramai wanita dari luar negeri akan menjadi pelayan di sana. Sama ada mereka datang dengan suka rela ataupun di seludup masuk dan dipaksa membuat kerja-kerja seperti itu.

Dan mungkin juga ada gadis-gadis muda yang digoda di dalam atau ditipu di masuk ke dalam industri seperti itu. Jadi dia menjadikan satu tempat yang membiakkan jenayah. Saya harap walaupun kita nak menarik pelancong, saya rasa lebih baik kita memperkembangkan pelancongan sekeluarga, menarik keluarga datang ke Malaysia dan bukan hanya mungkin bujang-bujang yang datang di sini untuk mencari hiburan yang lain, yang tak sihat. Kerana itu boleh mendatangkan impak kesan negatif kepada keluarga dan menjadikan krisis.

Dan pada waktu sekarang pun saya rasa Setiausaha Parlimen Pembangunan Wanita dan Keluarga dia faham bahawa banyak keluarga sedang diganggu oleh perhubungan di luar nikah kerana pendatang asing. Dan apa yang kita boleh buat? Kalau kita nak mengadakan satu keluarga yang bahagia, tapi pada waktu yang sama Kementerian Hal Ehwal Dalam Negeri tidak memantau ataupun tidak melaksanakan dasar yang mesra kepada keluarga.

Jadi apa usaha yang dijalankan oleh Kementerian ini disabotaj oleh Kementerian yang lain? Pada akhirnya kita tak buat apa-apa. Jadi saya rasa adalah penting bahawa apakah dasar yang dijalankan oleh kementerian yang lain, dia mesti mengambil kira

impaknya kepada keluarga. Dan saya rasa Kementerian Pembangunan Keluarga masih belum sedar ataupun belum faham tentang dinamik masalah keluarga sekarang.

**Timbalan Yang di-Pertua [Datuk Lim Si Cheng]:** Yang Berhormat, Jerai.

**Puan Chong Eng [Bukit Mertajam]:** Ya, Jerai.

**Dato' Paduka Haji Badruddin bin Amiruldin [Jerai]:** Terima kasih Bukit Mertajam, Tuan Yang di-Pertua. Saya masih ingat satu ketika dulu kita kata "*Rumahku Syurgaku*". Bermaknanya rumah itu adalah syurga bagi kita. Dan saya kira macam kalau kita bercakap fasal hiburan, tak semestinya hiburan itu hanya ada di tempat-tempat macam pub, *night club*, karaoke, kara tak okey, yang ini bukan di situ saja. Keseronokan, kegembiraan ini apabila kita ada ketenangan. Yang Berhormat bersetuju tak dengan saya? Kita tenang itu maknanya kita gembira. Kalau kita pergi melihat Gunung Jerai, kita nampak gunung yang elok, tenang fikiran kita, itu adalah hiburan.

**Timbalan Yang di-Pertua [Datuk Lim Si Cheng]:** Yang Berhormat, itu tak akan sampai pukul 4 pagi pergi tengok gunung sana, apa guna?... [Ketawa]

**Dato' Paduka Haji Badruddin bin Amiruldin [Jerai]:** Tak, kalau pukul 4.00 ...

**Timbalan Yang di-Pertua [Datuk Lim Si Cheng]:** Sekarang yang dibangkitkan oleh Bukit Mertajam ialah pusat hiburan.

**Dato' Paduka Haji Badruddin bin Amiruldin [Jerai]:** Ya, saya faham.

**Timbalan Yang di-Pertua [Datuk Lim Si Cheng]:** Cadangkan buka sampai pukul 2.00 – 4.00 pagi, tapi nak pergi tempat Yang Berhormat tak akan pukul 4.00, siapa nak pergi?

**Dato' Paduka Haji Badruddin bin Amiruldin [Jerai]:** Maksud saya begini Tuan Yang di-Pertua, saya mengaitkan tentang hiburan. Keseronokan, kegembiraan ini bukan bermaknanya di tempat kerana saya biasa muda. Kita orang lama-lama dulu dia pergi kabaret, pakai seluar putih, kasut, menari pun jauh-jauh. Dia datang, saya pergi, dia pergi, saya datang. Macam itu dulu, joget dan sebagainya, itu hiburan zaman dulu, tetapi zaman sekarang ini kalau kita tengok, dia datang, kita datang, jadi mendatang kedua-dua, akhirnya jadi binatang, dia jadi begitu, itu hiburan. Sebab itulah kadang-kadang kita lihat di pusat-pusat hiburan ini macam-macam, segala syabu, tak syabu semua. Dan ini adalah keseronokan yang telah dirosakkan oleh dadah dan sebagainya. Mereka mencari alam mereka sendiri, keseronokan mereka, bagi mereka, mereka seronok. Tuan Yang di-Pertua, saya ucap tahniah kepada Jamal Abdillah dan saya ucap tahniah pada Salem.

**Puan Chong Eng [Bukit Mertajam]:** Penjelasan apa ini?

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat.

**Puan Chong Eng [Bukit Mertajam]:** Yang Berhormat Jerai, tak ada penjelasan.

**Timbalan Yang di-Pertua [Datuk Lim Si Cheng]:** Yang Berhormat, Bukit Mertajam tanya Yang Berhormat nak berucap atau nak minta penjelasan?

**Puan Chong Eng [Bukit Mertajam]:** Jangan ucap.

**Dato' Paduka Haji Badruddin bin Amiruldin [Jerai]:** Ya.

**Timbalan Yang di-Pertua [Datuk Lim Si Cheng]:** Berucap atau meminta penjelasan?

**Dato' Paduka Haji Badruddin bin Amiruldin [Jerai]:** Dua-dua sekalilah Tuan Yang di-Pertua.

**Puan Chong Eng [Bukit Mertajam]:** Jangan, jangan, nanti tunggu giliranlah.

**Dato' Paduka Haji Badruddin bin Amiruldin [Jerai]:** Okey, saya nak ucap tahniah kerana mereka berdua ini terlibat dalam keseronokan dadah tetapi mereka bangun balik untuk menolong kerajaan membasmi dadah. Jadi Yang Berhormat tentang

keseronokan, kalau boleh kita minta kementerian, SUP kementerian pun ada di sini, supaya balik kepada "*Rumahku, Syurgaku*". Anak-anak kita berkeluarga, macam Yang Berhormat kata tadi, kita melawat Malaysia berkeluarga, itu juga keseronokan dan kegembiraan. Adakah Yang Berhormat Bukit Mertajam setuju dengan Jerai pada hari ini?

**Puan Chong Eng [Bukit Mertajam]:** Ya, setuju. Tadi saya sudah kata yang Jerai setuju dengan Bukit Mertajam.

**Dato' Paduka Haji Badruddin bin Amiruldin [Jerai]:** Ya, ya, terima kasih lah Tuan Yang di-Pertua.

**Puan Chong Eng [Bukit Mertajam]:** Ya, memang di sini saya juga nak katakan bahawa konsep hiburan secara tradisinya ialah berorientasi kepada hiburan untuk kaum lelaki kerana kaum lelaki sejak dulu yang mampu berbelanja untuk hiburan. Dan hiburan ini secara tradisinya ialah *alcohol, wine and women*, secara tradisinya.

**Timbalan Yang di-Pertua [Datuk Lim Si Cheng]:** Macam mana Yang Berhormat boleh tahu?

**Puan Chong Eng [Bukit Mertajam]:** Ini memang, kalau dia hiburan, apakah hiburan dia? Kalau di *night club*, apakah hiburan? *Music, women and wine*, di mana-mana pun dari dulu sampai sekarang. Dan sekiranya Yang Berhormat-Yang Berhormat seperti di....

**Datuk Ronald Kiandee [Beluran]:** Apa beza alkohol dengan *wine*?

**Puan Chong Eng [Bukit Mertajam]:** Di Jerai, di Kinabatangan, di Sri Gading, kalau mereka boleh mempromosikan hiburan yang berlainan, saya rasa kita akan tukar fikiran bahawa hiburan tak semestinya *alcohol, wine and music*. Muzik masih bolehlah, tidak masuklah, *wine and women*. Jadi karaoke boleh, karaoke menyanyi sahaja....

**Dato' Paduka Haji Badruddin bin Amiruldin [Jerai]:** Okey, Yang Berhormat bagi Bukit Mertajam, boleh tak...?

**Puan Chong Eng [Bukit Mertajam]:** Kalau ini Yang Berhormat Jerai boleh membuatkan sumbangan kepada masyarakat untuk mempromosikan hiburan yang sihat.

**Dato' Paduka Haji Badruddin bin Amiruldin [Jerai]:** Okey, Yang Berhormat kempen supaya wanita, *woman* tidak pergi ke pusat karaoke atau bar dan saya dan rakan-rakan, akan kempen lelaki pun jangan pergi ke pusat itu, boleh tak? Ini Yang Berhormat suruh lelaki sahaja. Saya pun tidak pergi ke karaoke. Saya okey, nak pergi buat apa karaoke? Kalau saya tak okey, baru saya pergi karaoke, kan?

**Puan Chong Eng [Bukit Mertajam]:** Yang Berhormat Jerai, yang saya katakan ialah karaoke, kalau menyanyi itu tak apa. Itu hiburan yang sihat. Itu hiburan yang sihat, saya kata ialah yang hiburan itu kalau termasuk. Hem! Kalau wain pun tak apa, tetapi kalau ada wanita yang lain, itu selalunya mendatangkan masalah kepada keluarga. Jadi, yang saya minta ialah kita sama-sama mempromosikan hiburan. Konsep hiburan yang sihat, iaitu konsep hiburan yang boleh untuk semua, kanak-kanak dan dewasa, untuk sekeluarga. Jangan adakan masalah iaitu yang dikatakan maksiat itu.

Jadi, yang saya kata tadi ialah keluarga sekarang menghadapi banyak krisis dan cabaran tetapi saya rasa kementerian masih kurang sedar keperluan keluarga pada waktu sekarang. Oleh sebab itu, keluarga di sini yang dikatakan dalam Rancangan Malaysia Kesembilan, dia katakan program pembangunan keluarga memberi tumpuan ke arah...

**Datuk Haji Mohamad bin Haji Aziz [Sri Gading]:** [Bangun]

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat..

**Puan Chong Eng [Bukit Mertajam]:** ...Membina hubungan..

**Timbalan Yang di-Pertua [Datuk Lim Si Cheng]:** Yang Berhormat Sri Gading.

**Puan Chong Eng [Bukit Mertajam]:** Nanti ya Yang Berhormat bagi Sri Gading, sedikit sahaja. Hubungan kekeluargaan yang baik. Kita semua tahu ini satu *statement* yang sangat *general*, dan tidak mengatakan bagaimana untuk mengeratkan hubungan tetapi yang penting ialah banyak keluarga yang menghadapi krisis, tidak mendapat bantuan. Inilah masalahnya sekarang. Ya, Yang Berhormat bagi Sri Gading.

**Datuk Haji Mohamad bin Haji Aziz [Sri Gading]:** Terima kasih sahabat kita Yang Berhormat bagi Bukit Mertajam, terima kasih. Saya tertarik apa yang dibangkitkan oleh Yang Berhormat tadi tentang keluarga bahagia. Macam mana kita hendak selesaikan masalah yang sedang berlaku di tengah-tengah masyarakat? Di tengah suasana riang gembira....

**Seorang Ahli:** Fuhh...!!

**Datuk Haji Mohamad bin Haji Aziz [Sri Gading]:** ...Gelak ketawa, rasa bahagia yang membuak-buak seorang wanita yang lain, tetapi seorang wanita yang lain sedang menangis kesedihan.... [*Ketawa*] Membawa diri. Ini berlaku kepada wanita.

**Dato' Paduka Haji Badruddin bin Amiruldin [Jerai]:** Boleh Yang Berhormat terang..

**Datuk Haji Mohamad bin Haji Aziz [Sri Gading]:** Saya ambil..., tidak saya sambil..

**Dato' Paduka Haji Badruddin bin Amiruldin [Jerai]:** Siapa, siapa?

**Datuk Haji Mohamad bin Haji Aziz [Sri Gading]:** Sekejap, sekejap.... [*Ketawa*]

**Timbalan Yang di-Pertua [Datuk Lim Si Cheng]:** Yang Berhormat bagi Jerai, langgar Peraturan Mesyuarat.

**Datuk Haji Mohamad bin Haji Aziz [Sri Gading]:** Saya mendengar..

**Dato' Paduka Haji Badruddin bin Amiruldin [Jerai]:** Minta maaf Tuan Yang di-Pertua.

**Datuk Haji Mohamad bin Haji Aziz [Sri Gading]:** Ini satu perkara. Soalnya, bagaimana kementerian hendak menyelesaikan kes seperti ini yang sentiasa berlaku? Masyarakat Melayu, masyarakat Tionghoa, masyarakat India. Kemudian satu masalah lagi...

**Dato' Paduka Haji Badruddin bin Amiruldin [Jerai]:** Penjelasan boleh Yang Berhormat?

**Datuk Haji Mohamad bin Haji Aziz [Sri Gading]:** Sekejap, sekejap.

**Dato' Paduka Haji Badruddin bin Amiruldin [Jerai]:** Masalah. Adakah masalah misai dan sebagainya..?

**Timbalan Yang di-Pertua [Datuk Lim Si Cheng]:** Yang Berhormat bagi Jerai, Yang Berhormat fahamkah siapa yang berucap?... [*Ketawa*]

**Datuk Haji Mohamad bin Haji Aziz [Sri Gading]:** Tidak, ini sebabnya Yang Berhormat, ini masalah yang selalu kita hadapi. Masyarakat kita sedang menghadapi. Anak-anak muda ini... [*Disampuk*] Anak-anak muda sekarang, rasa kecewa.. yang lelaki. Kerana golongan wanita muda suka lelaki yang berumur.... [*Dewan riuh*] [*Ketawa*]

**Seorang Ahli:** Yang ada misai, yang ada misai.

**Datuk Haji Mohamad bin Haji Aziz [Sri Gading]:** Artis-artis yang cantik, korporat yang kaya sapu!!... [*Ketawa*] Anak raja sapu!!... [*Ketawa*] Jadi anak muda kita....

**Seorang Ahli:** Terlepas!!

**Datuk Haji Mohamad bin Haji Aziz [Sri Gading]:** Lelaki anak muda kita, bagaimana nasib dia? Nak sebaya dengan dia, yang sebaya bernafsu, berselera kepada yang berumur dewasa, yang bermisai atau berjanggut.... [*Dewan riuh ketawa*] Ini masalah!

Jadi, saya tengok, nasib baiklah saya dah lepas dunia muda tetapi saya sekarang pun menghadapi cabaran. Kalau wanita muda lebih gemar kepada orang yang lebih dewasa.

**Datuk Bung Moktar bin Radin [Kinabatangan]:** Yang Berhormat, baru dua.

**Datuk Haji Mohamad bin Haji Aziz [Sri Gading]:** Jadi, ini masalah. Masalah kita sedang menghadapi. Ini kementerian harus agaknya mencari jalan bagaimana nak menyelesaikan situasi yang berlaku...

**Puan Chong Eng [Bukit Mertajam]:** Okey, saya faham, saya faham.

**Datuk Haji Mohamad bin Haji Aziz [Sri Gading]:** ..Dalam masyarakat kita.

**Timbalan Yang di-Pertua [Datuk Lim Si Cheng]:** Baiklah, cukuplah Yang Berhormat.

**Puan Chong Eng [Bukit Mertajam]:** Okey, saya faham, faham, okey.

**Datuk Haji Mohamad bin Haji Aziz [Sri Gading]:** Saya tak tahu, Yang Berhormat bagi Bukit Mertajam faham ke tak faham apa yang saya faham?... *[Ketawa]* Tak tahulah kalau Tuan Yang di-Pertua pun faham apa yang saya maksudkan. Ini, ini benar-benar, ya? Di samping gelak ketawa, riang-gembira, rupanya ada wanita yang membawa diri. Alangkah sayunya hati kita.... *[Ketawa]*

**Puan Chong Eng [Bukit Mertajam]:** Okey.

**Datuk Haji Mohamad bin Haji Aziz [Sri Gading]:** Ini, ini berlaku dalam masyarakat dan kes ini ribuan sebenarnya. Apakah kementerian, Yang Berhormat bagi Bukit Mertajam boleh tanya, peka tentang perkara ini.

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat. Yang Berhormat boleh berucap nanti ya!

**Datuk Haji Mohamad bin Haji Aziz [Sri Gading]:** Ya, Tuan Yang di-Pertua.

**Timbalan Yang di-Pertua [Datuk Lim Si Cheng]:** Boleh ucap nanti.

**Datuk Haji Mohamad bin Haji Aziz [Sri Gading]:** Tidak, fasal Yang Berhormat bagi Bukit Mertajam membawa isu yang sangat tepat dengan suasana.

**Datuk Bung Moktar bin Radin [Kinabatangan]:** Ini fasal Siti Nurhalizakah ini?

**Datuk Haji Mohamad bin Haji Aziz [Sri Gading]:** Tidak... Saya tidak sentuh sesiapa. Saya tidak sebut nama...

**Puan Chong Eng [Bukit Mertajam]:** Yang Berhormat Sri Gading, itulah semalam saya sudah kata bahawa banyak masalah ialah berasaskan dari kaum lelaki yang kurang bertanggungjawab. Saya rasa yang penting ialah, kalau orang yang belum kahwin dia berhak untuk memilih tetapi, kalau orang yang sudah kahwin, dia sudah tidak ada hak untuk pilih lagi. Kecualilah orang-orang Islam. Dia boleh kahwin empat, tetapi kahwin empat itu, dia pun akan menyakiti hati orang lain.... *[Ketawa]* Jadi, yang lebih baik ialah jangan, jangan kahwin dua... *[Dewan riuh ketawa]* Jangan ya!!

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat cubalah nasihat Yang Berhormat bagi Sri Gading.

**Datuk Haji Mohamad bin Haji Aziz [Sri Gading]:** Kahwin lebih tak apa Yang Berhormat bagi Bukit Mertajam!

**Puan Chong Eng [Bukit Mertajam]:** Akan sakit hati seorang wanita juga!! Kecualilah kalau tidak menyakitkan hati siapa-siapa. Itu tertaklukkan kepada individu ya?

**Datuk Haji Mohamad bin Haji Aziz [Sri Gading]:** Jangan cerailah! Tambah tak mengapa...

**Puan Chong Eng [Bukit Mertajam]:** Kalau, kalau cerai pun tidak apa. Kalau dia cerai dengan bertanggungjawab. Memberikan nafkah. Ada yang cerai, tapi tidak memberi nafkah.

**Datuk Haji Mohamad bin Haji Aziz [Sri Gading]:** Mana ada nafkah lagi, sudah cerai?... [Dewan riuh menyampuk]

**Puan Chong Eng [Bukit Mertajam]:** Itu yang memberikan masalah... [Ketawa] Ini memberikan masalah kepada kementerian.

**Timbalan Yang di-Pertua [Datuk Lim Si Cheng]:** Yang Berhormat Sri Gading, ini bukan kedai kopi!!

**Puan Chong Eng [Bukit Mertajam]:** Yang ingin saya kata ialah kementerian perlu mengadakan langkah-langkah ataupun mekanisme untuk membantu mereka yang dalam krisis. Keluarga yang dalam krisis, tetapi pada waktu sekarang, saya rasa yang tumpuan seperti Rumah Nur. Dia bukan tumpuan untuk memberi *early crisis intervention*. Ia bukan memberi bantuan kepada keluarga-keluarga ataupun individu-individu yang menghadapi krisis. Dia lebih banyak mengadakan kursus untuk membantu...

**Datuk Bung Moktar bin Radin [Kinabatangan]:** [Bangun]

**Timbalan Yang di-Pertua [Datuk Lim Si Cheng]:** Yang Berhormat, Kinabatangan bangun.

**Puan Chong Eng [Bukit Mertajam]:** ..ibu tunggal. Sekejap lagi. Bukan saya kata itu tidak baik, tetapi membantu ibu tunggal dengan mengadakan kursus, bukan satu kursus yang boleh menyelesaikan masalahnya. Saya rasa untuk ibu tunggal yang terpenting sekali ialah membantu dia menjaga anak-anak dia. Memberikan bantuan seperti bayaran penjagaan anak ataupun mengadakan satu pusat untuk menjaga anaknya. Di sinilah saya rasa yang terpenting sekali kerana ibu tunggal, kalau dia nak keluar kerja dan pada masa yang sama, dia perlu menjaga anaknya. Macam mana dia hendak menjalankan tugas dengan baik? Ya, Kinabatangan.

**Datuk Bung Moktar bin Radin [Kinabatangan]:** Terima kasih Yang Berhormat. Mendengar hujah daripada rakan saya Yang Berhormat bagi Sri Gading, maka mungkin saya terperasaan dengan rakan-rakan yang lain, kami juga tidak terlepas daripada ancaman ini. Sebab, kebimbangan ini 'orang rumah' pun, isteri pun bingung juga. Dia kata, "mungkin kamu pun macam yang lain". Saya kata, "tidak". Jadi, apakah Yang Berhormat setuju bahawa mungkin kami ini, orang macam kami ini perlu memperkukuhkan diri kami. Mempertajamkan kekuatan kami supaya tidak terancam oleh ancaman sebegini. Sebab anak-anak muda marah!! Apabila ramai gadis-gadis remaja memilih orang veteran, berpengalaman macam kita ini. Minta pandangan.

**Puan Chong Eng [Bukit Mertajam]:** Memang betullah, ya! Semua orang mesti jaga diri sendiri. Kalau sudah berkahwin, berjaga-jagalah jangan digoda... [Dewan riuh] [Ketawa] Saya balik kepada tentang apa yang saya katakan tadi bahawa ibu tunggal ialah sejenis keluarga dan keperluan mereka ialah untuk menjaga, membantu menjaga anak-anaknya kerana kerajaan sekarang tidak mempunyai mekanisme seperti ini. Jadi sesetengah ibu tunggal ini terpaksa memasuki kerja-kerja yang dikatakan kurang dipersetujui oleh masyarakat.

**Dato' Raja Ahmad Zainuddin bin Raja Haji Omar [Larut]:** Boleh saya minta sedikit laluan.

**Timbalan Yang di-Pertua [Datuk Lim Si Cheng]:** Yang Berhormat Larut dan Sabak Bernam.

**Puan Chong Eng [Bukit Mertajam]:** Sekejap. Kerana untuk seorang wanita yang bukan tinggi pelajarannya, apakah kerja yang dia boleh buat untuk mendapat pendapatan yang mampu menyara diri sendiri dan anak-anak mereka kerana bapa anak-anaknya tidak memberi nafkah, itu menjadi satu masalah. Larut nak memberi penjelasan bagaimana hendak selesaikan masalah seperti ini.

**Dato' Raja Ahmad Zainuddin bin Raja Haji Omar [Larut]:** Tidak. Mungkin Yang Berhormat bersetuju barangkali sesetengah tempat pekerjaan yang sudah ada *nursery* dengan izin, taman asuhan untuk ibu-ibu yang bekerja, tidak kira ibu tunggal ataupun yang berkahwin yang masih ada suami. Mungkin kita boleh minta supaya pihak kerajaan melihat perkara ini mewajibkan semua kilang-kilang, sekarang ini mengikut budi bicara, diwajibkan kilang-kilang mestilah menyediakan tempat asuhan bagi anak-anak supaya ibu-ibu yang bekerja, diwajibkan seperti negara-negara lain untuk tidak mengganggu tugas mereka apabila meninggalkan anak-anak mereka di tempat yang lain.

Sesetengah tempat telah buat, dalam jabatan kerajaan mungkin sudah ada tetapi kita wajibkan supaya kilang-kilang terutamanya yang menggunakan tenaga pekerja wanita supaya disediakan satu pusat penjagaan, taman asuhan kepada pekerja-pekerja mereka kerana mereka kadang-kadang daripada luar bandar. Saya bagi contoh, daripada kawasan saya keluar pagi Tuan Yang di-Pertua, subuh, pulang malam. Jadi kalau anak-anak mereka ini ada tempat untuk pusat penjagaan yang dikawal bererti sudah tentu ini dapat memberikan keselesaan dan meningkatkan lagi mutu kerja kepada pekerja-pekerja wanita. Apakah Yang Berhormat bersetuju dengan cadangan supaya kita mewajibkan, sudah tiba masanya..

**Puan Chong Eng [Bukit Mertajam]:** Ya, ya saya setuju.

**Dato' Raja Ahmad Zainuddin bin Raja Haji Omar [Larut]:** ...Pusat jagaan ini diadakan di semua peringkat. Terima kasih.

**Puan Chong Eng [Bukit Mertajam]:** Ya, saya setuju itu adalah satu cadangan yang perlu ditimbang oleh kementerian, sudah sampai masa tetapi untuk ibu tunggal yang kita hendak...

**Timbalan Yang di-Pertua [Datuk Lim Si Cheng]:** Yang Berhormat Sabak Bernam.

**Puan Chong Eng [Bukit Mertajam]:** ....Kita hendak menyelesaikan masalah mereka dengan secepat mungkin, saya rasa boleh kementerian mengadakan seperti kupon tuisyen, ia adalah kupon menjaga anak-anak kepada ibu tunggal yang miskin. Ya.

**Dato' Haji Mat Yasir bin Haji Ikhsan [Sabak Bernam]:** Terima kasih Tuan Yang di-Pertua, terima kasih Yang Berhormat bagi Bukit Mertajam. Kawasan Parlimen Sabak Bernam kita ada 1,313 orang ibu tunggal 50% aktif, umur 45 tahun ke bawah. Jangan tanya saya aktif ini ya, saya maksud umur 45 tahun ke bawah yang paling muda umur 24 tahun anaknya dua orang. Saya nak spesifik mengenai ibu tunggal ini kerana kita harus ada unsur kepedulian sosial kerana kebanyakan mereka ini sebenarnya hidup bermasalah apabila sudah ditinggalkan suami sama ada mereka meninggal dunia ataupun ditinggalkan atas sebab-sebab lain.

Saya ingin pandangan daripada Yang Berhormat bagi Bukit Mertajam tentang keperluannya mewujudkannya di peringkat daerah, suatu majlis pembangunan keluarga di peringkat daerah, di mana di jabatan-jabatan yang berkaitan selain daripada Jabatan Kebajikan, mungkin Jabatan Pelajaran, Jabatan Belia, Jabatan Perpaduan, jabatan yang ada kaitan malah Jabatan Pertanian harus dilibatkan kerana kita lihat ibu-ibu tunggal ini salah satu masalahnya ialah masalah ekonomi, masalah pendapatan.

Saya nak libatkan dengan Jabatan Pertanian itu sendiri kerana Jabatan Pertanian mempunyai satu agenda peruntukan yang khusus untuk membantu mereka ini. Apakah pandangan Yang Berhormat terhadap cadangan supaya majlis ini ditubuhkan di peringkat daerah bukan sahaja untuk membantu ibu-ibu tunggal ini tetapi juga membantu keluarga yang bermasalah secara lebih menyeluruh, terima kasih.

**Puan Chong Eng [Bukit Mertajam]:** Saya rasa, kalau kementerian sedar, tentang masalah ini, tentulah kementerian sudah boleh menggunakan mekanisme-mekanisme yang sudah ada pada waktu sekarang seperti Pejabat Kebajikan dan Masyarakat untuk melaksanakan tugas-tugas ini tetapi yang saya khuatir ialah kementerian kurang faham masalah yang dihadapi oleh masyarakat seperti ini dan mereka tidak dapat mengadakan satu dasar untuk melaksanakan ataupun memberi bantuan-bantuan seperti

ini. Jadi saya rasa yang perlu ialah kementerian lebih memahami masalah yang dihadapi keluarga-keluarga seperti ini sama ada mereka ibu tunggal ataupun keluarga yang miskin. Mesti mengadakan satu dasar atau satu mekanisme dan kalau sudah ada satu dasar jadi kita boleh mengadakan mekanisme.

Pada waktu ini, kita ada Rumah Nur, kita ada Pejabat Kebajikan di semua daerah, tetapi rasanya masih kurang prestasinya, masih kurang memuaskan khasnya berdepan dengan cabaran-cabaran yang baru seperti krisis di dalam keluarga ini. Rumah Nur saya rasa perlu dioperasikan oleh NGO, jangan dilaksanakan, dioperasikan *the run by ministry* kerana ia banyak remeh.

**Timbalan Yang di-Pertua [Datuk Lim Si Cheng]:** Yang Berhormat, Gombak.

**Puan Chong Eng [Bukit Mertajam]:** Nanti ya. Pada waktu krisis, dia memerlukan tindakan yang cepat, dia tidak boleh tunggu kelulusan sini kelulusan sana. Jadi saya rasa, kalau saya cadangan sahajalah Rumah Nur diwastakan atau diadakan *smart partnership* dengan NGO supaya NGO yang melaksanakan tugas-tugas Rumah Nur. Ya, Gombak.

**Datuk Dr. Rahman bin Ismail [Gombak]:** Terima kasih Tuan Yang di-Pertua, terima kasih Yang Berhormat bagi Bukit Mertajam. Memang apa yang dibincangkan oleh Yang Berhormat bagi Bukit Mertajam banyak perkara yang penting terutama apabila disentuh soal ibu tunggal. Saya perhatikan terutama di kawasan saya di Gombak kawasan bandar didapati bilangan ibu tunggal ini semakin lama semakin ramai dan banyak di antara mereka ini tidak mempunyai pekerjaan.

Apabila mereka tidak mempunyai pekerjaan ditinggalkan ataupun bila suami mereka meninggal dunia, jadi ini boleh menimbulkan banyak masalah sosial tetapi apa yang saya perhati adalah cara kita meletakkan mereka ini, kalau ada usaha daripada kementerian sama ada melalui penubuhan organisasi yang baru yang dicadangkan di dalam akta ini iaitu yang mana tenaga kerja ibu-ibu tunggal ini diletakkan misal kata di tempat-tempat yang sesuai, misal kata yang tidak mempunyai pendidikan.

Kalau mungkin mereka diletakkan menjadi pekerja sebagai *housekeepers* di hotel-hotel contohnya. Didapati banyak hotel-hotel sekarang mengambil pekerja-pekerja daripada pendatang asing daripada buruh asing untuk bekerja di sektor ini. Walhal kalau ada dilihat dengan teliti oleh kementerian, boleh mereka meletakkan ibu-ibu tunggal bekerja di tempat-tempat yang demikian daripada kita mengambil buruh-buruh asing.

Yang kedua saya perhatikan contohnya, misal kata kalau kita pergi ke Singapura, *outlet* ataupun tempat *fast food* mereka yang bekerja adalah orang-orang tua, ibu-ibu tunggal dan sebagainya. Ini adalah suatu saya rasa yang mana di Malaysia pula kita dapati bahawa yang bekerja di sektor misal kata di *fast food* seperti di Mc Donald, Kentucky Fried Chicken contohnya. Didapati bahawa wanita yang muda yang mana mereka ini boleh ditempatkan yang menggunakan skil yang lebih tinggi. Ini saya rasa kalau dapat difikirkan oleh kementerian yang mana saya rasa boleh mengurangkan lagi masalah sosial akibat terutama yang berkaitan dengan ibu-ibu tunggal.

Selain daripada itu, saya rasa bukan sahaja kita setakat memberi bantuan sahaja, kalau memberi setakat bantuan sahaja *one-off* jadi perkara ini akan habis, misal kata hendak memberi bantuan hari raya, bulan puasa, lepas tu apa yang hendak mereka harapkan untuk kehidupan harian dan sambungan yang seterusnya. Pada saya kita harus memberikan mereka skil-skil yang tertentu ataupun wujudkan peluang-peluang pekerjaan yang mana mereka ini boleh menyara dan meneruskan hidup mereka dengan masa yang lebih panjang.

**Puan Chong Eng [Bukit Mertajam]:** Saya memang bersetuju dengan pandangan Yang Berhormat bagi Gombak. Saya rasa tiga perkara yang penting untuk memberi bantuan kepada ibu-ibu tunggal, yang pertama, penjagaan anak-anak mereka sama ada memberi kupon, memberi bayaran untuk mereka supaya anak mereka boleh pergi ke mana-mana pusat jagaan ataupun hantarkan anak mereka, kalau boleh kalau tempat itu ada rumah kanak-kanak. Pada waktu pagi apabila ibunya pergi kerja, hantar ke pusat itu dan bawa balik pada waktu malam. Itulah satu caranya, apa cara-cara lain yang boleh fikirkan kerana kalau anak mereka tiada orang untuk menjaga untuk mereka, mereka tidak dapat

pergi bekerja dan yang kedua ialah masalah ekonomi. Masalah ekonomi ada dua jalan iaitu mencari kerja untuk mereka meningkatkan skil mereka yang ada. Yang kedua memastikan bahawa bekas suaminya membayar nafkah sekurang-kurangnya untuk anak-anaknya.

Pada waktu sekarang ia tidak menjadi satu masalah kerana undang-undang tidak dilaksanakan dengan ketat, susah untuk memastikan suami ataupun bapa kepada anak-anak ini memberi nafkah, dia boleh tidak beri nafkah dan susah hendak menguatkuasakan. Dan, dikatakan undang-undang ini akan dipinda tetapi sudah ambil masa yang panjang belum dipinda lagi, ini menjadikan satu masalah lagi.

Jadi, saya mencadangkan supaya Rumah Nur ini lebih merupakan satu pusat memberi bantuan secara – merupakan krisis *intervention*. Pada waktu sekarang, kaunseling dikatakan bukan satu perkhidmatan yang senang diberi kerana kaunseling merupakan jangka panjang, bukan satu kaunseling, dua kaunseling, satu sesi atau dua sesi. Kalau ada masalah perkahwinan, ia boleh mengambil masa panjang sehingga 15 sesi kaunseling. Saya rasa pada waktu sekarang kerajaan tidak mampu membekalkan perkhidmatan seperti ini, yang penting ialah *crisis intervention*.

Apabila krisis, apa yang boleh diberi? Bagaimanakah kita boleh menolong mereka? Jangan tunggu. Kalau krisis itu ialah dia mesti ditangani dengan tepat. Kalau Rumah Nur, saya rasa ia belum lengkap seperti itu. Jadi, saya cadangkan supaya Rumah Nur ini dilengkapi dengan lebih kakitangan dan kalau boleh dioperasi oleh NGO supaya ia lebih berkesan.

**Timbalan Yang di-Pertua [Datuk Lim Si Cheng]:** Panjang lagikah Yang Berhormat?

**Puan Chong Eng [Bukit Mertajam]:** Sedikit lagi. Tuan Yang di-Pertua, dalam Rancangan Malaysia Kesembilan dia menyatakan bahawa Dasar Keluarga Negara akan digubal dengan matlamat untuk membangun dan memperkukuhkan institusi kekeluargaan serta mempromosi konsep mengutamakan keluarga. Sekali lagi saya rasa ini merupakan satu *statement* yang sangat *general*, dan kalau kita ingin menggubal Dasar Keluarga Negara, saya rasa ini mesti mengadakan konsultasi yang meluas dengan NGO-NGO dan juga individu-individu yang berpengetahuan dalam aspek ini.

Saya tidak tahu bila dia akan melaksanakan ataupun mula beroperasi dan saya juga tidak pasti sama ada Lembaga yang kita bincangkan hari ini akan bertanggungjawab untuk menggubal Dasar Keluarga Negara kerana ini adalah sampai tahun 2010, sekarang ada 4 tahun lagi. Kalau ia ambil masa yang panjang saya khuatir setengah jalan kita sudah habis Rancangan Malaysia Kesembilan, ia masih belum digubal lagi. Jadi, saya ingin mendapat lebih penjelasan mengenai Dasar Keluarga Negara bagaimana ia akan digubal dan siapakah yang akan bertanggungjawab untuk menggubal.

Saya rasa adalah penting kita lebih memberi perhatian kepada pembangunan keluarga dan ia tidak boleh hanya memberi perhatian dengan slogan sahaja atau kempen-kempen slogan kosong, ia mestilah betul-betul mempunyai rancangan dan program-program yang konkrit, yang boleh betul-betul memberi bantuan kepada keluarga-keluarga yang mengalami masalah dan krisis, dan ia mesti mengambil kira kementerian-kementerian yang lain seperti Kementerian Kesihatan.

Keluarga yang miskin, kalau ada seorang di antara ahlinya jatuh sakit seperti kanser, seperti sakit pinggang, keluarga ini tidak mampu untuk mendapat rawatan kecuali di hospital-hospital kerajaan tetapi hospital kerajaan tidak mempunyai perkhidmatan dan rawatan yang cukup, jadi adalah penting untuk melaksanakan dasar mesra keluarga, bukan sahaja tertumpu kepada keluarga bahagia, dia mesti tahu macam mana kita boleh membantu keluarganya mengadakan satu keluarga yang bahagia, yang dia mesti mempunyai pendapatan yang minimum, dia mesti mempunyai perumahan yang minimum, dia mesti mempunyai akses kepada perubatan yang minimum, dan dia mesti juga mempunyai peluang untuk pelajaran yang adil.

Ini adalah merupakan keperluan-keperluan asas dan ia juga merupakan hak asasi untuk keluarga seperti ini untuk mendapat perkhidmatan-perkhidmatan seperti ini. Saya

rasa kementerian ini mempunyai tanggungjawab yang berat, yang diharap ramai. Kita belum menyatakan keluarga yang mempunyai orang kurang upaya lagi. Kementerian ini menyatakan akan menimbang, mendaftarkan orang kurang upaya mengikut jenis kurang upayanya seperti autistik.

**Dato' Haji Che Min bin Che Ahmad [Pasir Puteh]:** [Bangun]

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat bagi Pasir Puteh.

**Dato' Haji Che Min bin Che Ahmad [Pasir Puteh]:** Yang Berhormat bagi Bukit Mertajam, saya tertarik...

**Puan Chong Eng [Bukit Mertajam]:** Sekejap lagi, sekejap lagi. Seperti autistik tetapi sampai hari ini belum lagi. Kalau sudah didaftar seperti ibu tunggal, apakah rancangan untuknya? Masih belum ada. Kerja yang begitu asas iaitu kita mesti tahu berapa orang OKU jenis *down syndrome*, jenis autistik, jenis yang lain tetapi masih belum ada. Itu adalah tanggungjawab yang begitu *basic*. Bagaimana kalau kita belum menjalankan tugas *basic* yang baik, macam mana kita ingin mengadakan satu keluarga yang bahagia ataupun masyarakat yang penyayang. Ya, Yang Berhormat bagi Pasir Puteh.

**Dato' Haji Che Min bin Che Ahmad [Pasir Puteh]:** Terima kasih Yang Berhormat, terima kasih Tuan Yang di-Pertua, saya tertarik tadi. Sebenarnya semua projek itu sudah ada, untuk ibu tunggal ada bantuan, untuk OKU ada peruntukan, malah untuk perumahan pun ada peruntukan di bawah kementerian ini, pelbagai tetapi saya tengok *legally right, morally wrong*, dengan izin. Patutnya *legally right, morally right*, kalau salah pun tidak apa bahasa Inggeris. Tetapi saya hendak adakan data *base*.

Setuju atau tidak, Yang Berhormat bagi Bukit Mertajam, kita tidak ada data *base*? Kita tidak dapat menentukan mana miskin tegar, mana miskin yang tidak tegar, mana yang cukup makan seharian, yang tidak cukup makan seharian. Kita perlu. Walaupun kita belanja besar, biar kita ada data *base*. Daripada data *base* ini kita boleh membantu.

Yang keduanya, saya nampak ialah dua sahaja kelemahannya. Satu, pihak berkuasa tidak dapat menjalankan undang-undang dengan cara yang betul.

Yang ketiganya, pengurusan tidak sampai ke tahap kepada perkhidmatan yang tepat. Itu sahaja. Bagi saya kalau setuju kita boleh menyokong Akta Penduduk dan Pembangunan Keluarga ini untuk melahirkan... [Membaca sepotong ayat Al-Quran] *Rumahku, Syurgaku* ataupun *Masyarakat Penyayang*.

Saya rasa dua ini saya setuju pendapat yang dikatakan banyak yang diucapkan tadi ialah kesimpulannya jenayah berlaku, apa berlaku dalam penindasan, dalam kezaliman, sumbang mahram semua ini ialah disimpulkan dalam erti kata kemungkaran yang berlaku kerana kita tidak dapat menjalankan undang-undang dengan cara yang menyeluruh kerana ada penghalang-penghalangnya.

Yang keempatnya, kerana pentadbiran tidak turun ke padang.

Saya wakil rakyat, Yang Berhormat, saya tahu. Di padang tidak dapat sampai kepada *grassroots*, akar umbi dengan 100% bantuan yang diberi. Apakah setuju kita wujudkan seperti dicadangkan tadi, iaitu satu kita hendak adakan Majlis Pembangunan Keluarga di peringkat *grassroots*. Terima kasih.

**Puan Chong Eng [Bukit Mertajam]:** Kalau mengadakan majlis keluarga di akar umbi, kalau tidak sampai pun tidak guna juga. Masalah sekarang ialah *delivery system* yang begitu tidak sempurna. Kalau adakan satu lagi, ia pun begitu juga. Yang penting ialah ia mesti merombak mentaliti orang-orang yang bertanggungjawab, mentaliti kita yang melaksanakan tugas dan juga *efficiency, effectivenessnya*.

**Dato' Haji Mat Yasir bin Haji Ikhsan [Sabak Bernam]:** [Bangun]

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat bagi Sabak Bernam.

**Puan Chong Eng [Bukit Mertajam]:** Saya rasa ini adalah satu cabaran yang sangat besar kepada Kerajaan Barisan Nasional seperti yang dikatakan oleh Yang Berhormat bagi Pasir Mas...

**Timbalan Yang di-Pertua [Datuk Lim Si Cheng]:** Pasir Puteh!

**Puan Chong Eng [Bukit Mertajam]:** .....Yang Berhormat bagi Pasir Puteh, bahawa sampai sekarang kita masih belum ada *database* dan kita masih belum ada a *mean stats* untuk keluarga. *Mean stats* berertinya *database* jugalah. Kita tahu keluarga mana yang di bawah *poverty*, kemiskinan, keluarga mana yang sudah melebihi kemiskinan. Apabila kita hendak memberi bantuan, kita mengikut *mean stats* ini tetapi, sampai hari ini tidak ada. Jadi peruntukan bantuan yang begitu besar pergi ke mana, beri kepada siapa, kita tidak tahu...

**Dato' Haji Mat Yasir bin Haji Ikhsan [Sabak Bernam]:** Terima kasih Tuan Yang di-Pertua, terima kasih Yang Berhormat bagi Bukit Mertajam. Saya sebenarnya hendak memberikan penegasan kepada peri pentingnya Majlis Pembangunan Keluarga ini. Sebenarnya dari segi dasar, dari segi peraturan dan sebagainya, perancangan dan seumpamanya daripada kementerian ini, saya rasa kalau pun tidak lengkap, hampir lengkap. Hanya kita hendak menambahbaikkan sahaja. Jadi saya hendak menegaskan bahawa, saya hendak buat satu perbandingan.

Sebenarnya di peringkat daerah sudah ada Majlis Tindakan Daerah di mana semua jabatan ada....

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat ada bertujuan untuk meminta penjelasan daripada Yang Berhormat bagi Bukit Mertajam?

**Dato' Haji Mat Yasir bin Haji Ikhsan [Sabak Bernam]:** Saya bukan sahaja minta penjelasan, tetapi hendak minta sokongan terhadap majlis ini yang saya anggap begitu penting.

**Timbalan Yang di-Pertua [Datuk Lim Si Cheng]:** Sebab saya lihat, mungkin ada sekurang-kurang dua atau tiga ahli Yang Berhormat juga ingin mohon berucap. Jadi kalau boleh ringkaskan.

**Dato' Haji Mat Yasir bin Haji Ikhsan [Sabak Bernam]:** Saya juga mohon berucap, kalau diizinkan oleh Yang Berhormat.

**Timbalan Yang di-Pertua [Datuk Lim Si Cheng]:** Saya akan cuba membenarkan.

**Dato' Haji Mat Yasir bin Haji Ikhsan [Sabak Bernam]:** Saya hendak kontra kepada..., di mana sekarang di daerah ada Majlis Tindakan Daerah. Jabatan Kebajikan ini menjadi salah satu daripada anggotanya tetapi, hampir tidak pernah di Majlis Tindakan Daerah ini, Jabatan Kebajikan ataupun Jabatan Pelajaran yang berpeluang untuk membicarakan secara khusus. Adanya Majlis ini, maka pembicaraan mengenai hal kekeluargaan ini akan dapat dibicarakan secara khusus dan diambil tindakan. Apa pandangan Yang Berhormat bagi Bukit Mertajam. Terima kasih.

**Puan Chong Eng [Bukit Mertajam]:** Saya rasa di bahagian daerah pun seperti di daerah Bukit Mertajam, dia ada Pejabat Kebajikan Masyarakat tetapi, kekurangan kakitangan. Dia hanya ada seorang kaunselor yang menjaga *domestic violence*. Seorang yang menjaga keganasan kepada kanak-kanak, tidak cukup. Yang penting ialah saya rasa kerajaan telah mengabaikan kerja-kerja ataupun isu-isu keluarga dan kita berbelanja besar kepada projek-projek yang membangunkan bangunan membina bangunan, membina jalan raya, tetapi kita tidak membina manusia.

Akan tetapi, kita ingin mengadakan insan manusia yang canggih, yang baik. Kita tidak membelanjakan peruntukan di sana. Perbelanjaan dilaksanakan di tempat yang lain. Jadi, kita sekarang kerana kita gagal menjaga pembangunan keluarga, kita membelanjakan

besar untuk Program Antidadah, program untuk membanteras jenayah, itulah menunjukkan kegagalan dasar. Kegagalan membelanjakan sumber-sumber yang patutnya dibelanjakan.

Jadi saya harap, dalam pimpinan yang baru, kita adakan satu hala tuju yang baru yang mana pembangunan keluarga ini diberi perhatian dan dasarnya apabila dia telah digubal, dia mesti dilaksanakan oleh semua kementerian kerana satu Kementerian Pembangunan Wanita, Keluarga dan Masyarakat tidak mampu melaksanakannya.

Dia memerlukan kerjasama Kementerian Keselamatan Dalam Negeri, Kementerian Pendidikan, Kementerian Pengajian Tinggi dan juga Kementerian Kesihatan. Dengan itu, saya harap apa yang saya katakan akan diambil kira. Terima kasih Tuan Yang di-Pertua.

**Timbalan Yang di-Pertua [Datuk Lim Si Cheng]:** Yang Berhormat bagi Kuala Krai. 15 minit boleh ya?

**12.24 tgh.**

**Datuk Mohamed Razali bin Che Mamat [Kuala Krai]:** Terima kasih Tuan Yang di-Pertua. Saya ingin mengambil bahagian dalam pembangunan penduduk dan keluarga yang kita anggap begitu penting kepada sesebuah negara, lebih-lebih lagi negara kita yang sedang maju. Ini telah diperkatakan oleh Yang Amat Berhormat Perdana Menteri kita supaya kita bermula daripada keluarga bahagia dan ini juga memainkan peranan penting dalam modal insan yang mana juga telah ditekankan oleh Yang Amat Berhormat Perdana Menteri kita.

Modal insan adalah bermula daripada pembangunan keluarga ataupun rumah tangga itu sendiri dan inilah akan terbitnya masyarakat yang berpakat, masyarakat yang membawa berkat. Betullah bagaimana kata rakan-rakan tadi slogan tidak akan memberi erti jika tidak disusuli dengan kegiatan-kegiatan yang terperinci dibuat oleh jabatan-jabatan berkenaan. Saya suka menyarankan supaya perkara-perkara ini akan diambil berat oleh jabatan-jabatan yang berkenaan.

Pertama sekali ialah Jabatan Pendidikan, Jabatan Pelajaran, Jabatan Kebajikan, Jabatan Perpaduan juga, Jabatan Kesihatan seperti yang disebut tadi. Saya suka menyarankan ini ialah kerana modal insan ini akan bermula dari peringkat *grassroots* iaitu dari peringkat kanak-kanak, pra sekolah lagi yang bermula daripada keluarga. Maka sudah tentulah jika kita mempunyai keluarga yang bahagia, keluarga yang terancang yang diberi oleh Jabatan Pembangunan seperti Jabatan Pembangunan Keluarga dan Masyarakat itu sendiri.

Dan saya suka menyarankan supaya kanak-kanak yang bermula daripada pra sekolah tadi akan diasuh dengan satu asuhan yang betul-betul dirancang oleh pihak kerajaan. Umpamanya dari segi seperti yang dikatakan tadi, dari jabatan-jabatan yang mana kanak-kanak ini dibawa ke satu tempat yang ada asuhan tetapi, tidak diberi pengasuhan yang tertentu. Di sini elok umpamanya katakan di luar bandar, terdiri daripada kilang-kilang, terdiri daripada ladang-ladang, estet yang mana kanak-kanak ini dibiarkan begitu sahaja dengan diasuh oleh mereka-mereka yang tidak ada kaunseling ataupun latihan. Maka saya suka menyarankan supaya perkara ini dapat diambil perhatian oleh pihak-pihak jabatan yang tertentu kebajikan masyarakat umpamanya supaya diambil guru-guru yang terlatih. Di latih khusus. Umpamanya dua bulan, tiga bulan supaya mereka-mereka ini dapat mengajar dengan cara yang betul dan inilah yang akan mengeluarkan satu tahap yang berkualiti kepada kanak-kanak tadi. Sekarang kita lihat di .....

**Timbalan Yang di-Pertua [Datuk Lim Si Cheng]:** Yang Berhormat bagi Pasir Puteh.

**Datuk Mohamed Razali bin Che Mamat [Kuala Krai]:** Sila.

**Dato Haji Che Min bin Che Ahmad [Pasir Puteh]:** Terima kasih abang saya Yang Berhormat bagi Kuala Krai Yang Berhormat. Tuan Yang di-Pertua, saya tertarik tadi, apakah Yang Berhormat bagi Kuala Krai setuju dari pandangan saya ini, kita tengok balik keseluruhan pra kurikulum, pra yang dok ada dipakai di tadika-tadika di seluruh negara ini. Sama ada di bawah kementerian atau di bawah Jabatan Agama atau di mana-mana

institusi yang pertubuhan yang pakai itu, kita tengok semula. Apakah nilai-nilai kita itu ada cukup dalam kurikulum itu. Apakah nilai-nilai Barat yang tidak ditapis, nilai-nilai budaya kuning yang tidak ditapis ada dalam itu yang boleh melunturkan nilai-nilai budaya moral kita yang lembut ini. Perlukah kita tengok balik dan perlu tidak, kita seragam balik. Wajib diseragamkan balik seluruh negara. Terima kasih.

**Datuk Mohamed Razali bin Che Mamat [Kuala Krai]:** Terima kasih Yang Berhormat bagi Pasir Puteh. Saya ambil ucapan itu kepada apa yang saya katakan ini, masukkan, betul dan saya menyokong.

Berbalik kepada kanak-kanak tadi yang perlu diasuh di Taman Asuhan dengan guru-guru ataupun pengasuh-pengasuh yang telah diberi latihan, sudah tentulah mereka-mereka ini apabila pergi ke prasekolah, sudah tentu mereka ada latihan dan di prasekolah itu pula sudah tentulah cikgunya-cikgunya telah beri latihan tertentu. Jadi kalaulah sekiranya bermula daripada asuhan yang telah dirancang, pergi pula kepada pra sekolah, maka sudah tentulah modal insan yang dikatakan ini akan dapat diteruskan kepada peringkat-peringkat sekolah menengah dan universiti dan kita tidak hendak kanak-kanak kita ini sebagaimana sekarang, mereka tidak mempunyai kreativiti atau mempunyai *soft skill* yang mendalam apabila mereka ini pergi ke sekolah menengah ataupun peringkat universiti.

Ini adalah hasil daripada pengasuhan daripada keluarga yang tidak terancang dan tidak dirancang dengan betul. Sebab itulah bila kita melihat kanak-kanak kita umpamanya di peringkat sekolah rendah menghafaz pelajaran untuk mendapat seberapa banyak A yang dapat, tidak mempunyai kreativiti bila mereka ini pergi ke peringkat universiti kerana hasilnya mereka menghafal pelajaran itu daripada mata pelajaran yang hendak lulus.

Sebab itulah akademik mereka ini akademik yang untuk mendapat 'A' sahaja. Bukan dari segi nilai kreativiti sesebuah negara yang maju dan inilah yang dikatakan modal insan yang berkualiti yang akan bermula daripada keluarga bahagia tadi. Memang keluarga bahagia telah dirancang oleh pihak Jabatan Perancang Keluarga dan Penduduk dan ini telah dikenal pasti keluarga-keluarga yang bahagia yang telah boleh menjadi contoh dan teladan lebih-lebih lagi di luar bandar.

Kita suka menyarankan supaya rancangan ini dapat diteruskan dan juga diberi perhatian kepada keluarga-keluarga yang miskin bukan sahaja yang bahagia, kerana yang daripada miskin ini juga akan menjadi keluarga bahagia. Bukan yang keluarga yang kaya boleh menjadi keluarga yang bahagia, tetapi keluarga yang miskin juga boleh menjadi keluarga yang bahagia kerana daripada hasil penduduk atau keluarga yang terancang, yang terkawal.

Sebab itu kita lihat di mana-mana pun rumah besar, atap genting dan sebagainya bukan tentunya dia bahagia tetapi kalau keluarga miskin mempunyai perancangan keluarga yang terancang, yang ada jadual, yang mempunyai *planning*, dia juga boleh menjadi keluarga yang bahagia. Maka ini juga harus diambil kira oleh jabatan-jabatan yang berkenaan supaya boleh menjadi model kepada keluarga-keluarga miskin tadi.

Saya kira ini dapat dijalankan oleh pihak jabatan-jabatan yang berkenaan. Kita juga selaku Ahli-ahli Parlimen yang mana baru-baru ini telah diberi satu peruntukan yang agak boleh bermula di Parlimen masing-masing dan kita berharap supaya penambahan peruntukan ini dapat diperbanyakkan lagi supaya kita selaku Ahli-ahli Parlimen di kawasan masing-masing yang mana menjadi pengerusi kepada kebajikan itu sendiri dapat memberi kesan yang mendalam kepada keluarga-keluarga di kawasan Parlimen masing-masing.

Saya suka menekankan terutama sekali yang ibu tunggal. Kita sering bertanya di dalam Parlimen yang mulia ini supaya memberi bantuan kepada ibu tunggal yang begitu ramai di seluruh negara tetapi sedarkah kita ibu-ibu tunggal ini terdiri daripada tiga atau pun beberapa kategori. Pertamanya mereka ini miskin, betul-betul miskin. Yang ini harus dibela tetapi ada pula ibu tunggal yang mempunyai *Mercedes*, mempunyai rumah besar, mempunyai *handphone* dua tiga.

Mereka juga ibu tunggal. Bila kita beri bantuan seumpamanya harus kita meneliti perkara ini sebab berlaku di mana-mana dia kata dia juga ibu tunggal, kenapa tidak diberi? Maka sudah tentulah kita akan meneliti kepada ibu-ibu tunggal yang betul-betul miskin yang boleh memberi kesan yang mendalam supaya mereka ini juga akan dapat satu peruntukan dan menuju kepada yang keluarga bahagia.

Saya suka memberi contoh di mana lawatan saya ke peringkat luar bandar di kawasan saya, satu keluarga yang mana saya pergi, mereka ini adalah terdiri daripada keluarga miskin, tetapi saya merasa kagum melihat seorang anak yang hanya di sekolah rendah bila mana kita pergi, dia melayan naik rumah dan bersopan santun, bercakap dengan nada yang baik sopan santunnya, suruh duduk dan memberi beberapa maklumat mengenai keluarganya, "Ibu ayah tiada".

Satu lagi bila kita pergi ke sebuah rumah yang mana yang tidak dikawal atau pun tidak dibuat *planning*, mereka ini dengan begitu kita kata tidak ada layanan, "Tak tahu, ayah tak ada". Jadi, ini berlaku dalam masyarakat kita kiranya tidak diberi latihan yang mendalam kepada keluarga-keluarga itu sendiri. Lebih-lebih lagi kepada keluarga yang tidak terbela di kawasan luar bandar mahupun dalam bandar. Sebab itulah saya kira jabatan-jabatan yang berkenaan ini harus memainkan peranan yang amat penting dan mempunyai pemantauan dan pemantauan ini harus diberi kepada tempat-tempat yang berkenaan. Umpamanya Jabatan Kebajikan Masyarakat, pendidikan kita adakan satu jawatankuasa pemantauan supaya melihat sendiri bagaimana jabatan-jabatan ini mengendalikan kerja-kerjanya supaya tidaklah kata *delivery system* ini menjadi tidak berkesan. Kalau sekiranya ada pemantauan, sudah tentulah perkara-perkara ini akan dapat berjalan dengan licin dan teratur.

Mengenai dengan sekolah-sekolah yang ada sekarang ini, kita sering...

**Timbalan Yang di Pertua [Datuk Lim Si Cheng]:** Yang Berhormat boleh gulunglah.

**Datuk Mohamed Razali bin Che Mamat [Kuala Krai]:** Kita sering mendengar bahawasanya peruntukan bangunan sekolah-sekolah begitu banyak telah diberi tetapi sedarkah kita kanak-kanak yang belajar baik di peringkat sekolah rendah ataupun di sekolah menengah, bilangan murid-muridnya begitu ramai sehingga 45, 50 dan sudah tentulah tidak terkawal. Dengan tidak terkawal ini sudah tentu kita tidak akan dapat memberi pendidikan yang baik dan sempurna yang boleh memberi kepada modal insan yang berkualiti.

Satu pertandingan kepada 50 orang, sudah tentulah tidak adil kepada kanak-kanak yang 50 orang kerana gurunya tidak dapat mengawal. Maka kita berkehendakkan pada zaman ini supaya kelas-kelas ini diturunkan kepada kelas 20 orang atau pun paling ramai 30 orang. Kalau kita pergi ke negara-negara maju seperti di United Kingdom, murid-murid di prasekolah itu sendiri seramai 12-15 orang sahaja dan bila mana keluarga atau pun pelawat-pelawat pergi, kanak-kanak yang belum pun memasuki kelas satu ini, dapat memberi tunjuk ajar kepada pelawat-pelawat itu dengan tidak diawasi oleh guru-guru mereka.

Ini lah keadaan berlakunya di negara-negara maju kerana murid-murid itu sendiri dapat diajar satu-satu bilangan yang begitu sedikit, tetapi kita, empat lima puluh orang sudah tentu kita tidak dapat mengawal kanak-kanak ini dengan sempurna dan ini juga harus diambil perhatian supaya sebagai negara maju, sudah tentu kita akan memberi bilangan yang sedikit kepada tiap-tiap kelas ini.

Jadi sebagaimana kata slogan "*Rumahku Syurgaku*", "*Keluarga Sihat Membawa Berkat*" tidak akan terjamin sekiranya perkara-perkara ini tidak disertai dengan kegiatan-kegiatan atau pun jadual-jadual yang teratur, disusuli pula oleh pemantauan yang rapi.

Sebab itulah di peringkat sekolah, guru-guru juga baik di tadika atau pun sekolah menengah harus dipantau. Kalau dahulu ada pemantauan daripada nazir-nazir bebas atau pun guru-guru pelawat, hari ini harus dibuat begitu walaupun kita sudah 40-50 tahun merdeka, tetapi kita masih lagi belum mempunyai kualiti yang mendalam supaya tiap-tiap mereka ini ada tanggungjawabnya sendiri tetapi mereka harus dipantau untuk lebih maju dan lebih memberi jaminan kepada negara maju seperti hari ini.

Kalau tidak, tinggal sahaja perancangan-perancangan yang tidak akan memberi kesan kepada negara kita yang membangun ini. Saya rasa itulah sedikit sebanyak pendapat saya mengenai dengan keluarga ini dan keluarga yang bahagia tentulah menjadi Rumah ku Syurga ku dan kalau tidak sudah tentulah akan menjadi porak-peranda di tiap-tiap keluarga itu. Keluarga yang bahagia akan memberi kepada masyarakat yang maju dan seterusnya kepada negara. Itu sahaja pendapat saya, terima kasih.

**Timbalan Yang di Pertua [Datuk Lim Si Cheng]:** Yang Berhormat bagi Jerai. Yang Berhormat, saya minta lah supaya hujan-hujan yang akan dikemukakan ada perkaitan dengan perkara pindaan yang dicadangkan. Jangan terkeluar sangat daripada tajuk yang kita bangkitkan.

**Dato' Paduka Haji Badruddin bin Amiruldin [Jerai]:** Terima kasih Tuan Yang di-Pertua, saya akur.

**Timbalan Yang di Pertua [Datuk Lim Si Cheng]:** Baik, baik.

**Dato' Paduka Haji Badruddin bin Amiruldin [Jerai]:** Terima kasih Tuan Yang di-Pertua.

**Timbalan Yang di Pertua [Datuk Lim Si Cheng]:** Harap dapat tunjuk satu teladan yang baik.

**Dato' Paduka Haji Badruddin bin Amiruldin [Jerai]:** Ya Tuan Yang di-Pertua, terima kasih Tuan Yang di-Pertua. Tuan Yang di-Pertua, pertamanya saya mengucapkan syabas tahniah kepada kementerian kerana telah berjaya. Kita dapat melihat dari masa ke semasa pindaan-pindaan yang kita kemukakan ke Parlimen ini adalah untuk membina rakyat Malaysia menjadi rakyat yang bertanggungjawab, membela rakyat yang dilambung kemiskinan dan kesusahan. Membela ibu-ibu tunggal.

Ini menunjukkan bahawa kerajaan kita bertanggungjawab. Saya syabas kepada kementerian dan juga kakitangan-kakitangan kerajaan yang menjalankan tugas yang diamanahkan. Tuan Yang di-Pertua, 49 tahun kita merdeka insya-Allah pada tanggal 31 ini, negara kita membangun tetapi di dalam arus pembangunan ini kita dapat lihat juga Tuan Yang di-Pertua, rakyat yang merintih dalam kesukaran dan kesusahan. Dan kita dapat lihat rata-rata dipertanggungjawabkan kepada kerajaan. Memang ini tugas dan tanggungjawab kerajaan kerana rakyat membentuk kerajaan dan menjadi tanggungjawab kerajaan untuk membela rakyat.

Apa yang hendak saya perkatakan pada hari ini, dalam apa jua program yang dianjurkan oleh kerajaan, saya merasakan di samping kerajaan, NGO juga telah memainkan peranan yang cukup baik. Atas kesedaran mereka ini, mereka menubuhkan badan-badan sukarela, mewujudkan badan-badan sukarela untuk menolong rakyat yang miskin macam badan sukarela menolong OKU, badan sukarela yang menolong orang tua-tua dan sebagainya. Ini saya hormati mereka, saya sanjungi mereka dan kita lihat kadang-kadang dalam pertubuhan ini yang ada hanya kumpulan-kumpulan tertentu, warga-warga emas yang ada dalam kumpulan ini.

Orang yang berpencen, orang yang tidak ada kerja lain, dia kata dah tak ada apa dia hendak teruskan khidmat bakti kepada negara, maka dia wujudkan NGO-NGO ini atau pun sukarelawan-sukarelawan ini untuk membantu rakyat yang kurang bernasib baik. Yang saya hendak tekankan Tuan Yang di-Pertua ialah peranan syarikat-syarikat swasta, peranan orang-orang korporat. Di manakah peranan mereka? Saya tidak nafikan ada tetapi kalau kita lihat dalam surat khabar, senarai syarikat yang di *listed* kan di Bursa Saham, beratus kita tengok syarikat-syarikat sendirian berhad, banyak yang untung dan sebagainya.

Yang mengaut keuntungan daripada hasil kekayaan negara tetapi mengapakah mereka ini juga tidak menolong dan membantu kerajaan untuk membantu generasi anak bangsa Malaysia di masa akan datang. Dari segi pendidikan, kebajikan dan sebagainya. Tuan Yang di-Pertua, saya mengalami dan wakil rakyat lain pun mengalami sama ada daripada kerajaan atau pembangkang, apabila didatangi oleh rakyat-rakyat, ibu-ibu tunggal

yang menghadapi masalah. Yang kadang-kadang kami sendiri merasa buntu hendak menolong.

**Timbalan Yang di Pertua [Datuk Lim Si Cheng]:** Yang Berhormat, patut kita bangkitkan ini pindaan dahulu. Kalau ada masa baru buat cadangan ini.

**Dato' Paduka Haji Badruddin bin Amiruldin [Jerai]:** Ya, ya. Ini saya hendak masuk.

**Timbalan Yang di Pertua [Datuk Lim Si Cheng]:** Yang Berhormat, ada baca kah?... [Ketawa]

**Dato' Paduka Haji Badruddin bin Amiruldin [Jerai]:** Ya, saya masuk ini fasal apa *director general* apa semua ini ada, ada. Saya ada saya faham.

**Timbalan Yang di Pertua [Datuk Lim Si Cheng]:** Baguslah. Mukadimah panjang sangatlah.

**Dato' Paduka Haji Badruddin bin Amiruldin [Jerai]:** Tapi kalau setakat *director general* apa semua ini, *board* ini semua Tuan Yang di-Pertua,

**Timbalan Yang di Pertua [Datuk Lim Si Cheng]:** Tidak ada benda hendak berucap ya?

**Dato' Paduka Haji Badruddin bin Amiruldin [Jerai]:** Ha, tak dak. Lagi pun nak ubah *director general* ini, seminit kita boleh ubah, tapi Tuan Yang di-Pertua, kerja Datuk *Director General* ini *power of the board, all inside here...*

**Timbalan Yang di Pertua [Datuk Lim Si Cheng]:** Tak payah faham lah.

**Dato' Paduka Haji Badruddin bin Amiruldin [Jerai]:** Dengan izin Tuan Yang di-Pertua, tak akan menjadi realiti kalau rakyat tidak ada semangat dan tanggungjawab.

**Timbalan Yang di Pertua [Datuk Lim Si Cheng]:** [Ketawa]

**Dato' Paduka Haji Badruddin bin Amiruldin [Jerai]:** Dia tidak boleh jadi realiti. Mana boleh semata-mata-mata kerajaan, sedangkan *millionaire* yang banyak di Malaysia ini buat apa? Apa dia orang buat? Tak kan *millionaire* ini tak boleh buat taman asuhan, satu badan untuk kebajikan, ini juga untuk di akhirat kelak.

**Timbalan Yang di Pertua [Datuk Lim Si Cheng]:** Yang Berhormat, Yang Berhormat bagi Sabak Bernam.

**Dato' Paduka Haji Badruddin bin Amiruldin [Jerai]:** Ya, ya. sila, sila Yang Berhormat bagi Sabak Bernam.

**Dato' Haji Mat Yasir bin Haji Ikhsan [Sabak Bernam]:** Terima kasih Tuan Yang di-Pertua, terima kasih Yang Berhormat bagi Jerai. Yang Berhormat bagi Jerai ini membawa satu isu yang sangat penting sebenarnya. Dalam konteks kita bersama membawa kepada keamanan dan kedamaian negara kita khususnya dari segi sesuatu tempat. Yang Berhormat ada menyebut tentang korporat dan konglomerat ini ataupun syarikat-syarikat yang besar ini harus turut sama menyumbang dalam konteks kebajikan ini.

Apakah pandangan Yang Berhormat kalau saya mencadangkan supaya syarikat-syarikat yang melabur atau pun berada di satu-satu tempat itu maknanya wajar turut mengambil, memainkan peranan dari segi program kebajikan ini dengan kita menetapkan atau pun kerajaan menetapkan satu peratus daripada keuntungan dia harus diberikan kepada sama ada tabung kebajikan untuk membantu orang di kawasan tertentu itu. Apa pandangan Yang Berhormat?

**Dato' Paduka Haji Badruddin bin Amiruldin [Jerai]:** Ini pandangan yang cukup baik. Saya satu peratus sikit sangat Tuan Yang di-Pertua, satu peratus sikit sangat. Lima peratus tapi boleh dikecualikan daripada cukai pendapatan syarikat. Okey, *fair*. Adil, adil. Saya ambil contoh Tuan Yang di-Pertua, saya ambil contoh dalam kawasan Parlimen saya, tahun ini sahaja satu bank, EON Bank telah memberi kepada saya 25 buah rumah PPRT Tuan Yang di-Pertua.

**Puan Teresa Kok Suh Sim [Seputeh]:** Wah...

**Dato' Paduka Haji Badruddin bin Amiruldin [Jerai]:** Apa wah?... [*Bercakap dalam bahasa Mandarin*] Dengan izin.... [*Ketawa*] Saya buat kerja, saya pergi jumpa depa minta tolong dengan depa. Untuk saya tolong orang miskin dalam kampung saya. Kalau harap kerajaan, berapa saya dapat? Mengharap kerajaan tahun ini saya dapat empat buah sahaja Tuan Yang di-Pertua. Saya pergi jumpa Bank Rakyat, Bank Rakyat bagi untuk bantu pelajar-pelajar miskin dan termiskin sebanyak seribu tujuh ratus lebih pelajar dalam kawasan Parlimen saya.

**Timbalan Yang di Pertua [Datuk Lim Si Cheng]:** Sehingga kawasan Yang Berhormat tidak ada masalah lagi lah?

**Dato' Paduka Haji Badruddin bin Amiruldin [Jerai]:** Banyak lagi. Ini yang saya duk bising ini Tuan Yang di-Pertua. Jadi kalau Bank Rakyat, Bank EON ini boleh buat macam ini, kenapa bank-bank lain tidak boleh? Syarikat-syarikat lain tak boleh? Saya hendak mencadangkan Tuan Yang di-Pertua, minta syarikat-syarikat yang besar-besar ini angkat tiap-tiap Parlimen kita mula.

Wujudkan satu taman asuhan didikan untuk anak-anak yang kurang bernasib baik, anak-anak ibu tunggal yang terbiar. Kerana Tuan Yang di-Pertua, kalau kita tak jaga budak-budak ini, dah la mak susah kerja tak da. Budak ini terbiar, akhirnya budak ini akan menjadi masalah kepada negara. Masalah kepada Yang Berhormat dari Seputeh, masalah kepada Yang Berhormat dari Tanjong, masalah kepada Yang Berhormat dari Kuching.

**Tuan Chong Chieng Jen [Bandar Kuching]:** [*Bercakap tanpa pembesar suara*]

**Dato' Paduka Haji Badruddin bin Amiruldin [Jerai]:** Bandar Kuching. Fasal dia tidur pun macam kucing sahaja. Fasal itu kata, *sorry, sorry* ya. Minta maaf. Jadi Yang Berhormat, kita mahu bahawa tiap-tiap Parlimen kita mula. Contohnya kita ambillah kata Tenaga Nasional ambil tiga Parlimen. Dia *finance*, Petronas *finance*. Ke mana syarikat-syarikat lain. Ingat hendak tanya penjelasan. ... [*Ketawa*]

**Seorang Ahli:** [*Bercakap tanpa pembesar suara*]

**Dato' Paduka Haji Badruddin bin Amiruldin [Jerai]:** Ya, ya. tak. Lain-lain kementerian. Jadi, syarikat-syarikat ini, ok pilih katalah satu syarikat yang berada yang kaya yang untung itu datang ke Parlimen Jerai. Okey, dia *finance* kita. Kerana Tuan Yang di-Pertua, baru ini, minggu ini dua ibu tunggal datang. Dia kata, "Datuk, saya la ni kerja di kantin. Ni sekolah dah nak cuti. Saya tak da hasil, saya tak da pendapatan. Anak di rumah enam orang. Kecil-kecil lagi..." Merenyut dia kata....

**Datuk Bung Moktar bin Radin [Kinabatangan]:** [*Bangun*]

**Dato' Paduka Haji Badruddin bin Amiruldin [Jerai]:** Merenyut ini kecil-kecil Tuan Yang di-Pertua.

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat bagi Kinabatangan.

**Datuk Bung Moktar bin Radin [Kinabatangan]:** Boleh?

**Dato' Paduka Haji Badruddin bin Amiruldin [Jerai]:** Boleh.

**Datuk Bung Moktar bin Radin [Kinabatangan]:** Terima kasih Tuan Yang di-Pertua. Saya terpanggil dengan hujah rakan saya ini.

**Timbalan Yang di-Pertua [Datuk Lim Si Cheng]:** Itu sebab Yang Berhormat masuk.

**Datuk Bung Moktar bin Radin [Kinabatangan]:** Sebab itu saya masuk, dari luar saya dengar. Di kawasan saya ini kampung-kampung begitu terpencil. Masalah yang dihadapi kita boleh wujudkan tadika tetapi tenaga pengajarnya orang kampung kena kongsi-kongsi bayar sedangkan di sekitar itu ladang kelapa sawit beribu-ribu hektar tetapi mereka tidak ada *accountability* seumpama ini. Ini yang saya masuk ini. Saya hendak tanya

Yang Berhormat apa hukuman? Kenapa kerajaan tidak buat *compulsory* mereka harus membantu masyarakat di sekitar kampung tersebut dalam penyediaan pendidikan sebab ini misi negara. Sebuah negara yang masyarakat yang tidak berpendidikan akan terpinggir. Minta pandangan Yang Berhormat.

**Dato' Paduka Haji Badruddin bin Amiruldin [Jerai]:** Inilah Tuan Yang di-Pertua kadang-kadang orang yang kaya dia tidak mempunyai perasaan. Orang yang kaya yang tidak mempunyai rasa kasih sayang. Mungkin dia tidak melihat di bawah anak yang tidak bersekolah, anak yang pakai baju yang koyak rabak. Kita wakil rakyat menghadapi ini Tuan Yang di-Pertua kerana kita didatangi kerana bagi rakyat kepada siapakah mereka hendak merayu ataupun mencurahkan masalah mereka kecuali kepada wakil rakyat kerana kita mewakili mereka. Kadang-kadang macam saya kata tadi kami ini tidak mampu untuk menolong.

**Dato Haji Che Min bin Che Ahmad [Pasir Puteh]:** *[Bangun]*

**Dato' Paduka Haji Badruddin bin Amiruldin [Jerai]:** Sudah buntu untuk menolong kerana terlampau banyak yang datang, yang merintih, menangis.

**Timbalan Yang di-Pertua [Datuk Lim Si Cheng]:** Yang Berhormat.

**Dato' Paduka Haji Badruddin bin Amiruldin [Jerai]:** Yang menangis pun ada Tuan Yang di-Pertua.

**Timbalan Yang di-Pertua [Datuk Lim Si Cheng]:** Yang Berhormat bagi Pasir Puteh.

**Dato' Paduka Haji Badruddin bin Amiruldin [Jerai]:** *Alright, alright.*

**Dato Haji Che Min bin Che Ahmad [Pasir Puteh]:** Saya setuju dengan cadangan Yang Berhormat bagi Jerai tadi. Tuan Yang di-Pertua, kalau boleh di bawah Kementerian Pembangunan Wanita, Keluarga dan Masyarakat ditubuhkan satu yayasan, kalau sudah ada tidak apa. Satu yayasan khas yang ditabung oleh geran kerajaan ditambah oleh ahli-ahli korporat, jutawan, hartawan. Yang ini yang saya hendak jadikan seperti PTPTN. Kalau PTPTN boleh buat begitu kenapa kita tidak boleh buat? Orang yang tidak ada rumah kita tidak boleh bantu. Empat biji setahun apa hendak bantu? Tidak cukup. Sebab itulah saya hendak kalau boleh *organize* biarlah sistematik. Jangan Jerai sahaja dapat Pasir Puteh tidak dapat. Kalau saya pergi kecek Bank Rakyat Pasir Puteh dapat, Tangga Batu tidak dapat.

**Timbalan Yang di-Pertua [Datuk Lim Si Cheng]:** Yang Berhormat.

**Dato Haji Che Min bin Che Ahmad [Pasir Puteh]:** Biar kita *organize*.

**Timbalan Yang di-Pertua [Datuk Lim Si Cheng]:** Yang Berhormat kata dia kerja kuat.

**Dato Haji Che Min bin Che Ahmad [Pasir Puteh]:** Jadi setuju tidak? Ya dia kerja kuat saya pun kerja kuat, tapi dia lebih kuat lagilah tetapi kita hendak *organize* di bawah satu tabung yayasan kebajikan untuk bantu apa sahaja bencana alam, ibu tunggal dan juga fakir miskin dan sebagainya.

**Datuk Haji Idris bin Haji Haron [Tangga Batu]:** *[Bangun]*

**Dato Haji Che Min bin Che Ahmad [Pasir Puteh]:** Terima kasih.

**Timbalan Yang di-Pertua [Datuk Lim Si Cheng]:** Yang Berhormat bagi Tangga Batu mana boleh bangun.

**Datuk Haji Idris bin Haji Haron [Tangga Batu]:** Hendak minta Yang Berhormat bagi Jerai izinkan saya sambung apa Yang Berhormat bagi Pasir Puteh cakap.

**Timbalan Yang di-Pertua [Datuk Lim Si Cheng]:** Boleh Yang Berhormat? benarkan?

**Datuk Haji Idris bin Haji Haron [Tangga Batu]:** Boleh Yang Berhormat bagi Jerai?

**Dato' Paduka Haji Badruddin bin Amiruldin [Jerai]:** Boleh, boleh. Sambunglah, sambung.

**Datuk Haji Idris bin Haji Haron [Tangga Batu]:** Terima kasih Tuan Yang di-Pertua, terima kasih Yang Berhormat bagi Jerai. Saya setuju sangatlah apa Yang Berhormat bagi Jerai sebut tadi cuma kalau saya tambah sedikit. Bantuan-bantuan yang bakal diturunkan oleh kerajaan kepada orang-orang yang memerlukan ini supaya ia tidak seperti gebar pendek. Tarik tutup kepala nampak kaki, tutup kaki nampak kepala.

Sebagai contoh rumah PPRT. Sekarang ini nilainya lebih kurang RM13,000 hingga RM14,000 satu bilik. Kemudian keluasanya kurang daripada 400 kaki persegi. Jadi kalau kita masuk rumah ini pun kalau berlaku pertambahan keluarga dan sebagainya ia memang tidak akan menyihatkan bahkan ia akan menimbulkan masalah sosial, sumbang muhrim dan sebagainya. Kemungkinan itu boleh berlaku. Apa pendapat Yang Berhormat? Kalau hendak bantu, bantu betul-betul *all out* terima kasih.

**Dato' Paduka Haji Badruddin bin Amiruldin [Jerai]:** Terima kasih Yang Berhormat kedua-duanya.

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat. Ini saya hendak tanya rumah PPRT mana satu kementerian yang bertanggungjawab?

**Dato' Paduka Haji Badruddin bin Amiruldin [Jerai]:** Ini Kementerian Kemajuan Luar Bandar dan Wilayah Tuan Yang di-Pertua.

**Timbalan Yang di-Pertua [Datuk Lim Si Cheng]:** Jadi sekarang bil ini di bawah kementerian mana?

**Dato' Paduka Haji Badruddin bin Amiruldin [Jerai]:** Kementerian Pembangunan Wanita, Keluarga dan Masyarakat.

**Timbalan Yang di-Pertua [Datuk Lim Si Cheng]:** Baik.

**Dato' Paduka Haji Badruddin bin Amiruldin [Jerai]:** Yang silap bukan saya, yang silap mereka Tuan Yang di-Pertua.

**Datuk Haji Idris bin Haji Haron [Tangga Batu]:** Tuan Yang di-Pertua, ada kaitan Tuan Yang di-Pertua di mana rumah PPRT ini ada pembangunan keluarga di dalamnya.

**Dato' Paduka Haji Badruddin bin Amiruldin [Jerai]:** Ya, ya.

**Datuk Haji Idris bin Haji Haron [Tangga Batu]:** Jadi kita minta kerjasama di antara Kementerian Pembangunan Wanita, Keluarga dan Masyarakat dengan Kementerian Kemajuan Luar Bandar dan Wilayah.

**Timbalan Yang di-Pertua [Datuk Lim Si Cheng]:** Baik. Itu sebab....

**Datuk Haji Idris bin Haji Haron [Tangga Batu]:** Ada keperluan. Ada kaitannya Yang Berhormat bagi Jerai.

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat bagi Jerai itu sebab semalam semasa Yang Berhormat Setiausaha Parlimen membuat huraian terhadap bil ini Yang Berhormat tidak ikut, tidak dengar.

**Dato' Paduka Haji Badruddin bin Amiruldin [Jerai]:** Itulah Yang Berhormat duduk di luar semalam.

**Timbalan Yang di-Pertua [Datuk Lim Si Cheng]:** Termasuk Yang Berhormat bagi Jerai.

**Dato' Paduka Haji Badruddin bin Amiruldin [Jerai]:** ...[Ketawa] Tidak apa Tuan Yang di-Pertua ya. Jadi Tuan Yang di-Pertua, bil-bil ini kita setuju. Bil-bil yang Tuan Yang di-Pertua dan Setiausaha Parlimen bentang kita setuju, kita terima sudah. Cuma sekarang ini kita hendak mencurahkan bagaimana kaedah-kaedah hendak kita ambil setelah penubuhan-penubuhan dan pindaan-pindaan ini dijalankan mencapai sasaran

matlamatnya. Jadi kalau kami tidak menyuarakan masalah yang timbul ini mungkin pegawai-pegawai kurang arif kerana pegawai-pegawai maklumlah duduk di pejabat, tidak memahami seharian masalah yang kami terima ini. Kami wakil-wakil rakyat ini kami anggap sebagai khidmat kami, ibadat kami di samping kami bekerja sebagai wakil rakyat kerana Tuan Yang di-Pertua saya faham sangat ibu tunggal ini Tuan Yang di-Pertua, saya setuju dengan....

**Timbalan Yang di-Pertua [Datuk Lim Si Cheng]:** Yang Berhormat bagi Kuala Krai.

**Dato' Paduka Haji Badruddin bin Amiruldin [Jerai]:** ...Yang Berhormat bagi Kuala Krai kata tadi dia kata - memang ibu tunggal yang berpendidikan dia boleh *survive* dengan pendidikan yang ada padanya. Ibu tunggal yang tidak ada pendidikan, yang duduk di kawasan luar bandar, yang dibelenggu kemiskinan dia terhuyung-hayang. Sebab itu kadang-kadang saya bersetuju dengan Yang Berhormat bagi Bukit Mertajam kalau mereka *rate* di sana *rate* di sini jumpa GRO *and* PRO...

**Timbalan Yang di-Pertua [Datuk Lim Si Cheng]:** Apa itu *and* PRO?

**Dato' Paduka Haji Badruddin bin Amiruldin [Jerai]:** Tidak, tidak.

**Dato' Seri Diraja Syed Razlan ibni Syed Putra Jamalullail [Arau]:** Dan.

**Dato' Paduka Haji Badruddin bin Amiruldin [Jerai]:** Dan PRO. Jadi kerana mereka tidak ada pendidikan jadi mereka terbawa-bawa atas desakan hidup kerana dia kata macam mana saya hendak pelihara anak saya, suami saya tinggal saya anak lima enam orang. Dan saya biasa Tuan Yang di-Pertua, seorang ibu tunggal datang dia kata Dato' biar saya tidak makan tidak apa Dato' tapi Dato' tolong bagi anak saya makan. Cuba Tuan Yang di-Pertua fikir macam mana perasaan saya. Dia kata dia tidak makan tidak apa tapi bagilah anak dia makan. Bagilah anak dia hidup. Itu rintihan seorang ibu yang ditinggalkan oleh suami untuk membesarkan anak-anak.

Jadi kita ini kadang-kadang berada dalam keadaan yang cukup tertekan kerana kadang kala kita tidak berupaya hendak menolong. Walaupun kerajaan telah memberikan peruntukan tetapi tidak mencukupi dan kadang-kadang betul juga macam Yang Berhormat bagi Bukit Mertajam kata tadi, ibu tunggal ini hendak pergi kerja anak-anak hendak pergi mana? Sampai kadang-kadang saya tanya kak, makcik boleh tidak makcik jahit baju saya hendak cari mesin bagi untuk menjahit cari makan sedikit-sebanyak. Boleh tidak kak buat kuihkah, cucurkah pergi jual. Saya bagilah mesin uli tepungkah apakah, cari daripada kementerian dan sebagainya.

Kita hendak tolong sampai macam itu. Kadang-kadang dia tidak tahu apa. Baru-baru ini datang dua ibu tunggal, anak empat orang. Seorang dua, seorang dua empat. Suami masuk dalam kes dadah. Masuk dalam. Datang teriak anak tidak ada hendak makan hendak pergi sekolah. Macam manalah kita hendak buat? Gaji kita wakil rakyat banyak mana sangat? Setakat mana Tuan Yang di-Pertua? Ini CUEPACS minta dua bulan bonus, kita Ahli Parlimen tidak minta pun bonus. Tidak minta. Kita tidak mahu minta. Hendak bagi kita ambil. Minta tidak? Wakil rakyat, Ahli Parlimen, kita tidak akan minta naik gaji, tidak akan minta bonus, tidak akan minta apa.

**Dato' Seri Diraja Syed Razlan ibni Syed Putra Jamalullail [Arau]:** Kalau bagi ambil.

**Dato' Paduka Haji Badruddin bin Amiruldin [Jerai]:** Kalau bagi kita ambil...  
[*Dewan gamat dengan ketawa*]

CUEPACS mintalah. Kita tidak mahu. CUEPACS mintalah. Kita ini biarlah kita susah ibarat Yang Berhormat bagi Tangga Batu kata tadi Tuan Yang di-Pertua sebenarnya bukan setakat ibu tunggal yang kain selimut pendek, wakil rakyat ini pun kain selimut pendek. Tarik atas kaki sejuk, tarik bawah badan sejuk. Kalau tarik semua mampus....  
[*Ketawa*]

Siapa tahu Tuan Yang di-Pertua. Kami pun kadang-kadang nasib macam ibu tunggal juga, susah. Tapi datang Parlimen hendak kena pakai *coat*. Pakailah *coat*. Tidak

pakai tidak boleh masuk, peraturan. Susah juga, tetapi tidak apa. Kesusahan kita ini kadang-kadang boleh juga kita makan, boleh juga kita rehat dan sebagainya tetapi kesusahan yang sebenarnya Tuan Yang di-Pertua, Tuan Yang di-Pertua sendiri sebagai wakil rakyat, harus dibela anak-anak ini. Sebab itulah Tuan Yang di-Pertua, kalau kita buat taman-taman asuhan, kelas-kelas asuhan setiap Parlimen ataupun setiap Dewan Undangan Negeri dibantu oleh NGO, dibantu oleh syarikat swasta ditokok tambah oleh kerajaan..., budak-budak ini Tuan Yang di-Pertua....

**Timbalan Yang di-Pertua [Datuk Lim Si Cheng]:** Yang Berhormat, hendak gulung atau hendak sambung nanti. Boleh gulung Tuan Yang di-Pertua? Lagi dua minit saya gulung.

**Dato' Paduka Haji Badruddin bin Amiruldin [Jerai]:** Baik, baik. Jadi budak-budak ini kita asuh. Asuh dengan pendidikan agama, asuh dengan pendidikan asuh dengan segala-galanya dan budak-budak ini akan jadi pembela kepada kemiskinan emak bapak mereka. Mereka akan berjaya dalam pelajaran, mereka akan menjadi warganegara yang bertanggungjawab dan orang yang susah selalunya akan tahu mengenang dan membalas budi kerana dia berjaya di atas perjuangan kesusahan suatu ketika dahulu.

Tuan Yang di-Pertua, saya menyokong bil ini. *Director General* bukan *director general*, janji buat kerja sudah tetapi fikirilah kemiskinan ini harus kita tebus. Kalaupun penderitaan berlaku di Lebanon dan juga di Palestin, penderitaan di luar bandar ibu-ibu tunggal ini pun senasiblah dengan mereka yang harus kita bela bersama.

Akhirnya sebelum saya gulung dan lipat Tuan Yang di-Pertua, saya mahu sekali lagi badan-badan dan syarikat-syarikat yang berjaya ini ahli-ahli lembaga pengarahnya dan pengerusi-pengerusinya mempunyai perasaan dan kasih sayang kepada rakyat yang dirundung malang di dalam negara yang maju ini. inilah harapan saya dan ini jugalah harapan Ahli-ahli Parlimen yang lain yang ada supaya tolonglah hulur kepada yang memerlukan. Sekian saya menyokong Tuan Yang di-Pertua.

**Timbalan Yang di-Pertua [Datuk Lim Si Cheng]:** Yang Berhormat bagi Sabak Bernam.

**1.01 ptg.**

**Dato' Haji Mat Yasir bin Haji Ikhsan [Sabak Bernam]:** Terima kasih Tuan Yang di-Pertua. Sabak Bernam ingin turut sama dalam perbincangan ini....

**Timbalan Yang di-Pertua [Datuk Lim Si Cheng]:** Baiklah.

**Dato' Haji Mat Yasir bin Haji Ikhsan [Sabak Bernam]:** ....Menyokong pindaan kepada Akta Penduduk dan Pembangunan Keluarga.

**Timbalan Yang di-Pertua [Datuk Lim Si Cheng]:** Yang Berhormat, nantilah boleh sambung.

**Datuk Haji Idris bin Haji Haron [Tangga Batu]:** Penjelasan.

**Dato' Haji Mat Yasir bin Haji Ikhsan [Sabak Bernam]:** Terima kasih, saya akan sambung selepas ini.

**Timbalan Yang di-Pertua [Datuk Lim Si Cheng]:** Belum *start* lagi sudah minta penjelasan. Nanti tanyalah. Baiklah Ahli-ahli Yang Berhormat dengan ini saya tempohkan mesyuarat ini sehingga jam 2.30 petang.

**Mesyuarat dtempohkan pada pukul 1.03 petang.**

**Mesyuarat disambung semula pada pukul 2.30 petang.**

[Timbalan Yang di-Pertua [Datuk Dr. Yusof bin Yacob] **mempengerusikan Mesyuarat]**

**Timbalan Yang di-Pertua [Datuk Dr. Yusof bin Yacob]:** Ahli-ahli Yang Berhormat Dewan bersidang semula. Yang Berhormat bagi Sabak Bernam, sila sambung ucapan.

**2.32 ptg.**

**Dato' Haji Mat Yasir bin Haji Ikhsan [Sabak Bernam]:** *Bismillahi Rahmani Rahim. Assalamualaikum warahmatullahi wabarakatuh*, salam sejahtera. Tuan Yang di-Pertua, saya bangun untuk mengucapkan syabas dan tahniah kepada kementerian yang telah mengatur pindaan kepada Akta Penduduk dan Pembangunan Keluarga ini yang pastinya bertujuan untuk memantapkan dan meningkatkan lagi perkhidmatannya.

Saya sebenarnya telah pun memberikan beberapa pandangan dalam beberapa pencelahan yang saya telah buat supaya kementerian ini memberikan perhatian untuk mewujudkan di peringkat daerah sebuah majlis yang dinamakan Majlis Pembangunan Keluarga Daerah.

Jadi ini saya cadangkan kerana saya dapati bahawa di peringkat daerah telah ada satu Majlis Tindakan Daerah di mana semua jabatan diwakili tetapi kita dapati perbincangan, perbahasan, penjelasan yang diberikan lebih banyak tertumpu pada aspek pembangunan fizikal iaitu tentang infra jalan raya, perparitan, saliran, jambatan dan seumpamanya kurang sekali berkaitan dengan masalah pembangunan insan, manusia padahal kementerian ini sebenarnya, seharusnya menjadi pihak yang di hadapan untuk membicarakan tentang masalah keluarga kerana pada ketika ini sebenarnya kita ini hidup dalam zaman *stress*, kita hidup dalam zaman tekanan, apa sahaja telah menyebabkan tekanan.

**Datuk Rosli bin Mat Hassan [Dungun]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Yang Berhormat, Dungun bangun.

**Dato' Haji Mat Yasir bin Haji Ikhsan [Sabak Bernam]:** Sekejap lagi Yang Berhormat, bagi saya selesai ayat ini nanti ayat tidak habis tergantung ini tidak dapat difahami. Jadi daripada pagi ini ataupun dalam majlis ini sendiri kita dapati bahawa penghujahan kita sebenarnya telah menimbulkan berbagai-bagai *stress* dan ketegangan. Ini sebenarnya sangat penting bila kita bercakap dalam konteks keluarga pada ketika ini yang menghadapi berbagai-bagai cabaran hidup yang seharusnya memerlukan bimbingan yang terbaik daripada kementerian ini khususnya. Silakan sahabat saya dari Dungun.

**Datuk Rosli bin Mat Hassan [Dungun]:** Terima kasih sahabat saya. Tuan Yang di-Pertua berkenaan cadangan penubuhan Majlis Pembangunan Keluarga, saya rasa ini telah dilaksanakan oleh kerajaan iaitu Majlis Pembangunan Keluarga dan Masyarakat yang dinamakan MAYANG, yang dilancarkan oleh Yang Amat Berhormat Perdana Menteri serentak dengan pelancaran yang dilantiknya ialah Ahli-ahli Parlimen baru-baru ini dan banyak program bulanan dan tahunan yang dapat dilaksanakan melalui MAYANG, yang dapat diperkenalkan oleh kementerian. Apakah Yang Berhormat bersetuju supaya kita memberi fokus kepada pembangunan keluarga ini dalam program-program dan juga dasar-dasar MAYANG yang telah diperkenalkan oleh kerajaan? Terima kasih.

**Dato' Haji Mat Yasir bin Haji Ikhsan [Sabak Bernam]:** Terima kasih Yang Berhormat bagi Dungun. Saya sebenarnya menjurus ke arah itu. Jadi seperti yang telah dinyatakan saya terus hendak mempersetujui agar MAYANG ini dipertingkatkan tarafnya menjadi Majlis Pembangunan Keluarga Daerah, di mana di dalam organisasi itu diletakkan di situ wakil-wakil ataupun Ketua-ketua Jabatan daripada Jabatan Pelajaran, dari Jabatan Belia, daripada Jabatan Agama begitu juga daripada Jabatan Polis, daripada AADK ataupun jabatan-jabatan yang dikaitkan khusus dalam program membangunkan keluarga.

Kalau saya ingin memberikan contoh umpamanya dalam konteks masalah sosial dadah, kita dapati dalam Majlis Tindakan Daerah sendiri agenda yang penting ini hampir tidak pernah dibicarakan.

**Datuk Haji Idris bin Haji Haron [Tangga Batu]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Yang Berhormat, Tangga Batu bangun, hendak bagi jalan?

**Dato' Haji Mat Yasir bin Haji Ikhsan [Sabak Bernam]:** Sila, Tangga Batu.

**Datuk Haji Idris bin Haji Haron [Tangga Batu]:** Macam tidak bagi sahaja. Terima kasih Tuan Yang di-Pertua, terima kasih Yang Berhormat bagi Sabak Bernam. Saya suka '*recap*' balik apa yang Yang Berhormat bagi Sabak Bernam sebut tentang penubuhan Majlis Kebajikan Peringkat Daerah umpamanya MAYANG tadi. Saya dapati Kementerian telah melakukan satu inisiatif yang baik di mana melantik Ahli-ahli Parlimen mengikut Parlimen. Jadi kenapa perlu ada di peringkat daerah sedangkan kita sudah ada satu unit di peringkat Parlimen dan Ahli Parlimen memainkan peranan yang penting.

Jadi ini perlu diperhalusi kerana sebagai contoh ada daerah yang mempunyai dua tiga Parlimen di dalamnya. Jadi saya khuatir nanti peranan dan tanggungjawab pejabat daerah tadi itu akan mengatasi peranan dan tanggungjawab yang telah diletakkan di atas bahu Ahli Parlimen. Cuba Yang Berhormat lihat benda ini secara perhalusi perkara ini. Terima kasih.

**Dato' Haji Mat Yasir bin Haji Ikhsan [Sabak Bernam]:** Terima kasih Yang Berhormat bagi Tangga Batu. Dari segi pelaksanaannya, sebenarnya kita memang wajar menghalusi. Hanya tadi saya memberikan suatu perbandingan di mana di peringkat daerah itu ada satu Majlis Tindakan yang dianggap tertinggi, Majlis Tindakan Daerah. Apabila ia bermesyuarat dan nampaknya Majlis Tindakan ini mengadakan mesyuarat setiap bulan sekali sekurang-kurangnya tidak boleh tidak akan diadakan tetapi kita dapati yang dibicarakan di peringkat mesyuarat itu hanyalah perkara-perkara yang berkaitan dengan pembangunan fizikal.

Jadi saya mencadangkan Majlis Pembangunan Keluarga Daerah itu kerana pengkhususannya. Jadi dari segi pelaksanaannya saya ingat saya setuju dengan Yang Berhormat bagi Tangga Batu supaya ia dihalusi tetapi yang saya lihat di situ kepentingan dan keperluannya ialah sebenarnya apabila kita membicarakan mengenai masalah pembangunan insan, insan yang bermasalah, keluarga yang bermasalah. Sebenarnya ia akan mencakupi hampir semua jabatan yang lain.

**Datuk Ronald Kiandee [Beluran]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Beluran bangun Yang Berhormat.

**Dato' Haji Mat Yasir bin Haji Ikhsan [Sabak Bernam]:** Saya ambil sebagai contoh umpamanya dari segi pelajaran, saya ambil contoh satu dulu Yang Berhormat bagi Beluran, saya ambil contoh. Bila isu ponteng dibicarakan. Sebenarnya dia tidak boleh lari daripada akhirnya ia melibatkan sekolah dan kemudian dia melibatkan institusi keluarga, dan juga dia tidak boleh lari daripada institusi, organisasi di peringkat akar umbi umpamanya kampung, penghulunya ataupun ketua kampungnya. Jadi kalau ini dapat diadakan, majlis ini dapat diadakan aspek mengenai keluarga itu dapat dibicarakan secara lebih menyeluruh kerana kita dapati sering kali kita membicarakan tentang masalah, kita membicarakan bukan punca masalah.

Saya ambil punca pelajar ponteng. Sebenarnya pelajar ponteng itu masalahnya bukan ponteng, punca masalah sebenarnya besar kemungkinannya di rumah dan di rumah pula punca masalah itu mungkin masalah ekonomi. Bila ia berkaitan dengan masalah ekonomi, maka saya kata kalau di luar bandar jadi Jabatan Pertanian boleh membantu untuk meningkatkan kerjaya dalam keluarga itu. Jadi kita nampak di situ bahawa jika majlis ini dapat diadakan ia akan dapat menyelesaikan masalah keluarga itu secara lebih menyeluruh. Sila sahabat saya Yang Berhormat bagi Beluran.

**Timbalan Yang di-Pertua [Datuk Dr. Yusof bin Yacob]:** Ya, Yang Berhormat bagi Beluran.

**Datuk Ronald Kiandee [Beluran]:** Ya, terima kasih. Apa kelemahan yang tidak boleh dibuat oleh MAYANG ketika ini terpaksa kita wujudkan satu Majlis Pembangunan

Keluarga. Saya risau Tuan Yang di-Pertua kerana trend yang ada sekarang ini apabila ada sesuatu jawatankuasa majlis yang ada di daerah lebih kerap daripada tidak pengerusi majlis akan dilantik di kalangan pegawai daerah. Itu merupakan trend yang berlaku, dadah - pegawai daerah; hal ehwal pengguna - pegawai daerah; jawatankuasa-jawatankuasa yang lain - pegawai daerah; akhirnya pegawai daerah dibebani dengan tugas yang terlalu banyak.

Saya melihat MAYANG rupanya ketika ini dengan pendekatan oleh kementerian yang ada skop kerja, tanggungjawab yang dilaksanakan itu boleh dibuat melalui MAYANG dan kita nampak ianya berkesan pada peringkat daerah. Pada ketika ini mungkin jika dalam konteks yang lebih besar, perlu pengawalan yang lebih besar, tanggungjawab lebih besar mungkin lebih banyak pendekatan dan mekanisme yang teratur perlu diperbaiki. Saya ingin penjelasan daripada Yang Berhormat.

**Datuk Mohamed Razali bin Che Mamat [Kuala Krai]:** Boleh saya sambung mengenai dengan perkara yang sama. Saya sambung mengenai dengan MAYANG juga sedikit sahaja, Tuan Yang di-Pertua.

**Timbalan Yang di-Pertua [Datuk Dr. Yusof bin Yacob]:** Ya,. hendak bagi jalan Yang Berhormat.

**Dato' Haji Mat Yasir bin Haji Ikhsan [Sabak Bernam]:** Ya.

**Datuk Mohamed Razali bin Che Mamat [Kuala Krai]:** Ini pun berkaitan dengan itu masa saya berucap tadi, saya telah menyebut supaya ini dilaksanakan di peringkat Parlimen dan saya telah pun memulakannya. Umpamanya di negeri Kelantan, kalau kita daerah situ, kerajaannya Kerajaan PAS. Jadi kalau Parlimen ini kita boleh meneruskan kepada Parlimen. Jadi lebih sesuai saya rasa dan kita minta perbanyakkan peruntukan itu.

Dan adakah Yang Berhormat bersetuju dengan pendapat saya tadi supaya dapat tambahan daripada MAYANG ini dan kita teruskan dengan perancang keluarga ini yang mana kita boleh kenal pasti, bersekali dengan jawatankuasa yang ada. Terima kasih.

**Dato' Haji Mat Yasir bin Haji Ikhsan [Sabak Bernam]:** Terima kasih Yang Berhormat bagi Beluran dan Kuala Krai. Saya sebenarnya hendak memberikan pemantapan kepada agenda pembangunan keluarga. Jadi kalau dirasakan MAYANG itu sudah cukup mantap dan berkesan, memang ada kewajaran untuk MAYANG itu diteruskan. Itu pandangan saya. Hanya saya bercakap dalam konteks Majlis Pembangunan Keluarga Daerah itu, saya cuba bandingkan dengan satu majlis yang saya kata tertinggi di peringkat daerah iaitu Majlis Tindakan Daerah yang sepatutnya itu menjadi penentu kepada program dan aktiviti di peringkat daerah, supaya ia dijadikan satu entiti yang akan mengukuhkan.

Jadi saya tidak akan menyanggah ataupun tidak bersetuju dengan beberapa pandangan yang diberikan, hanya saya akan kepada kementerian supaya apa yang sedia ada itu dimantapkan. Hanya dalam konteks Majlis Tindakan Keluarga Daerah itu, saya melihat itu sebagai skop yang lebih besar yang ada kaitan pula nanti dengan suatu peruntukan khusus mungkin perlu diberikan kepada majlis ini yang akan dapat memudahkan lagi program dan aktiviti di peringkat daerah itu diadakan.

Malah melalui majlis ini sebenarnya, saya ingin mencadangkan satu lagi perkara untuk kementerian ini supaya masalah keluarga ataupun keluarga yang bermasalah di satu-satu daerah itu ataupun di satu-satu kawasan Parlimen itu supaya skopnya di kecilkan. Selesaikan masalah kebajikan masalah keluarga mengikut unit kecil. Unit kecil kampung ataupun unit kecil taman. Kalau boleh umpamanya melalui di dalam satu-satu daerah ini disediakan.....

**Tuan Mohamad Shahrudin bin Osman [Lipis]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Yang Berhormat Lipis bangun Yang Berhormat.

**Dato' Haji Mat Yasir bin Haji Ikhsan [Sabak Bernam]:** Sekejap lagi Lipis. Diwujudkan satu *database* mengenai keluarga yang bermasalah dengan masalah dia mengikut kampung. Dan apabila perkara ini hendak diselesaikan, maka kita ada satu graf

bulanan mengikut kampung itu, apakah yang telah berjaya diselesaikan ataupun sebaliknya. Silakan Yang Berhormat Lipis.

**Tuan Mohamad Shahrum bin Osman [Lipis]:** Terima kasih Tuan Yang di-Pertua, terima kasih Yang Berhormat bagi Sabak Bernam. Jadi selain permasalahan dalam keluarga ini sebenarnya kesan daripada keadaan sosial yang meningkat dan sebagainya. Jadi, bagi saya selain daripada penubuhan Majlis Keluarga yang dicadangkan oleh Yang Berhormat tadi, elok juga di peringkat Pejabat Kebajikan Masyarakat Daerah ini diwujudkan atau diperbanyakkan jawatan-jawatan kaunselor yang boleh pergi ke merata-rata tempat atau ke dalam DUNkah, peringkat mukim kah, mungkin satu mukim satu kah, yang boleh menyelaras dan memberi bimbingan dan kaunseling kepada keluarga-keluarga yang bermasalah. Yang penting bagi saya ialah kaunselor yang khusus tentang keluarga jangan kaunselor yang fokus pada industri diletakkan di situ. Macam mana Yang Berhormat?

**Dato' Haji Mat Yasir bin Haji Ikhsan [Sabak Bernam]:** Saya setuju dengan pandangan dan cadangan daripada Yang Berhormat bagi Lipis, malah lebih jauh daripada itu seperti yang saya katakan tadi apabila kita dapat meneliti mengikut unit sesebuah kampung itu, permasalahan dan keluarga yang bermasalah maka seharusnya kementerian ini menyediakan, kalau perlu kaunselor untuk pergi ke keluarga ini ataupun ke kampung-kampung ini untuk menyelesaikan masalah. Dalam konteks kaunselor ini sendiri pun saya ingin supaya kementerian memberikan perhatian. Kalau boleh, berikan ruang kepada kaunselor-kaunselor di peringkat sekolah yang biasanya mempunyai latihan tiga tahun, jadi dia seorang profesional. Dan kalau boleh kementerian ini memberikan perhatian kepada kaunselor-kaunselor yang pencen tetapi sebenarnya masih lagi boleh aktif dalam perkhidmatan.

Kerana saya dapati, daripada pengalaman sendiri menyelesaikan masalah salah guna dadah ini khususnya dalam konteks pemulihan, mereka ini menjadi begitu efektif ataupun berkesan kerana pengalaman mereka itu. Jadi sama ada mereka ini akan diletakkan dalam satu kerjaya yang tetap ataupun sambil sahaja, saya ingat ini boleh difikirkan. Kerana yang penting sekali bagi saya ialah mereka adalah profesional.....

**Dato' Firdaus bin Harun [Rembau]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Rembau bangun Yang Berhormat, hendak bagi jalan?

**Dato' Haji Mat Yasir bin Haji Ikhsan [Sabak Bernam]:** ...Mereka adalah profesional dan boleh melaksanakan kerja mereka dengan cukup berkesan.

**Timbalan Yang di-Pertua [Datuk Dr. Yusof bin Yacob]:** Rembau, Rembau.

**Dato' Haji Mat Yasir bin Haji Ikhsan [Sabak Bernam]:** Silakan Rembau dahulu.

**Dato' Firdaus bin Harun [Rembau]:** Terima kasih Tuan Yang di-Pertua, terima kasih sahabat saya Yang Berhormat bagi Sabak Bernam. Berhubung dengan kaunselor tadi, apa pandangan Yang Berhormat jika pemimpin-pemimpin masyarakat seperti para imam, selain daripada guru-guru sekolah dan juga ketua-ketua kampung, kita bagi dia latihan yang asas mengenai kaunseling. Supaya dengan ini mereka juga dapat membantu meringankan kaunselor yang profesional bagi memberi kaunseling kepada anak-anak buah mereka. Dan dengan cara ini mungkin dapat mengurangkan masalah-masalah sosial yang ada di kalangan masyarakat sekarang ini. Apa pandangan Yang Berhormat bagi Sabak Bernam?

**Dato' Haji Mat Yasir bin Haji Ikhsan [Sabak Bernam]:** Saya sangat bersetuju dengan pandangan dengan Yang Berhormat bagi Rembau agar kemahiran kaunseling ini diberikan kepada semua peringkat pimpinan tetapi saya ingin menyatakan bahawa aspek kemahiran kaunseling ini sebenarnya sudah sedia ada kepada ibu bapa. Sebab aspek kasih sayang, bagaimana menyayangi anak bagaimana memberikan pada anak sebenarnya sudah ada tetapi saya bersetuju supaya pimpinan kita mungkin ada satu pemugaran, ada satu bimbingan yang khusus untuk membantu anak ataupun anak orang lain dalam konteks kaunseling ini. Silakan Yang Berhormat bagi Lipis.

**Tuan Mohamad Shahrum bin Osman [Lipis]:** Tuan Yang di-Pertua jadi menyambung lagi tadi. Kita berkehendakkan kalau boleh kaunselor itu seorang kaunselor yang terlatih dan berkemahiranlah, itu yang penting dan berpengalaman kerana kita tidak hendak nanti salah kaunseling tetapi ada satu lagi bidang yang saya tengok banyak sangat sekarang di Malaysia ini yang mengatakan mereka ini adalah pakar motivasi keluarga ataupun yang mengaku sebagai pakar motivasi keluarga tetapi kadang-kadang mereka memberi ceramah ke sana ke mari dan mengenakan caj yang tinggi pula, tetapi bila kita tengok balik atau amati ceramah itu kadang-kadang ada juga elemen-elemen salah nasihat di dalamnya dan ini boleh memporak-perandakan institusi keluarga. Macam mana pandangan?

**Dato' Haji Mat Yasir bin Haji Ikhsan [Sabak Bernam]:** Tuan Yang di-Pertua, saya ingat setiap kita sebenarnya bertangjawab untuk memastikan keamanan dan kedamaian di kawasan kita. Saya menyarankan kalau boleh daripada Yang Berhormat bagi Lipis, kalau kita dapat kesan orang macam ini, kita patut membantu pihak kerajaanlah untuk melaporkannya dan mengambil tindakan. Bila saya menggunakan istilah mengambil tindakan ini begini, bukan mesti kita kenakan hukuman kepada mereka. Mereka ini mungkin memerlukan satu kaunseling yang berbeza. Kerana saya dapati ramai pakar motivasi ini sebenarnya memang mereka boleh memberikan motivasi boleh memberikan perangsang untuk menggerakkan seseorang itu. Hanya kalau di sana sini ada kesilapan, mungkin kita harus perbetulkan.

Saya ingin mengambil contoh Tuan Yang di-Pertua ini motivasi daripada Agensi Antidadah Kebangsaan (AADK) ini. Bila kita cuba memberikan penerangan mengenai hal dadah ini, Kempen Antidadah ini kita harus berhati-hati. Jangan sampai kita buat pameran dan kita perelaskan pula setiap jenis dadah itu sebenarnya mempunyai keistimewaan dan kekuatan yang tertentu. Ini boleh menjadi satu kempen yang menimbal balas maknanya kena balik kita, saya tidak payah susah. Pada kira-kira dua bulan yang lepas sebenarnya saya sendiri berada di Kota Kinabalu mendengar satu ceramah daripada seorang profesional yang menyatakan bahawa dadah jenis baru ini *designer drugs, party drugs* ini memang sangat hebat. Ini sangat berbahaya dan ini saya perlu diambil kira dalam konteks kes-kes tertentu. Saya bersetuju.

Tuan Yang di-Pertua saya sebenarnya tidak diberi masa yang begitu panjang. Saya hendak khususnya kepada apa yang saya hendak cadangkan kepada kementerian ini dalam konteks penambahbaikan. Jadi selain daripada cadangan-cadangan yang telah saya berikan saya rasa sudah sampai masanya kementerian ini menyediakan satu buku panduan keibubapaan, kemahiran keibubapaan kepada setiap keluarga khususnya keluarga yang bermasalah ataupun yang berisiko untuk menghadapi masalah di sesebuah kampung ataupun di mana sahaja.

Sediakan sebuah buku contoh kalau kita boleh menyediakan buku seperti ini, Islam Hadhari umpamanya ataupun beberapa buku yang lain seperti *tape* ataupun pita sebelas siri *Anak Mithali* oleh Ustazah Siti Norbayah ini, kenapa tidak kementerian menyediakan satu bentuk buku panduan ataupun pita yang memberikan panduan kepada sesebuah keluarga itu untuk melahirkan keluarga yang bahagia.

Mungkin antara perkara-perkara yang harus ada di dalamnya ialah berkaitan dengan kesihatan, berkaitan dengan amalan makanan dan pemakanan. Itu satu. Yang kedua pastinya berkaitan dengan bimbingan pelajaran, jadual waktu belajar, penggunaan masa kepada seseorang anak bagi seseorang keluarga dan tidak kurang penting di situ pastinya perlu ditegaskan tentang kepentingan ibu bapa itu sendiri sebagai contoh yang terbaik kepada anak dia....

**Dr. Rozaidah binti Talib [Ampang]:** [Bangun]

**Timbalan Yang di-Pertua [Datuk Dr. Yusof bin Yacob]:** Ya, Ampang. Yang Berhormat hendak bagi jalan?

**Dato' Haji Mat Yasir bin Haji Ikhsan [Sabak Bernam]:** Sahabat saya daripada Ampang, dia baru datang ke Sabak Bernam. Silakan.

**Dr. Rozaidah binti Talib [Ampang]:** Terima kasih Tuan Yang di-Pertua, terima kasih Yang Berhormat bagi Sabak Bernam. Saya meneliti ucapan Yang Berhormat dan saya melihat Yang Berhormat telah menyentuh banyak perkara termasuklah peranan masing-masing pihak untuk memantapkan institusi keluarga. Saya ingin bertanya pandangan Yang Berhormat tentang kes terbaru ini yang mana peranan media yang terlalu menyebar luaskan tentang kisah percintaan Siti Nurhaliza dengan Datuk K, yang mana bagi saya apabila bibit-bibit percintaan mereka berdua ini dibuat sebagai pengetahuan umum apakah ianya tidak menjejaskan perasaan anak-anak, bekas isteri pertama yang mana ia ini sedikit sebanyak akan mempengaruhi keutuhan institusi keluarga. Walaupun mereka telah bercerai kita sangat berharap bahawa hubungan seorang bapa dengan anak tidak akan terjejas. Terima kasih.

**Datuk Bung Moktar bin Radin [Kinabatangan]:** Ya, apa istimewanya sangat Siti?

**Dato' Haji Mat Yasir bin Haji Ikhsan [Sabak Bernam]:** Suara yang akhir itu bukan suara hati saya, ya, Tuan Yang di-Pertua. Itu Kinabatangan. Terima kasih Yang Berhormat bagi Ampang. Itu sebabnya awal tadi saya kata sebenarnya kita ini hidup dalam *stress*, dalam tekanan, dalam ketegangan tetapi *stress* ini berbeza oleh kerana itu berkaitan dengan perkara yang berkaitan. Pagi tadi Sri Gading pun sudah nyatakan. Sebenarnya dia mungkin meluahkan perasaan itu untuk menghilangkan *stress* dia tetapi yang lebih penting ialah bagaimana sebenarnya kita setiap orang khususnya keluarga yang bermasalah ini menghadapi *stress* ini. Ini sangat penting malah sebenarnya kehidupan *stress* ini pada pihak tertentu adalah menghidupkan dia. Tanpa *stress* mungkin hidup dia tidak seronok, dengan adanya *stress* maka hidup dia jadi lebih baik.

**Dato Haji Che Min bin Che Ahmad [Pasir Puteh]:** [Bangun]

**Timbalan Yang di-Pertua [Datuk Dr. Yusof bin Yacob]:** Yang Berhormat Pasir Puteh hendak bagi jalan?

**Dato Haji Che Min bin Che Ahmad [Pasir Puteh]:** Saya tertarik, Yang Berhormat. Menyampuk sedikit. Tuan Yang di-Pertua, terima kasih Ahli-Ahli Yang Berhormat. *Stress is life* dengan izin. *Stress is life, no life without stress*, dengan izin. *Stress* ini penting bagaimana kita hendak monitor - *monitoring* hendak *survive*. Bagi saya kalau kita boleh *survive*, tetapi saya rasalah ini saya duduk Yang Berhormat Ampanglah payah hendak *survive* kalau macam ini. Boleh *survive* kalau kita orang lelaki, orang perempuan tidak boleh *survive*. Jadi bagi saya setuju atau tidak Yang Berhormat bagi Tanjong Karang, kalau boleh kita wujudkan suatu ...

**Timbalan Yang di-Pertua [Datuk Dr. Yusof bin Yacob]:** Sabak Bernam, Yang Berhormat.

**Dato Haji Che Min bin Che Ahmad [Pasir Puteh]:** Ha, Sabak Bernam. Minta maaf. Wujud atau tidak - kita tadi, kita sudah ada jawatankuasa-jawatankuasa peringkat daerah ini banyak. Bagi saya yang paling pentingnya bagaimana kita hendak gabung jalinan antara *head-federal* dengan *state-ederal*, dengan ketua-ketua jabatan persekutuan, ketua-ketua jabatan negeri supaya gabung jalin tenaga tadi bagaimana hendak wujudkan satu yang dikatakan....

**Datuk Bung Moktar bin Radin [Kinabatangan]:** Antiklimaks!

**Dato Haji Che Min bin Che Ahmad [Pasir Puteh]:** Ya? Hendak wujud satu keluarga bahagia tadi, maka kita kena ambil kira juga *database* yang disebut oleh Yang Berhormat itu saya sudah sebut lama sudah. Bertahun-tahun saya sebut kenapa tidak jadi. Kita mesti cakap mesti jadi.... [Membaca sepotong ayat Al-Quran] Minta maaf. Lebih besar cakap ini tidak buat kemurkaan Allah lebih besar. Kalau kita cakap lain buat lain. Setuju atau tidak kita wujudkan betul-betul... [Membaca sepotong ayat Al-Quran].

**Dato' Haji Mat Yasir bin Haji Ikhsan [Sabak Bernam]:** Saya pada dasarnya setuju. Kita hendak wujudkan negara... [Berucap dalam bahasa Arab] Okey, saya setuju. Saya hendak kembali kepada hendak menjawab mungkin secara langsung ataupun mungkin tidak langsung. Saya pergi ke Subang Jaya pagi tadi dan saya telah melalui satu

*billboard* yang telah menarik perhatian saya. Di situ diletakkan dengan izin Tuan Yang di-Pertua, *the art of living*. Ini kalau diterjemahkan dalam bahasa kita ini sebenarnya bagaimana? Seni cara hidup? Jadi satu yang ditekankan di situ ialah – *survival*. Jadi maknanya kita dalam hidup ini sebenarnya kena mempunyai suatu kekuatan yang tersendiri untuk *survive*, dengan izin, tetapi yang saya hendak kaitkan terus mengenai perkara ini kepada kementerian ialah boleh ataupun tidak diwujudkan suatu organisasi *online*.

Apabila seseorang itu menghadapi masalah umpamanya dia boleh sama ada menelefon ataupun menggunakan *internet* untuk mengurangkan masalah *stress* pada diri dia, boleh atau tidak? Saya ingin berikan contoh. Umpamanya bila seorang ibu, seorang penjaga merujuk kepada kita mengenai anak dia baru dia ketahui terjebak dalam dadah dia rujuk pada kita, agaknya apa yang kita buat? Kita harus ada organisasi ini.

Kalau saya bukanlah kita terus rujuk pada polis biasa ini urusan polis, tidak. Ibu baru menemui, mengetahui anak dia terjebak dadah dia rujuk pada kita, kita pula rujuk anak dia kepada polis. Saya ingat ini satu perkara yang tidak betul. Kita harus ada satu agensi di mana kaunselor memainkan peranan. Dan saya berharap dalam konteks *stress* dalam hidup keluarga yang bermasalah ini supaya kementerian ini boleh menubuhkan satu agensi *online* di mana mereka yang bermasalah itu boleh terus merujuk melalui *online* ataupun telefon ataupun *internet*; ataupun pada tahap tertentu menemui pihak-pihak tertentu untuk mengatasi masalah mereka.

Tuan Yang di-Pertua saya tadi menyebut tentang buku panduan yang saya anggap sangat penting, buku panduan yang mudah yang memberitahu kepada ibu bapa tentang kemahiran kekeluargaan. Tuan Yang di-Pertua saya hairan saya telah mengadakan satu pertemuan dengan kumpulan guru besar di Genting Highlands. Satu yang saya tanya dengan mereka ialah bahasa kasih sayang, bahasa yang boleh memberikan motivasi dengan bahasa yang tidak memberi motivasi.

Maksudnya begini, apakah antara istilah-istilah kalau kita gunakan kepada anak kita maka mereka akan begitu bersemangat? Maka mereka sebut satu baik, satu lagi bagus. Lagi? Susah mereka hendak cari tetapi secara perlahan-lahan ada juga menyebut hebat, cantik tetapi apabila saya tanya cuba cari istilah kalau kita gunakan maka mereka memang lemah semangat lemah jadinya. Apa yang disebut, sederet datang, bodoh, gila, hantu dan sebagainya. Begitu banyak, begitu mudah. Jadi dalam masyarakat kita ini, Tuan Yang di-Pertua...

**Tuan Mohamad Shahrudin bin Osman [Lipis]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Yang Berhormat bagi Lipis bangun, Yang Berhormat.

**Dato' Haji Mat Yasir bin Haji Ikhsan [Sabak Bernam]:** ...Ini pun perlu diberikan perhatian dan renungan. Ini mungkin boleh masuk dalam buku panduan yang saya sebutkan. Sila Yang Berhormat bagi Lipis.

**Tuan Mohamad Shahrudin bin Osman [Lipis]:** Terima kasih Tuan Yang di-Pertua dan Yang Berhormat bagi Sabak Bernam. Jadi saya bersetujulah dengan buku panduan yang dicadangkan itu dan bahasa yang dicadangkan itu. Apa yang saya harapkan nanti, buku panduan itu ada dalam Bahasa Melayu selain daripada Bahasa Inggeris dan mudah difahami. Jadi bahasa-bahasa kasih sayang dan juga mesti ada dalam Bahasa Melayu. Jadi saya hendak menarik perhatian kepada rang undang-undang ini saya tengok semua pindaannya dalam Bahasa Inggeris.

Akta Penduduk dan Pembangunan Keluarga ini tahun 1966, tajuknya Bahasa Melayu, sudah 40 tahun takkan tidak ada naskhah dalam Bahasa Melayu. Jadi kita berharaplah pihak kementerian ini, cadangan saya mohon sokongan daripada Yang Berhormat bagi Sabak Bernam supaya naskhah Bahasa Melayu itu dijadikan naskhah sah dengan adanya pindaan ini. Macam mana pandangan Yang Berhormat bagi Sabak Bernam?

**Dato' Haji Mat Yasir bin Haji Ikhsan [Sabak Bernam]:** Setuju. Saya terus kepada Yang Berhormat bagi Pontian, sila.

**Timbalan Yang di-Pertua [Datuk Dr. Yusof bin Yacob]:** Ya, Yang Berhormat bagi Pontian, sila.

**Ir. Hasni bin Haji Mohammad [Pontian]:** Tuan Yang di-Pertua, Yang Berhormat bagi Sabak Bernam, buku atau rujukan ini macam-macam sudah kita ada sebenarnya. Tetapi dalam masa yang sama, kita ada satu fenomena, kita ini rakyat tidak suka membaca. Pelbagai buku garis panduan dikeluarkan sama ada dalam Bahasa Melayu, dalam Bahasa Inggeris, kita menghadapi masalah masyarakat yang tidak membaca. Bagaimana kita hendak atasi perkara yang begitu? Itu yang pertama, Yang Berhormat.

Yang keduanya, setelah kita ada buku panduan yang begitu lengkap yang mengambil kira unsur-unsur dan juga pendekatan-pendekatan yang terkini sama ada dalam Bahasa Melayu mahupun Bahasa Inggeris, penyampainya pula, Yang Berhormat. Misal kata kita hendak berhadapan dengan keluarga ataupun ketua keluarga yang usianya sudah lanjut. Ini sekarang masalah dalam keluarga ini bukannya soal suami isteri yang baru mendirikan rumah tangga. Kadang-kadang yang sudah 20 tahun mendirikan rumah tangga pun bermasalah.

Itu bererti bahawa mungkin usia mereka orang kata sudah warga emas tetapi menghadapi masalah keluarga. Maka dalam keadaan itu kena pula pegawai kita baru lulusan keluar universiti, keluar pusat-pusat latihan, tidak sesuai walau elok mana pun buku panduan yang kita keluarkan tetapi kalau misal kata pegawainya itu tidak meyakinkan, kita tidak meletakkan orang yang sesuai untuk melaksanakan hasrat dan juga niat murni buku panduan yang kita lahirkan. Itu bagaimana, Yang Berhormat, kita hendak mengatasi masalah yang seumpama ini? Terima kasih.

**Dato' Haji Mat Yasir bin Haji Ikhsan [Sabak Bernam]:** Terima kasih Yang Berhormat bagi Pontian. Salah satu daripada catatan saya ini menyentuh tentang kepimpinan di pelbagai peringkat, khususnya di peringkat organisasi. Tadi kita ada sebut mengenai Majlis Pembangunan Keluarga Daerah. Kita sudah ada "MAYANG". Begitu juga saya ada sebut mengenai keperluan untuk kita menyelesaikan masalah kebajikan ini ataupun maksudnya warga emas kah, anak-anak bermasalah kah, maknanya mengikut kampung.

Jadi yang terpenting di sini saya setuju dengan Yang Berhormat bagi Pontian ialah kepimpinan di semua peringkat itu yang akan menggerakkan jentera pelaksanaan ini. Saya ambil contoh dalam konteks buku panduan ini tadi. Memang benar saya kena bersetuju bahawa masyarakat kita sebenarnya tidak peka malah leka berkaitan dengan budaya ilmu. Saya hendak mengajak Yang Berhormat pergilah ke mana-mana rumah sama ada di kampung ataupun di mana, cuba tanya kepada mereka "Sudut Membaca", "Sudut Buku" atau "Sudut Ilmu", susah kita hendak dapat sudut-sudut ini, tetapi sudut pameran barang-barang, mungkin adalah. Tetapi sudut ilmu memang tidak ada.

Jadi sempena Yang Berhormat bagi Pontian sebutkan, saya ingat pihak kerajaan, khusus daripada Kementerian Pembangunan Wanita dan Keluarga ini mungkin boleh mengambil inisiatif untuk memastikan bahawa perkara ini dilaksanakan. Maknanya apabila buku panduan ini disediakan, maka ada satu unsur untuk memantau bahawa buku ini bukan sahaja ada tetapi diikuti. Ini harus diikuti mungkin dengan pelbagai media yang lain untuk memastikan bahawa masyarakat itu peka. Contoh, selain daripada buku itu, mungkin perlu diadakan satu bentuk atau satu carta dalam bentuk poster yang diletakkan di rumah itu. Itu satu.

**Datuk Haji Idris bin Haji Haron [Tangga Batu]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Ya, Yang Berhormat bagi Tangga Batu, Yang Berhormat.

**Dato' Haji Mat Yasir bin Haji Ikhsan [Sabak Bernam]:** Yang keduanya seperti saya sebut seperti pita ini tetapi pita ini mungkin kurang berkesan. Mungkin kerana ada video korporat di mana sekarang ini di hampir setiap rumah sudah ada VCD, DVD dan seumpamanya. Ini akan menggerakkan masyarakat itu. Itu saya hanya memberikan pandangan dalam konteks...

**Timbalan Yang di-Pertua [Datuk Dr. Yusof bin Yacob]:** Yang Berhormat bagi Tangga Batu, Yang Berhormat, hendak bagi jalan?

**Dato' Haji Mat Yasir bin Haji Ikhsan [Sabak Bernam]:** ...Menggerakkan keluarga itu. Sila Yang Berhormat. Nanti dahulu, Tuan Yang di-Pertua, saya ini sebenarnya diberi berapa banyak masa.

**Timbalan Yang di-Pertua [Datuk Dr. Yusof bin Yacob]:** Tidak apa, Yang Berhormat, cakap dahulu Yang Berhormat.

**Dato' Haji Mat Yasir bin Haji Ikhsan [Sabak Bernam]:** Terima kasih. Sila Yang Berhormat bagi Tangga Batu.

**Datuk Haji Idris bin Haji Haron [Tangga Batu]:** Terima kasih Tuan Yang di-Pertua, terima kasih Yang Berhormat bagi Sabak Bernam. Saya melihat Yang Berhormat telah menyebut beberapa perkara yang menjadi kata kunci di sini. Pertama, pengurusan tekanan. Yang kedua tentang pengedaran buku-buku. Jadi dari gaya Yang Berhormat bercakap tadi, kita di sini terpaksa meminta kementerian mengenal pasti keluarga-keluarga yang bermasalah untuk kita mengedarkan buku tersebut. Sekali lagi di sini kita bertindak secara reaktif.

Yang Berhormat bagi Sabak Bernam, kita selalu mendengar pepatah orang bercinta menyebut "Kebahagiaan kamu adalah di atas penderitaan orang lain". Sebagai contoh, kebahagiaan Siti Nurhaliza dan Datuk K adalah di atas penderitaan Tengku Zawiyah dan keluarganya.... [Disampuk] [Tepuk] Jadi di sini, Yang Berhormat, saya pohon adakah pihak kerajaan..., Yang Berhormat menyarankan supaya pihak kerajaan menyediakan buku ini untuk semua keluarga. Diterbitkan untuk semua keluarga supaya tindakan secara proaktif boleh dilaksanakan yang mana derita boleh gunakan buku ini untuk kembali bahagia dan yang mana bahagia, teruskanlah kebahagiaan hingga ke anak cucu. Terima kasih Tuan Yang di-Pertua.

**Datuk Bung Moktar bin Radin [Kinabatangan]:** Jawab sekali ya? Saya hendak tanya Yang Berhormat, buku apa lagi yang mahu diterbitkan, risalah apa lagi yang hendak diedarkan. Jelas sudah di televisyen, pengedar dadah boleh dihukum gantung, dihukum mati, lagi banyak dadah datang. Risalah apa lagi yang kita mahu pakai untuk menyelesaikan masalah rakyat? Persoalannya tidak ada kesungguhan daripada pihak pelaksana. Kalau tidak ada *supplier*, tidak ada peminta, tidak ada yang memohon. Selagi ada pengedar, selagi itu ada penagih, pusat serenti bertambah.

Polis telah membuat deklarasi setiap saat meningkat penagih dadah. Risalah apa lagi yang hendak kita pakai? Saya pun kalau ada lagi diwujudkan jawatankuasa khaslah, *ad hoc committee* lah, ini tidak makan lagi dengan negara kita. Pendekatan yang paling baik, transformasi baru kepada masyarakat, kepada pihak penguat kuasa. Kalau penguat kuasa kita leka, selagi itulah masalah ini tidak akan dapat diselesaikan. Yang Berhormat setuju atau tidak?

**Dato' Haji Mat Yasir bin Haji Ikhsan [Sabak Bernam]:** Terima kasih. Sebahagian saya setuju, sebahagian saya tidak setuju.... [Ketawa] Saya hendak mula dengan Yang Berhormat bagi Tangga Batu. Sebenarnya Yang Berhormat bagi Tangga Batu ini meluahkan perasaan dia ke atau meluahkan perasaan orang lain ini?... [Ketawa] Jadi mungkin jawapan saya ada di situlah. Begitu juga kakanda saya, Yang Berhormat bagi Kinabatangan ini.

Jadi sebenarnya kita hendak memberi nilai tambah kepada perkhidmatan kita. Jadi kita jangan terlalu banyak polemik. Sebab yang penting sekali seperti yang ingin saya sarankan ialah dengan adanya buku panduan ini, kita juruskan dahulu kepada mereka yang bermasalah dan saya ada sebut, mereka yang bermasalah, mereka yang berisiko tinggi dahulu kerana sering kali kalau kita lihat dalam kempen, ceramah dan sebagainya yang kita adakan, yang datang ramai itu sebenarnya bukan kumpulan sasar kita. Maaflah dan dengan izinlah, yang sering datang itu sebenarnya orang yang terpaksa datang kerana dipanggil datang. Bukan kumpulan sasar yang sebenarnya.

Jadi, tujuan buku panduan ini ialah untuk mengkhusus kepada kumpulan sasar yang saya sebut, keluarga yang dikenal pasti bermasalah dan berisiko tinggi kalau

dibiarkan untuk bermasalah. Jadi dalam konteks pelaksanaan ini saya bersetujulah supaya Kementerian ini harus mengambil kira tentang pegawai dan kepimpinan.

Saya ingin sebut sendiri kepada Kementerian ini, bahawa di Sabak Bernam ada seorang pegawai kebajikan yang telah ditukarkan tapi tidak diganti. Jadi ini menyebabkan pelaksanaan perkhidmatan jabatan itu terjejas. Dan apabila diminta supaya pegawai yang baru diadakan, dia kata dia rujuk JPA. Boleh tidak saya cadangkan, dalam konteks keperluan ini, kita ramai siswazah menganggur di kawasan kita yang dapat kita kenal pasti sesuai dengan kerja itu, boleh tidak wakil rakyat ini, Ahli Parlimen mencadangkan terus supaya diambil oleh jabatan itu kerana keperluan singkat itu? Di Sabak Bernam sendiri saya ada 25 orang penganggur ataupun siswazah penganggur dengan berbagai-bagai kemahiran. Jadi kalau ini dapat diambil kira, saya sangat bersetuju bahawa dalam konteks pelaksanaan program dan aktiviti ini, kita akan dapat melaksanakan dengan lebih baik.

Tuan Yang di-Pertua, satu lagi cadangan yang ingin saya sarankan ialah supaya Kementerian ini juga menerbitkan buku kisah benar. Saya harap Yang Berhormat bagi Kinabatangan jangan tidak bersetuju dulu. Kisah benar ini begini saya maksudkan, keluarga yang bermasalah dengan bimbingan, dengan panduan telah dapat mengatasi masalah ini. Jadi kita terlalu banyak sangat buku kisah benar yang negatif pada ketika ini yang lebih berbentuk sebagai santapan minda yang mengganggu fikiran. Sangat banyak, tidak perlulah saya sebutkan. Saya tengok Yang Berhormat bagi Lipis mengangguk, saya ingat....

**Datuk Bung Moktar bin Radin [Kinabatangan]:** Saya ingat Yang Berhormat ini *stress*.

**Timbalan Yang di-Pertua [Datuk Dr. Yusof bin Yacob]:** Jangan ganggulah Yang Berhormat.

**Dato' Haji Mat Yasir bin Haji Ikhsan [Sabak Bernam]:** Saya ingat Yang Berhormat yang menimbulkan *stress* lagilah. Saya sebenarnya ingin ringkaskan, dia sebut macam itu, saya jadi panjang lagi nanti. Jadi saya hendak mencadangkan supaya Kementerian ini menerbitkan buku-buku yang mudah, mungkin dengan gambar dan seumpamanya supaya ia tidak membosankan tetapi yang lebih penting ialah kita perlu dengan izin, ada *success story* dalam apa yang kita buat. Jadi seperti yang saya katakan tadi, berdasarkan kepada kampung, berdasarkan pada taman, mungkin Kementerian ini boleh mengisytiharkan bahawa kampung tertentu bebas daripada masalah OKU, bebas daripada masalah dadah, bebas daripada masalah jenayah sosial, bebas daripada masalah lain.

Tuan Yang di-Pertua, yang akhir sekali, saya hendak kembali kepada suatu langkah pihak kerajaan di mana kumpulan pegawai kesihatan termasuk pimpinan di peringkat akar umbi pergi menziarahi orang tua ataupun warga emas di kampung-kampung. Dan kumpulan ini bukan sahaja melaksanakan ujian kesihatan tetapi telah memberikan hadiah ataupun hamper kepada warga emas ini. Saya lihat apabila perkara ini dilaksanakan, orang-orang tua ini yang pada dasarnya telah terpinggir dan tersingkir, bangga mereka. Saya hendak tanya, kenapa kita hendak tunggu pilihan raya baru kita hendak adakan benda ini? Tidak wajarkah umpamanya Kementerian ini mengetuai, mendahului supaya warga emas ini yang biasanya di ceruk-ceruk kampung ini hampir terpinggir bukan sahaja oleh jiran-jirannya tetapi oleh sanak saudaranya.

Saya yakin kalau Kementerian - jabatan ini dapat menganjurkan program ziarah kepada warga emas ini, saya yakin warga emas ini akan bahagia tetapi lebih penting daripada itu warga emas ini akan dapat mendoakan supaya kita lebih bahagia dan sejahtera. Dengan itu, terima kasih, Sabak Bernam menyokong pindaan rang undang-undang ini.

**Timbalan Yang di-Pertua [Datuk Dr. Yusof bin Yacob]:** Ya, Yang Berhormat bagi Pasir Putih.

**3.14 ptg.**

**Dato' Haji Che Min bin Che Ahmad [Pasir Puteh]:** *Assalamualaikum warahmatullahi wabarakatuh*, selamat sejahtera masyarakat Islam Hadhari. Terima kasih Tuan Yang di-Pertua, Ahli-ahli Yang Berhormat kerana saya dapat peluang untuk bangkit bersama-sama membincangkan pindaan Rang Undang-undang Penduduk dan Pembangunan Keluarga (Pindaan) 2006 . Saya *second generation* dengan izin ....

**Datuk Haji Idris bin Haji Haron [Tangga Batu]:** Gen 2, Gen 2...

**Dato' Haji Che Min bin Che Ahmad [Pasir Puteh]:** Gen 2. Hari ini yang tua-tua sudah tidak ada lagi Tuan Yang di-Pertua, kampung-kampung sudah tidak ada lagi yang peringkat seumur, sebaya yang telah memberi contoh dalam tahun 60-an. Ini sudah berubah, oleh kerana era perubahan ini, gelombang besar yang berlaku dalam dunia apabila masuk kepada abad 21. Tiga gelombang besar, satu gelombang globalisasi, tidak ada batas, tidak ada sempadan. Maka inilah yang membawa kita keadaan keluarga kita, tempat tinggal kita berubah tetapi perubahan ini kita perlu menerima, tidak ada siapa boleh menyekat era global ini yang tanpa batas dan sempadan ini. Minta maaf Tuan Yang di-Pertua, bunyi Kelantan sikit sebab saya dok bersyarah Kelantan.

**Timbalan Yang di-Pertua [Datuk Dr. Yusof bin Yacob]:** Kadang-kadang bahasa Inggeris pun macam Kelantan.

**Dato' Haji Che Min bin Che Ahmad [Pasir Puteh]:** Ha, macam Kelantan tapi faham boleh. 'Sluk' dia tu bunyi Kelantan sikit. Jadi globalisasi yang kedua global yang besar ialah masalah ekonomi, global ekonomi dalam dunia. Global yang ketiga ialah global cara hidup, *a way of life* dengan izin. Satu cara hidup kita hendak kepada ala moden, tidak ada lagi cara lama, ini hal penduduk. Dulu kita ada wakaf setiap kampung, dekat rumah bawah pokok ada wakaf. Kita boleh bermain, bergurau senda antara lelaki dan perempuan, tidak berkhawat. Saya ingat umur saya 15 tahun, saya boleh main, bukan main 'benda' itulah.... [Ketawa]

**Datuk Haji Mohamad bin Haji Aziz [Sri Gading]:** Main apa?

**Dato' Haji Che Min bin Che Ahmad [Pasir Puteh]:** Main congkak, main selambut. Ini orang luar tak faham.

**Datuk Haji Mohamad bin Haji Aziz [Sri Gading]:** Main apa tu?

**Dato' Haji Che Min bin Che Ahmad [Pasir Puteh]:** Kita tidak ada main, kita main suka, bukan main 'benda' itu. Jadi ini sekarang ini kita tengok banyak berubah apabila ada tempat-tempat hiburan, dia sudah berubah cara hidup dia, masing-masing ke tempat hiburan....

**Datuk Haji Mohamad bin Haji Aziz [Sri Gading]:** 'Benda' itu apa?

**Dato' Haji Che Min bin Che Ahmad [Pasir Puteh]:** Tersirat, macam Yang Berhormat bagi Ampang kata tadi, tersirat tersurat itu saya tidak sebutlah apa yang tersirat tersurat, kita faham. Jadi tiga global ini, banyak lagi globalisasi yang lain tetapi bagi saya perubahan ini kita kena menerima. Kalau kita tidak menerima, terpaksa diterima. Maka dengan sebab itulah bagi saya untuk membina satu kelompok penduduk yang bahagia tadi bukan dengan ungkapan bahagia... [Membaca sepotong ayat Al-Quran] Satu slogan. "My home, my heaven", satu slogan tetapi yang kita hendak ialah praktikal kerana Islam bukan sahaja, saya bawa pendekatan Islam, minta maaf saudara yang bukan Islam. Perspektif Islam, pendekatan.

Yang Amat Berhormat kata pendekatan prinsip Hadhari ialah penting dalam melaksanakan, menjana wawasan kita RMK-9. Fasal apa? Dia nampak rasuah banyak, selama ini pun banyak rasuah, tidak sampai ke akar umbi, RMK-7, RMK-8 tidak berapa sampai ke akar umbi. Hari ini kita bela bagaimana petani-petani kita nak sampai ke akar umbi. Ini pun saya belum tahu, saya belum tahu sampai atau tidak ke akar umbi walaupun peruntukan ditambah. Inilah dia kita hendak nilai tambah tadi. Kalau kita buat, tidak boleh buat, Tangga Batu minta ....

**Datuk Haji Idris bin Haji Haron [Tangga Batu]:** Terima kasih Tuan Yang di-Pertua, terima kasih Yang Berhormat bagi Pasir Puteh. Yang Berhormat tadi tengah hari beritahu saya Yang Berhormat bangun saja hendak ucap tahniah dan syabas kepada Yang Amat Berhormat Perdana Menteri kerana menjadi contoh keluarga cemerlang. Dia lupa hendak ucap, jadi saya ingatkan dia kerana Yang Amat Berhormat Perdana Menteri pernah menyebut dalam satu temu duga dalam TV, yang tidak pernah meninggikan suara dengan mana-mana ahli keluarganya. Jadi ini adalah satu contoh keluarga yang baik. Baik Yang Berhormat bangun balik, ucap tahniah. Terima kasih.

**Dato' Haji Che Min bin Che Ahmad [Pasir Puteh]:** Saya berterima kasih kepada Yang Berhormat bagi Tangga Batu, itulah... [*Membaca sepotong ayat Al-Quran*] Agama itu nasihat, tegur menegur. Saya hendak ucapkan terima kasih dan syabas, setinggi-tinggi penghargaan kepada Yang Amat Berhormat Perdana Menteri, Dato' Seri Abdullah Haji Ahmad Badawi, Perdana Menteri yang kita amat kasihi kerana melawat Kelantan dua hari, 20, 21 sampai ke Pasir Puteh. Duduk bersama orang kampung, duduk bersama Menteri Besar saya. Ha, Yang Berhormat bagi Tanah Merah senyum!! Menteri Besar kita ada sebelah, Menteri Besar Kelantan, Yang Amat Berhormat Dato' Tuan Guru Nik Aziz. Duduk bersama Perdana Menteri, itulah dia keluarga contoh, *role model*... [*Membaca sepotong ayat Al-Quran*] Hendak apa lagi? Saya pun tidak faham. Yang Berhormat bagi Tanah Merah bangun.. kena bagi.

**Ir Shaari bin Hassan [Tanah Merah]:** Terima kasih Tuan Yang di-Pertua, terima kasih sahabat saya dari Pasir Puteh. Saya ucap tahniahlah, kepada sahabat saya daripada Pasir Puteh yang menonjolkan satu pendekatan yang memberi semangat yang begitu baik kepada pindaan rang undang-undang ini. Apa yang diperkatakan oleh sahabat saya tadi berkenaan dengan globalisasi. Apakah hari ini dengan adanya Yang Amat Berhormat Perdana Menteri yang kita cukup kagumi, dengan adanya Yang Amat Berhormat Perdana Menteri yang cukup prihatin kepada rakyat, apakah globalisasi yang ada di segenap ceruk rantau khususnya di negara kita ini akan terus memberi manfaat kepada rakyat negeri Kelantan ini. Terima kasih.

**Dato Haji Che Min bin Che Ahmad [Pasir Puteh]:** Terima kasih Tanah Merah.

**Datuk Mohamed Razali bin Che Mamat [Kuala Krai]:** Ini Kuala Krai ini, pasal Kelantan.

**Dato Haji Che Min bin Che Ahmad [Pasir Puteh]:** Oh, nak sekali gus?

**Datuk Mohamed Razali bin Che Mamat [Kuala Krai]:** Ya. Terima kasih Tuan Yang di-Pertua, terima kasih Pasir Puteh. Dia bangga Yang Amat Berhormat Perdana Menteri pergi ke Kelantan. Kita rakyat Kelantan pun sungguh bangga tetapi bagaimana pendapat Pasir Puteh bila kita tengok Yang Amat Berhormat Perdana Menteri kita yang kita kasihi dok pimpin Yang Berhormat To' Guru tu. Bukan main lagi nak bagi kerjasama, elok-elok duduk muka surat yang kedua, yang ketiga, tapi Siti Nurhaliza duduk tempat nombor satu, penyanyi. Bagaimana pendapat Yang Berhormat?

**Dato Haji Che Min bin Che Ahmad [Pasir Puteh]:** Terima kasih kakanda saya, Yang Berhormat bagi Kuala Krai. Terima kasih abang saya Yang Berhormat bagi Tanah Merah. Sebenarnya, yang Yang Amat Berhormat Perdana Menteri buat itu dah cukup baik, *Uswatun hasanah*. Antara umarak, ulama, bersatu, tetapi media cetak kita ini harap ambil perhatianlah. Betul itu, saya terima. Biar letaklah muka depan, ini dok yang kedua. Bukan saya nak hormat Yang Amat Berhormat Perdana Menteri, tapi cerita bagaimana nak wujudkan masyarakat mesra, antara umarak, antara ulama di Kelantan itu, Yang Amat Berhormat Nik Aziz sama Yang Amat Berhormat Perdana Menteri patut kita letak besar. Saya minta keluar sekali lagi cerita itu. Saya akan tulis sendiri. Kalau tak keluar, keluar majalah saya, *Warta Parlimen*. Kita nak mencontohi rakyat. Ini *mass media* mesti peka. Saya tak marah pun. Mesti peka. Saya tak pernah marah kepada wartawan. Saya bersahabat baik. Mesti peka....

**Timbalan Yang di-Pertua [Datuk Dr. Yusof bin Yacob]:** Yang Berhormat, bila nak masuk pindaan ini?

**Dato Haji Che Min bin Che Ahmad [Pasir Puteh]:** Ini nak masuklah ini.... [Ketawa] Jadi dalam pindaan ini, saya mengharapkan. Minta maaflah wartawan, jangan marah saya. Penulis-penulis, sahabat saya. Saya nak masuk kepada pindaan ini. Apabila pindaan ini nanti, walaupun kita ubah dari segi jenteranya, kita telah membuat suatu *restructuring*, bukan *reengineering*. Kita harap ada *restructuring*, dengan izin. Payah bahasa ini. Supaya sampai ke peringkat daerah, kita tak nak hanya seorang sahaja peringkat daerah, ketua. Kita hendak supaya kita adalah pegawai-pegawai yang bertanggung jawab ini dapat melaksanakan tanggungjawabnya dengan baik.

Tuan Yang di-Pertua, saya amat kesal, sekiranya suatu akta dipinda, termasuk Akta Jenayah yang kita pinda ini, tidak dilaksanakan dengan baik, saya anggap itu adalah suatu kegagalan pihak berkuasa menjalankan undang-undang bagi mencegah jenayah atau sebagainya.

Yang keduanya, kelemahan di dalam sistem pentadbiran, pengurusan dalam penyampaian perkhidmatan dengan baik. Itu saya anggap jenayahlah. Sebab saya hendak supaya - ini bukan jenayah. Ini dalam ini, ada unsur-unsur jenayah yang berlaku. Kalau rasakan ragu, kalau rasakan sumbang mahram, kalau katakan berkhawat, ini juga ada kaitan dengan keluarga akan porak-peranda, tidak bahagia.

Sebab itulah saya hendak menyatakan bahawa setelah lulusnya, mesti luluslah Akta Pindaan Penduduk dan Pembangunan Keluarga 1966 ini. Tolong tengok juga penduduk-penduduk dalam bandar. Saya tidak mahu, satu rumah, satu bilik. Tempat sembahyang, tempat TV. Tempat mati, tempat kapan di situ. Buatlah rumah ada sistem. Biarlah sistematik, tiga bilik. Anak dara satu bilik. Biar ada begitu. Jangan duduk satu bilik. Ini tidak ada kaitan tetapi saya nak tengok, kerana ada rangkaian. Rungutan rakyat-rakyat kita, sama ada di bandar, di kampung, buat rumah dengan tidak mengikut acuan dan tidak mengikut keselesaan kita.

Yang ketiganya, taman-taman mesti ada. Nak selesa dalam satu kawasan penduduk, mesti ada taman, mesti ada tempat sukan. Yang tak ada, wujudkan.

Saya cadang di masjid-masjid, bagaimana nak imarahkan masjid seluruh negara. Mesti ada tempat bersukan. Jangan main dalam masjid. Tepi perkarangan masjid mesti ada. Nak jinakkan remaja ke masjid. Baru jadi rakan masjid, barulah kita lahirkan masyarakat bahagia. Kerana duduk di masjid, selepas itu kita bergaul mesra di luar. Jadi saya tidak menyentuh hal-hal lain. Itulah bagi saya, terlaksananya ini, insya-Allah. Kalau kita boleh melahirkan rumah yang soleh. Ini tak pernah dengar ini. *'Al-makkan soleh'* itu, rumah yang baik. Kita nak ada, suami-isteri yang baik. Keluarga yang baik kita nak ada. Kenderaan yang baik, kita nak ada jiran yang baik. Kalau boleh lahirkan maksud hadis ini, insya-Allah kita akan lahirkan keluarga bahagia. Ini juga tidak bertentangan dengan agama-agama lain. Universal dalam Islam boleh diterima semua. Selama ini pun kita amal, amal yang baik itu adalah nilai-nilai murni. Kalau kita tidak dapat menerapkan nilai-nilai murni dalam cara hidup tahun 60-an bagi saya, saya tidak akan berjaya.

Biarlah kita hidup tahun 2006, tetapi masih di segi spiritnya, di segi semangatnya, di segi apanya ialah, tahun 60-an itu masih hidup. Tegur-menegur. Masyarakat jiran yang baik, kita ambil buah pisang orang kita kena marah. Bapa kita terima kasih tolong marah, kita tidak mencuri. Kita tegur siapa yang berlaku yang tidak baik, diterima kasih kepada kita. Hari ini kalau kita cerita anak pak cik kena dadah, "Ha! Jangan bicara tepi kain orang, bicara tepi kain kita". Inilah, kita nak lahirkan budaya tahun 60-an.

Tegur-menegur di kalangan kita, tolong-menolong di kalangan kita. Sebab itulah kita hendak supaya akta ini berjaya besok, saya puji bahawa kebijaksanaan kementerian memikir secara mendalamnya untuk meminda ini, satu cara era globalisasi yang lebih baik dengan mencabar pun kita mampu. Insya-Allah kalau dari segi *inside*, *spiritual* kita kuat, fizikal kita kuat, mental kita kuat, emosi dapat kita sempurnakan. Kita dapat selaraskan, *supervise* kan. Insya-Allah, inilah dia perjuangan kita, "*Ummatan Was'satho*". Inilah dia "*Baldatun Thoyyibah, Wa Rabbun Ghoffur*". Bukan nak ceramah, Tuan Yang di-Pertua. Terima kasih saya menyokong.

**Timbalan Yang di-Pertua [Datuk Dr. Yusof bin Yacob]:** Ya, Yang Berhormat bagi Kubang Kerian.

### 3.27 ptg.

**Tuan Salahuddin bin Ayub [Kubang Kerian]:** Terima kasih Tuan Yang di-Pertua kerana mengizinkan saya untuk sama-sama membahaskan suatu Akta untuk meminda Akta Penduduk dan Pembangunan Keluarga 1966.

Tuan Yang di-Pertua, saya cuma ada dua, tiga perkara yang saya rasa penting untuk saya menyampaikan dalam Dewan yang mulia ini supaya kementerian yang berkenaan ini dapat memikirkan cara yang paling bijak dan paling lestari. Bagaimana peranan institusi keluarga yang semakin mencabar dalam negara kita, yang sudah tentu generasi kita pada hari ini ingin untuk melihat kita punya generasi yang bertanggungjawab, yang akan menjadi suatu pemangkin kepada modal insan yang diharapkan kita dapat membangunkan negara dalam acuan kita sendiri. Tidak akan terpesong daripada landasan-landasan budaya dan agama yang kita anuti pada hari ini.

Tuan Yang di-Pertua, kalau kita melihat tentang falsafah keluarga yang diperjuangkan oleh Nabi kita Muhammad s.a.w. dan juga kepada mana-mana penganut agama yang lain, ia tidak lari daripada mewujudkan suatu perasaan dalam hati yang mengikat insan itu menjadi suatu anggota yang terjelma dalam peribadi. Kemudian dia lahir dalam bentuk keluarga, dan keluarga itulah yang akan membentuk masyarakat yang disebut. Yang mudah disebut pada hari ini, masyarakat Madani.

Kita boleh sebut apa sahaja yang akan menjelmakan satu masyarakat yang bertanggungjawab yang patuh dan taat, yang menjadi hamba Allah kepada Khaliknya, yang disebut dan diterjemahkan dalam ayat-ayat yang dibaca oleh sahabat-sahabat saya tadi, sebuah negara yang kita harapkan, '*Baldatun, Thoyyibatun, wa Rabbun Ghofur*'. Negara yang berkeadilan, yang sudah tentu dalam negara ini memiliki pimpinan pegawai-pegawai yang faham, yang arif dan bertanggungjawab untuk melaksanakan tugas mereka dengan sebaiknya bagi menjelmakan apa yang dikatakan perasaan *ta'abud* kita. Ketakutan dan ketakwaan kita kepada Allah S.W.T., yang kita hanya menyampaikan tanggungjawab sebagai Perdana Menteri, menteri, Ahli-ahli Parlimen dan pegawai-pegawai kerajaan yang semuanya tertakluk di dalam falsafah ini.

Itu yang pertama Tuan Yang di-Pertua. Walaupun kita melihat dunia barat maju dalam membina prasarana mereka tetapi banyak kajian-kajian terkini menunjukkan mereka mula rapuh menjadi masyarakat yang *fragile* yang bukan saya bercakap atas emosi saya sebagai seorang Muslim, tetapi kajian-kajian yang kita buat berdasarkan kepada *research* yang dibuat oleh mereka sendiri oleh universiti tersohor mereka seperti *University of London, Harvard University, Oxford University* yang boleh membuktikan dengan angka-angka bahawa bilangan-bilangan gereja sebagai contoh di England mudah sangat dijual kerana mula pada hujung minggu kekosongan penganut-penganut mereka untuk datang ke gereja.

Mujurlah England, United Kingdom lewat tahun awal 90-an, terpaksa meminda di dalam Parlimen mereka supaya jangan lagi boleh gereja dijual kepada orang lain. Kalau tidak hampir mungkin tidak semua tapi penjualan gereja sangat-sangat menjadi satu budaya yang ditakuti di United Kingdom sendiri, ini dilaporkan dalam kajian-kajian sama ada oleh jabatan pembangunan mereka, kajian sains politik mereka yang menunjukkan bahawa bagaimana rapuhnya mereka terhadap pegangan mereka sendiri.

Adakah ini kita mahu berlaku dalam negara kita. Walaupun Sigmund Freud sebagai contoh sebagai bapak dalam ilmu tamadun yang dibanggakan oleh Barat mengkaji tentang *human development*, kajian dia tentang kanak-kanak, kajian-kajian mereka tentang wanita dan keluarga, masih lagi kita melihat terdapat satu kelompok yang mana pengisian kepada insan dan modal insan itu masih lagi tidak dapat dipenuhi oleh masyarakat barat yang ada pada hari ini.

Oleh itu saya mengharapkan perkiraan yang seperti inilah yang semestinya menjadi rujukan kepada Kementerian Pembangunan Wanita ini supaya tidak terlepas pandang di dalam kita mengisi keperluan pegawai-pegawai kita di dalam tugas mereka membantu masyarakat kita yang semakin menghadapi saat yang sangat kritikal pada hari ini. Di kampung-kampung sebenarnya kita melihat hari ini masalah penagihan dadah

sebagai contoh yang disebut oleh rakan-rakan sebentar tadi adalah semakin bertambah. Dadah telah bermula dengan suatu era yang sangat memilukan, era yang sangat mendukacitakan kita yang hari ini kita melihat dadah ini tidak selesai, daripada ganja kepada heroin tapi hari ini anak-anak muda lebih mudah mendapat pil-pil *ecstasy* dadah jenis syabu ini dengan begitu mudah. Jadi bagaimana kita melihat penyelesaian ini.

Oleh itu, saya melihat bahawa jangan sekali-kali kita terlepas pandang dalam kita menyediakan pegawai-pegawai yang benar-benar layak untuk mereka mendapat suatu pendidikan dan pengetahuan dan pandangan yang luas tentang perkara ini. Sebagai contoh, saya melihat dalam membina modal insan. Adakah...

**Seorang Ahli:** [*Menyampuk*]

**Tuan Salahuddin bin Ayub [Kubang Kerian]:** ...Kementerian Pembangunan Wanita telah benar-benar mengadakan satu kursus yang intensif kepada pegawai-pegawai mereka. Adakah diadakan satu interaksi yang benar-benar profesional di antara kementerian ini dengan wakil-wakil masyarakat, sebagai contoh dengan tok-tok imam kita, tok-tok bilal kita, tok-tok siak kita, dan bagaimana juga kita dengan bangsa-bangsa yang lain sebagai contoh tok-tok sami dalam agama-agama lain, paderi-paderi kita, yang ada di negara ini di mana kita melihat semua pihak mestilah bertanggungjawab untuk menyelesaikan perkara ini.

Untuk menasihatkan satu keluarga yang pincang sebagai contoh, untuk kita memberikan satu kaunseling kepada keluarga yang runtuh, *broken family*. Bagaimanakah bentuk nasihat yang perlu kita berikan. Dengan dunia yang begitu mencabar yang ada pada hari ini, jangan kita memandangkan satu isu yang boleh kita tertawa seketika, melihat, mungkin semalam seorang artis yang begitu gembira di atas lehan air mata orang lain tetapi ada puluhan yang lain ada ratusan yang lain di luar jendela sana yang pada saya perlu diberikan mereka ini satu perhatian yang lebih khusus daripada itu.

Ada anak yang boleh hari ini terpaksa keluar daripada rumah kerana dalam rumah mereka hanya ada satu bilik dan jangan kita lupa masih ada lagi flat-flat di bandar-bandar besar yang hanya ada dua bilik, yang masyarakat kita hidup pada hari ini. Kalaulah yang menjadi perbincangan hari ini kita melihat Datuk K membina kebahagiaan pada hari ini, isterinya masih boleh bercuti mungkin untuk meredakan perasaan di Australia, tetapi ada ribuan di luar sana yang *broken family* yang terpaksa memilih jalan apa sebagai *escapism* mereka, anak-anak yang merintih kerana kehilangan bapa dan kehilangan ibu, bagaimana peranan masyarakat dalam membentuk perkara ini.

Yang kedua, Tuan Yang di-Pertua, kita perlu melihat bahawa dalam kita mengejar pembangunan, kita bangga dengan angka-angka Rancangan Malaysia Kesembilan, yang mengharap negara yang maju pada masa akan datang tetapi kita perlu ingat dan untuk sekian kalinya saya ingatkan tentang peranan media di dalam membentuk keluarga kita. Seorang tok imam yang membaca khutbah di masjid, sepatah *bismillah* yang diajar oleh bapak dalam rumah pada hari ini, ataupun beberapa kalimah keramat yang diberikan oleh seorang ibu kepada anaknya pada hari ini tidak dapat mengatasi gelombang televisyen, gelombang media, gelombang ICT yang ada pada hari ini yang sangat mempengaruhi jiwa anak-anak wanita yang ada dalam negara kita.

Ini kita sedar, saya sendiri ada anak remaja pada hari ini, dan demikian juga kita yang ada dalam Dewan yang mulia pada hari ini bagaimana kita melihat ini semua satu cabaran yang sangat-sangat kritikal yang sedang melanda keluarga kita. Bila kita bercakap tentang keruntuhan keluarga, bila kita bercakap tentang bagaimana kita mahu menjadi keluarga yang bahagia, kita melihat gelombang ini bersama kita, gelombang ini berada di hadapan kita yang menenggelamkan segala nasihat kita kepada anak-anak.

Oleh itu, kerajaan mesti melihat ini sebagai satu perkara yang paling pokok di dalam kita membentuk keluarga yang bakal menjadikan negara kita benar-benar membangun yang seiring yang kita boleh bercakap negara yang akan menjadi negara maju yang seiring dengan ketinggian modal insan dan ahlak yang diharapkan pada masa yang akan datang, kalau tidak kita akan jadi seperti Eropah. Kuala Lumpur tidak mungkin ataupun boleh kita katakan tidak mustahil untuk bersaing dengan kota-kota yang lain pada

hari ini yang mungkin maju tetapi remajanya rapuh, remajanya kehilangan segala identiti sebagai bangsa Malaysia yang ada pada hari ini.

Oleh itu Tuan Yang di-Pertua, di dalam perkara ini saya juga mengambil contoh, sebab itu perlu bagi kementerian ini menjalin satu rangkaian yang lebih utuh rangkaian yang lebih lestari rangkaian yang lebih bijak, bagaimana kita menyusun dan mengatur sistem kaunseling ini supaya dapat ia sampai kepada isi rumah yang bermasalah. Sebab itu, peranan tokoh-tokoh masyarakat, tokoh-tokoh agama tidak boleh dikesampingkan dalam kita melihat tentang faktor ini.

**Tuan Nasaruddin bin Hashim [Parit]:** Terima kasih Yang Berhormat, terima kasih Tuan Yang di-Pertua. Saya mendengar ucapan daripada Yang Berhormat bagi Kubang Kerian sebelum ini daripada Yang Berhormat bagi Pasir Puteh yang menyebut tentang globalisasi pengaruh asing dalam masyarakat kita, dan ini seperti mana yang disebut oleh rakan-rakan yang lain satu perkara yang tidak boleh ditolak, satu perkara yang tidak boleh dihalang tetapi apakah Yang Berhormat kita telah membina jati diri atau pertahanan diri bagi memperleengkapkan anak-anak kita ataupun remaja kita ketahanan diri daripada dipengaruhi oleh pengaruh-pengaruh asing yang negatif ini kerana tidak semua daripada negara asing itu negatif ada yang baik.

Jadi yang menjadi kerisauan kita ialah pengaruh-pengaruh yang negatif yang mempengaruhi masyarakat kita. Adakah Yang Berhormat berpendapat bahawa sistem kita bermula di sekolah misalnya sekolah rendah, sekolah menengah tidak berupaya untuk menghalang ataupun membina jati diri ketahanan diri kepada remaja-remaja kita sehingga mereka ini dengan mudah terpengaruh apa yang dilihat di televisyen apa yang dilihat dalam *website* dan sebagainya.

Jadi, inilah yang harus kita perlihatkan semula. Bagaimana pendapat Yang Berhormat? Adakah yang kita ajar di sekolah ini tidak cukup, yang kita ajar di sekolah agama itu tidak cukup, yang diajar oleh ibu bapa itu tidak cukup sehingga pengaruh itu begitu mudah meresapi, khususnya remaja kita. Terima kasih.

**Tuan Salahuddin bin Ayub [Kubang Kerian]:** Terima kasih sahabat saya, Yang Berhormat bagi Parit, yang memberikan input yang sangat baik untuk saya meneruskan ucapan saya pada petang ini. Saya bersetuju bahawa kita untuk membina sebuah negara yang lebih baik, untuk kita *exercise*, untuk kita menjadikan masyarakat ini untuk berfikir kelas pertama, mesti kita mewujudkan dalam diri kita tidak puas dengan apa yang ada pada hari ini. Kalau kita merasakan kita puas dengan pencapaian yang ada pada hari ini, itu bukan minda kelas pertama pada pandangan saya.

Jangan kita bandingkan kita lebih baik daripada Bangladesh, jangan kita bandingkan kita lebih baik daripada Republik Tonga. Memang kita lebih baik daripada mereka tetapi untuk kita menjadi lebih baik, kita harus lebih kompetitif dengan melihat perkembangan nilai yang baik daripada Barat ataupun Timur. Ini tidak menjadi masalah kepada Islam, untuk kita mencari dan menimba benda yang lebih baik. Sebagai contoh kita melihat kalau sistem pendidikan kita, kalau kita bercakap tentang modal insan, kita mahu seorang pemimpin, seorang tokoh korporat, seorang pegawai tinggi kerajaan yang memiliki modal insan yang baik sebagai contoh, kita perlu melihat kembali kepada sistem pendidikan kita kalau kita mahu ini bermula di sekolah.

Hari ini, pada saya kesemua aspek pendidikan, sama ada dari segi bidang agamanya dan akademinya memerlukan suatu *enhancement*, suatu yang perlu kita *empowering*, kita perlu memperkasa lagi pendidikan ini yang bersesuaian dengan cabaran yang ada pada hari ini. Ini penting bagi saya supaya kita melihat semula.

Semalam dalam perbahasan Dewan, kita melihat ada tiga laporan pendidikan, Laporan Murad, Laporan Talib dan Laporan Razak yang kita lihat masih lagi menjadi asas pendidikan kita. Bukan saya menyatakan pendidikan ini tidak baik, ia baik kepada waktu dan zaman itu tetapi generasi pada hari ini perlu ada suatu laporan, perlu ada suatu *blueprint* yang lebih mencabar, yang lebih ke hadapan untuk masyarakat hari ini, kita membina mereka untuk menjadi generasi pada masa yang akan datang.

Sebab itu saya bersetuju dengan sahabat saya supaya sistem ini dilihat semula dan diberikan nafas baru sebagaimana kita melihat. Mengikuti kajian saya dalam dunia maju, sebagai contoh, kita ambil yang baik. Di Jerman sebagai contoh, di *Scandinavian countries* sebagai contoh, Korea dan Jepun mereka *review*, mereka mewujudkan Jawatankuasa Kabinet, lima tahun sekali untuk mereka melihat bagaimana pencapaian secara objektif yang mereka capai. Dalam masa lima tahun, adakah mereka berjaya atau tidak untuk mencapai visi mereka dalam mereka membina generasi mereka. Terima kasih sahabat saya, Yang Berhormat bagi Parit.

Tuan Yang di-Pertua, izinkan saya untuk dua perkara lagi. Sebagai contoh saya melihat, jangan kita jadi seperti Singapura. Mengikuti kajian yang saya buat bahawa Lee Kuan Yew sendiri hari ini mula menyatakan setelah umurnya hampir 85 tahun, dia terpaksa, mungkin dia tidak menulis dalam dua bukunya yang tersohor, '*Singapore Story*' dan '*My Story*', tetapi apabila dia sampai umur hampir 90 tahun, dia mula menoleh ke belakang dan menyatakan sesuatu yang silap telah berlaku di Singapura, iaitu masyarakat Singapura sampai kepada tahap yang dikatakan masyarakat yang bercelaru.

Ini kerana apabila Lee Kuan Yew membina Singapura, dia memusnahkan segala identiti bangsa-bangsa di Singapura. Hari ini orang Cina hilang keCinaannya, orang Melayu hilang Melayunya dan orang India hilang keindiaannya kerana dalam sistem pendidikan mereka, mereka mementingkan bahasa Inggeris. Sebab itu hari ini anaknya Lee Hsien Loong terpaksa gunakan insentif untuk ibu mengandung pada hari ini sedangkan rakyat Singapura hari ini, tidak hendak anak lagi. Mereka merasa cukup, mereka buat *reclamation work*, mereka tambak laut mereka dan mereka bersedia untuk menerima 1 juta ataupun 2 juta orang lagi penduduk, tetapi hari ini mereka gagal untuk mencapai matlamat tersebut.

Ini kerana ibu-ibu di Singapura sudah rasa *complacent*.... [Disampuk] Perempuan sudah tidak hendak mengandung, tidak hendak anak lagi tetapi Lee Kuan Yew sebelum dia mati, dia mengakui bahawa Singapura hilang identiti, bercelaru, pening kepala, masyarakat yang pening kepala, yang tidak dapat menentukan jati diri mereka. Apakah sebenarnya warganegara Singapura?

Oleh itu, kita melihat Malaysia jangan jadi seperti itu. Kita melihat masyarakat yang maju, sebagai contoh Jepun, yang kerap kali saya jadikan contoh. Bukan saya bangga dengan Jepun kerana saya ingin jadi orang Jepun, tidak. Saya hari ini bertanggungjawab menjadi Ahli Parlimen untuk saya memberikan *input* sebagai bahan sejarah yang saya mahu melihat kita mesti ada jati diri, kita mesti ada satu digniti kita sendiri.

Kalau Jepun hari ini boleh maju menjual jenama mereka ke peringkat dunia tetapi masyarakat mereka tidak hilang identiti. Bahasa mereka, kekuatan keluarga mereka dan yang pernah saya sebut dalam Dewan ini, filem-filem mereka yang mengajar dunia tentang budaya sopan isteri kepada suami, yang kerap kali saya bagi contoh di Dewan yang mulia ini. Cuba lihat filem-filem kita, bagaimana kasarnya seorang isteri bila bercakap dengan suami. Dengar sahaja di dalam Radio Era dalam kereta kita, bagaimana seorang isteri meminta tolong suaminya buat susu anak. Bagaimana cara dia bercakap? Ia tidak melambangkan itulah bangsa Melayu.

[Timbalan Yang di-Pertua [Datuk Lim Si Cheng] **mempengerusikan Mesyuarat**]

Hari ini kita melihat dan saya memiliki seorang jiran yang cukup baik daripada bangsa Tionghoa yang tinggal dengan saya hampir 20 tahun waktu saya di Johor, yang hari ini bercakap dengan saya bahawa kalau dahulu dia kata, orang-orang Cina ini juga cukup sopan dengan pakaian *ceongsam* mereka tetapi hari ini dia juga sedih untuk melihat bagaimana semuanya telah berubah dan bagaimana kita melihat ini menjadi satu fenomena yang sangat menggerunkan pada hari ini.

Oleh itu, kita melihat, kita boleh maju ke hadapan. Kita boleh mencapai segala-galanya untuk kita maju ke hadapan tetapi jangan kita hakis budaya dan maruah, suatu yang menjadi kebanggaan kita. Orang Melayu akan hilang segala-galanya, orang Cina akan hilang budaya mereka, orang India akan hilang segala apa yang menjadi jati diri mereka. Adakah itu bangsa Malaysia yang kita mahu pada masa akan datang?

Jadi, Tuan Yang di-Pertua, akhirnya saya melihat tentang bagaimana hari ini kita melihat mahasiswa yang menganggur, yang saya rasa kalau ada suatu skema ataupun ada satu perancangan yang rapi, kalau benar kita serius untuk kita melihat bahawa faktor keluarga dalam masyarakat ini semakin rapuh dan semakin memerlukan suatu bentuk penghayatan dan pendekatan dalam bentuk yang baru, saya mencadangkan supaya kementerian mengambil mereka ini dan mereka diberikan kursus kaunseling secara asas untuk mereka mendapat suatu *input* baru, untuk mereka berhadapan dengan masyarakat yang ada pada hari ini.

Saya diberitahu oleh seorang Pensyarah Kanan Universiti Pertanian Malaysia bahawa dalam memberikan saya nasihat dahulu untuk saya memilih jurusan dalam bidang *Masters*, yang saya buat pada waktu itu, dia menyatakan bahawa, dia memberikan satu ramalan bahawa dalam masa 5 tahun dan 10 tahun akan datang, semua jabatan kerajaan akan mengalami kekurangan kaunselor. Kaunselor menjadi satu masalah, sama ada di Jabatan Polis, Jabatan Kesihatan, Jabatan Pembangunan Wanita, mereka tidak ada kaunselor pada hari ini. Jadi, kalau tidak ada kaunselor bagaimanakah jabatan ini akan rapat dengan rakyat, akan dapat rapat dengan masyarakat dan akan dapat menyampaikan hasrat mereka untuk mereka memberikan suatu *input* kepada keluarga-keluarga yang bermasalah pada hari ini. Dengan demikian, Tuan Yang di-Pertua, saya mengucapkan terima kasih dan apa yang penting adalah, kita melihat akta ini dapat memberikan sumbangan kepada keluarga kita pada masa akan datang. Terima kasih.

**Timbalan Yang di-Pertua [Datuk Lim Si Cheng]:** Yang Berhormat bagi Ledang.

**3.50 ptg.**

**Ir. Haji Hamim bin Samuri [Ledang]:** Terima kasih, Tuan Yang di-Pertua. Saya.....

**Timbalan Yang di-Pertua [Datuk Lim Si Cheng]:** Yang Berhormat, panjangkah?

**Ir. Haji Hamim bin Samuri [Ledang]:** Saya, pendek saja.

**Timbalan Yang di-Pertua [Datuk Lim Si Cheng]:** Saya harap Yang Berhormat tidak akan memberikan ucapan dengan panjang lebar.

**Ir. Haji Hamim bin Samuri [Ledang]:** Memang tidak panjang... [*Ketawa*] Saya juga ingin mengambil bahagian dalam menyokong usul ini. Pertama saya ingin mengucapkan tahniah kepada kementerian yang telah pun berusaha untuk meminda akta tersebut dalam usaha memperkukuhkan lagi institusi keluarga sekali gus limpahannya kepada keseluruhan penduduk dalam negara kita dan apabila saya lihat akta ini lebih kepada memperkukuhkan LPKN dengan memasukkan fasal-fasal tertentu seperti ia berkaitan dengan jawatan, berkaitan dengan kewangan dan sebagainya.

Jadi saya harap LPKN akan lebih berupaya dan berkesan untuk menjana modal insan yang penting seperti yang dirakamkan di dalam dokumen Rancangan Malaysia Kesembilan yang mengandungi lima teras utama Misi Nasional yang banyak menjurus kepada modal insan, membina minda kelas pertama dan sebagainya. Walau bagaimanapun Tuan Yang di-Pertua, saya melihat dengan terlaksananya akta ini, kita amat mengharapkan supaya impak berlaku kepada institusi keluarga tersebut dalam negara kita sebab banyak undang-undang, banyak akta yang kita buat.

Akta Majlis Latihan Vokasional juga kita buat, tetapi sampai sekarang minta maaf Tuan Yang di-Pertua, saya rasa mungkin rakan-rakan yang lain juga bersetuju, bahawa impaknya tidak atau belum lagi kita rasa. Kadang-kadang saya terfikir, adakah cadangan daripada pihak tertentu untuk mengubah akta ini atau rang undang-undang ini, lebih menjurus kepada pembentukan ataupun pewujudan sesuatu jawatan supaya lebih ramai yang naik pangkat, tetapi harap-harap tidak begitu. Seperti yang saya sentuh tadi, kita harapkan supaya LPKN lebih bersemangat, lebih berupaya mencari punca dan sebab kenapa keruntuhan keluarga dan penduduk di dalam negara ini banyak berlaku dan hampir-hampir tidak terkawal.

Soal keruntuhan keluarga, soal pembunuhan yang juga berpunca daripada soal keluarga, soal penyalahgunaan dadah dan sebagainya. Dalam erti kata yang lain Tuan Yang di-Pertua, saya mencadangkan supaya LPKN benar-benar membuat kajian tentang sesuatu isu atau masalah yang timbul daripada keluarga tersebut. Misalnya Tuan Yang di-Pertua, saya ingin memberi satu gambaran yang mungkin boleh dijadikan sebagai satu pedoman. Dalam dunia sekarang, suami isteri perlu bekerja kerana meningkatkan taraf ekonomi, kerana keperluan hidup keluarga yang semakin meningkat dan sekiranya hanya suami sahaja bekerja atau isteri sahaja bekerja, misalnya, perkahwinan *misyar*, dan sebagainya. Bukan Misha Omar, *misyar*. Tidak cukup untuk menampung sebuah keluarga, justeru suami isteri sekarang perlu bekerja, tetapi wujud satu masalah lain di mana anak-anak tidak terbela. Satu demi satu masalah timbul seperti yang saya katakan tadi, tetapi berbalik kepada soal asas, suami isteri mesti bekerja.

Oleh yang demikian Tuan Yang di-Pertua, saya yakin LPKN boleh mencari jalan, bagaimana kaedah ini kita boleh sesuaikan di mana suami isteri bekerja, tetapi pada masa yang sama keluarga terbela, dengan mencadangkan sesuatu yang baik kepada pihak kerajaan supaya boleh dilaksanakan. Yang penting Tuan Yang di-Pertua ialah matlamat akhirnya keluarga terbela, seluruh penduduk Malaysia terbela dan negara kita mudah maju, mudah mencapai Wawasan 2020 seperti mana yang telah pun menjadi matlamat kita dan akhirnya kita akan menjadi sebuah negara yang maju.

Contoh kedua seperti yang berlaku di kawasan saya, seperti yang berlaku di kawasan Parlimen Kulai, di kampung-kampung yang boleh juga dijadikan kajian, kenapa soal gotong-royong di kalangan masyarakat telah pun menjadi satu perkara yang tidak lagi diminati oleh golongan muda? Sekarang kita pergi rumah orang kahwin, tidak berhidang Tuan Yang di-Pertua, seperti di Kulai juga, banyak bufet. Ini semua lebih menjurus kepada unsur-unsur meninggalkan tradisi lama kepada satu cara hidup baru, tetapi meruntuhkan keseluruhan sistem masyarakat seperti yang saya sebutkan tadi...

**Timbalan Yang di-Pertua [Datuk Lim Si Cheng]:** Yang Berhormat, saya tidak nampak ini semangat gotong-royong tersebut dalam rang undang-undang.

**Ir. Haji Hamim bin Samuri [Ledang]:** Maksudnya Tuan Yang di-Pertua, ini soal penduduk. Saya cadangkan supaya LPKN membuat satu kajian ke atas contoh yang saya sebut tadi supaya kita dapat menghasilkan sesuatu yang baik daripada pindaan ini. Kalau pindaan berlaku Tuan Yang di-Pertua, tetapi hasilnya tidak ada kerana kurang kajian, tidak ada cadangan yang bernas kepada kerajaan, misalnya tidak mengambil kira atau tidak mencadangkan, tidak membuat kajian ke atas perkara-perkara yang saya sebut tadi, akhirnya.....

**Timbalan Yang di-Pertua [Datuk Lim Si Cheng]:** Yang Berhormat memang sokong cadangan?

**Ir. Haji Hamim bin Samuri [Ledang]:** Memang sokong Tuan Yang di-Pertua. Ini yang menjadi satu...

**Timbalan Yang di-Pertua [Datuk Lim Si Cheng]:** Akan tetapi, mengambil kesempatan untuk memberikan pandangan, cadangan yang lain.

**Ir. Haji Hamim bin Samuri [Ledang]:** Jadi, semuanya saling lengkap-melengkapi Tuan Yang di-Pertua. Saya sebut Kulai, saya sebut Ledang semuanya ada kaitan. Jadi Tuan Yang di-Pertua pun senang hati, sebab saya turut menyentuh kawasan Parlimen Kulai. Akhir sekali Tuan Yang di-Pertua, kesimpulannya adalah berapa banyak akta atau rang undang-undang yang telah kita luluskan, tetapi kita mengharapkan satu impak yang besar daripada pindaan tersebut supaya dalam masa yang singkat keseluruhan rakyat menerima kesan baik daripada rang undang-undang ini yang saya sudah tentu sokong seperti yang dibentangkan di dalam Parlimen yang mulia ini. Oleh yang demikian saya menyokong, terima kasih.

**Timbalan Yang di-Pertua [Datuk Lim Si Cheng]:** Baik, Yang Berhormat bagi Rembau dan selepas Yang Berhormat bagi Tanjong, Setiausaha Parlimen boleh jawab. Sila Yang Berhormat bagi Rembau.

**3.57 ptg.**

**Dato' Firdaus bin Harun [Rembau]:** Terima kasih Tuan Yang di-Pertua, saya juga ingin turut sama membahaskan rang undang-undang untuk meminda Akta Penduduk dan Pembangunan Keluarga 1966. Tuan Yang di-Pertua, saya ingin mencadangkan supaya LPPKN ini dijadikan *lead agency* ataupun agensi utama dalam usaha untuk membangun dan mengukuhkan institusi keluarga ke arah mewujudkan masyarakat penyayang, penduduk berkualiti dan bangsa Malaysia yang progresif dan berperibadi mulia sebagai yang disebutkan dalam visi LPPKN. Ini selaras dengan usaha kerajaan yang memberi penekanan ke arah pembangunan keluarga dan masyarakat dalam Rancangan Malaysia Kesembilan yang memberi tumpuan yang lebih kepada membina keluarga yang berdaya tahan bagi mencapai keseimbangan yang optimum antara pertumbuhan kebendaan dan pembangunan masyarakat.

Jadi dalam hubungan ini, saya hendak mencadangkan supaya Lembaga Pengarah yang akan dilantik dalam pindaan seksyen 4 ada disebut, tidak lebih daripada sembilan orang yang mewakili pelbagai kementerian seperti yang ditentukan oleh Yang Berhormat Menteri. Jadi saya lihat keanggotaan Lembaga Pengarah yang ada sekarang ini lebih kurang 20 orang, tidak ada wakil daripada mereka yang berpengalaman dalam bidang agama. Jadi saya cadangkan fasal 4D itu supaya dimasukkan juga wakil daripada JAKIM dan dalam masa yang sama juga dilantik tokoh-tokoh agama dalam masyarakat termasuk juga daripada universiti dan juga tidak lupa Ahli-ahli Parlimen yang mempunyai pengalaman yang bersesuaian dalam pembangunan keluarga dan masyarakat.

Dalam masa yang sama selaras dengan peranan LPPKN sebagai *lead agency* dalam pembangunan keluarga seperti MARA dan juga Kementerian Pembangunan Usahawan dan Koperasi yang menjadi *lead agency* dalam pembangunan usahawan, saya juga hendak cadangkan supaya sekarang ini seperti yang sedia maklum, LPPKN beroperasi di peringkat pusat dan negeri sahaja tanpa ada pegawai di peringkat daerah. Dalam hubungan ini saya cadangkan supaya secara berperingkat-peringkat diwujudkan juga pejabat-pejabat LPKN di peringkat daerah. Dengan itu usaha untuk memberikan khidmat pembangunan keluarga akan dijalankan dengan lebih berkesan lagi di peringkat akar umbi.

Dalam masa yang sama juga saya hendak mencadangkan supaya majlis dan juga jawatankuasa yang ada di peringkat daerah sekarang ini seperti Majlis Pembangunan Keluarga dan Wanita dan juga jawatankuasa lain supaya dirombak dan diperkukuhkan semula dan supaya pegawai daripada LPPKN dijadikan urus setia. Dengan cara itu, khidmat majlis ini akan lebih berkesan.

Dalam masa yang sama juga saya hendak mencadangkan juga supaya *Executive Committee* ataupun Jawatankuasa Eksekutif di peringkat pusat LPPKN yang ada sekarang ini dipecahkan kepada dua. Ada disebut dalam para 4C. Jadi, sekarang ini cuma ada satu sahaja Jawatankuasa Eksekutif. Saya cadangkan supaya pecah dua iaitu satu Jawatankuasa Eksekutif mengenai pembangunan, yang kedua mengenai pengurusan supaya dengan itu usaha-usaha untuk merancang program-program pembangunan keluarga, kependudukan, reproduksi manusia akan dapat dijalankan lebih berkesan oleh Jawatankuasa pembangunan dan hal-hal yang berkaitan dengan khidmat pengurusan dan kewangan, pengurusan sumber manusia dan teknologi maklumat dijalankan oleh jawatankuasa pengurusan yang berkaitan dengan pengurusan am.

Tuan Yang di-Pertua, selain daripada itu saya juga mencadangkan supaya Tabung Kependudukan dan Pembangunan Keluarga Negara yang akan ditubuhkan nanti seperti yang disebut dalam fasa ke-13 supaya memikirkan untuk mewujudkan satu tabung untuk membantu ibu-ibu tunggal yang ada di seluruh negara, sebab mengikut perangkaan yang terakhir saya difahamkan ada lebih kurang 112,000 keluarga ibu tunggal, dan dari jumlah ini seramai 30,000 saya difahamkan telah pun mendaftar dengan Jabatan Pembangunan Wanita dan apa yang agak menyedihkan ialah daripada yang telah mendaftar ni seramai 18,000 orang atau 75% daripada ibu tunggal ini berpendapatan kurang daripada 500 ringgit sebulan. Dari segi tanggungan pula, 59% daripada ibu tunggal tersebut mempunyai tanggungan di antara 3 hingga 13 orang, bayangkan Dato' Yang di-Pertua nak jaga 13

orang sebagai ibu tunggal, dan secara purata seseorang ibu tunggal didapati mempunyai tanggungan seramai tiga orang yang terdiri daripada anak-anak yang masih bersekolah dan menganggur.

Sebab itulah saya cadangkan kalau boleh tugas pertama Tabung Kependudukan dan Pembangunan Keluarga Negara tadi memberi tumpuan kepada ibu-ibu tunggal tadi bukan sahaja, sekarang ini memang dah ada, saya berterima kasihlah kepada Kementerian Pembangunan Wanita, Keluarga dan Masyarakat kerana memberikan bantuan bulanan, tetapi apa yang penting ialah kita hendaklah memberi mereka 'kail' bukan sahaja 'ikan' tapi 'kail' supaya dengan itu kita akan dapat membantu mereka sepanjang hayat. Dan dalam hubungan ini sekarang ini sebab ada berbagai-bagai agensi yang dipertanggungjawabkan. Kementerian Kemajuan Luar bandar dan Wilayah ada program di bawah SPKR, Amanah Ikhtiar ada, tetapi tidak ada agensi yang khusus yang betul-betul melihat secara terperinci apakah permasalahan apakah program-program yang boleh dilaksanakan bagi membantu ibu tunggal ini secara yang lebih khusus dan spesifik.

Sebab itulah saya juga ingin mencadangkan kalau sesuai supaya ditubuhkan sebuah perbadanan sebab dalam Akta ini juga ada sebut 'Perbadanan boleh ditubuhkan di bawah Akta Syarikat', supaya dengan itu mungkin pembangunan ibu tunggal mungkin boleh diwujudkan sebab bagi saya ini satu yang *viable* memandangkan kaum nelayan pun jumlahnya tak sampai 100,000 pun dia ada sebuah agensi iaitu Lembaga Kemajuan Ikan Malaysia yang bertanggungjawab membangunkan masyarakat nelayan, mengapa tidak diwujudkan sebuah perbadanan atau pun lembaga yang secara khusus melihat ke arah pembangunan ibu-ibu tunggal di negara kita yang jumlahnya seperti yang saya katakan tadi 112,000 dan kalau kita kalikan lima orang satu keluarga senang-senang ada setengah juta dan ini satu angka yang sangat besar yang tidak boleh kita ketepikan.

Dato' Yang di-Pertua, akhir sekali saya juga ingin menyarankan supaya program-program yang telah dibuat oleh TPKN setakat ini sangatlah cantik, sangat baik, misalnya Hari Keluarga Kebangsaan tetapi saya cadangkan supaya program ini dinaikkan taraf. Kalau selama ini program ini diadakan di peringkat negeri, yang dirasmikan oleh Menteri Besar, saya cadangkan mulai tahun hadapan, dirasmikan oleh Perdana Menteri sendiri, supaya dengan itu kita memberikan status yang sesuai kepada pembinaan soal keluarga yang bahagia ini. Dalam masa yang sama saya juga nak menyentuh ada satu lagi perkara iaitu soal saya lihat dalam Laporan 2004 yang lepas, dari segi perjawatan dan keanggotaan LPPKN ini hanya 60% jawatan nya diisi. dia ada 1,232 jawatan, cuma diisi 750 sahaja maknanya masih ada lagi 480 jawatan yang tidak diisi.

Jadi untuk membolehkan sesebuah organisasi itu bergerak dan berkesan, dan boleh mencapai matlamat yang ditetapkan, pengisian jawatan ini sangat penting, dalam masa yang sama juga saya harap kerajaan akan dapat melihat, misalnya dari segi Gred Pegawai-pegawai LPPKN di peringkat negeri, kebanyakannya dalam *time-scale* sahaja, mungkin untuk jangka panjang perlu dinaikkan taraf supaya dengan itu usaha-usaha untuk membantu masyarakat mewujudkan keluarga bahagia akan dapat dijalankan dengan lebih berkesan lagi. Dengan ini saya menyokong.

**Timbalan Yang di-Pertua [Datuk Lim Si Cheng]:** Tanjong, dan lepas Yang Berhormat Tanjong pihak kementerian boleh menjawab. Sila, Yang Berhormat bagi Tanjong.

**Tuan Chow Kon Yeow [Tanjong]:** Terima kasih Dato' Yang di-Pertua. Sukacita saya juga ambil bahagian dalam membahaskan Rang Undang-undang untuk meminda Akta Penduduk dan Pembangunan Keluarga 1966 dan saya menyambut baik segala usaha untuk menubuhkan lembaga dan menyediakan tabung-tabung untuk memajukan pembangunan keluarga dan isu-isu berhubung dengan kependudukan di negara ini.

Dan saya setuju dengan pandangan Yang Berhormat Rembau bahawa lembaga ini bolehlah memainkan satu peranan yang penting sebagai *lead agency* sebab permasalahan berhubung dengan penduduk dan pembangunan masyarakat memerlukan satu pendekatan yang *multi-disciplinary*, holistik dan membabitkan banyak kementerian dan agensi-agensi kerajaan. Saya rasa peranan yang boleh dimainkan oleh Lembaga ini amatlah besar dan input yang diperoleh melalui penyelidikan dan sebagainya bolehlah di

kongsi dengan agensi-agensi dan kementerian-kementerian yang lain untuk menjadikan satu asas pertimbangan kepada dasar-dasar atau pun program-program yang akan digubal oleh kementerian-kementerian yang lain. Bukan setakat agensi-agensi kerajaan, tetapi juga agensi bukan kerajaan yang memainkan peranan untuk membantu kerajaan dalam isu-isu kependudukan dan pembangunan masyarakat dan keluarga.

Sukacita Dato' Yang di-Pertua saya cuma memberi perhatian kepada isu masyarakat Malaysia yang pada satu hari nanti akan menjadi masyarakat yang tua, iaitu satu *aging population*. Saya ingin memberi perhatian perkara ini sebab satu hari setiap kita yang berada di sini perlulah melalui proses ini dan menjadi tua. Dan populasi Malaysia pada masa ini masih belum dianggap tua, atau pun *elderly* dengan izin, tetapi dalam dua atau tiga dekad dari sini keadaan akan berubah dengan cepat, sebab mengikut banci penduduk pada tahun 2000, menunjukkan 6.2% atau pun 1.5 juta orang rakyat Malaysia berumur melebihi 60 tahun, dan menjelang tahun 2020, angka ini akan naik sampai 9.5% dari penduduk Malaysia akan boleh dapat ditakrifkan sebagai warga tua, atau pun berumur 60 tahun dan ke atas. Malaysia telah menerima pakai prinsip bahawa 60 tahun sebagai kriteria untuk dianggap sebagai warga tua. Tetapi oleh sebab umur persaraan sektor awam dan juga sebahagian dari sektor swasta adalah 56 tahun, jadi kesan *ageing* kepada masyarakat dan negara mula dirasai pada umur 56 tahun dan bukan 60 tahun.

Tuan Yang di-Pertua, Malaysia telah menikmati mutu kesihatan yang lebih baik berbanding dengan masa kita mencapai kemerdekaan. Usia jangkaan yang lebih panjang, kadar kematian yang rendah dan juga kadar *fertility* yang kian menurun. Kesemua faktor ini telah membawa kepada satu keadaan di mana ia membawa perubahan kepada profil demografi populasi negara kita dan sebab inilah mengapa angka warga tua di negara kita akan meningkat dari 6.2 peratus pada tahun 2000 kepada 9.5 peratus pada tahun 2020.

Penambahan dalam nisbah orang tua dalam populasi kita mewajibkan pihak kerajaan dan masyarakat pada keseluruhannya supaya jangan mengabaikan impak sosial dan ekonomi akibat daripada satu *aging population*. Pertumbuhan ekonomi di Malaysia telah membawa bersama perubahan dalam struktur keluarga di mana saiz isi keluarga yang lebih kecil dan kecenderungan untuk adakan famili nuklear telah mengganti struktur keluarga yang *extended* dan isi keluarga yang lebih besar. Ini telah dan akan terus memberi kesan kepada setiap lapisan masyarakat khususnya golongan warga tua.

Sehingga tahun 1995, kita tidak ada polisi yang spesifik untuk golongan warga tua dan pendekatan pada masa itu, kerajaan menganggap bahawa dengan izin, *institutional support should be the last resort*, tetapi selepas itu, nampaknya kerajaan pun memberi perhatian yang amat berat kepada warga tua dan saya ucapkan terima kasih atas prihatin kerajaan kepada golongan warga tua dan juga menggubal satu *national policy* bagi warga tua pada tahun itu juga serta mengadakan pelan tindakan pada tahun 1999 bertujuan bagi membantu negara menghadapi peralihan untuk masuk sebagai sebuah masyarakat yang *ageing*.

Namun ia cuma memberi penekanan kepada aspek-aspek sosial sahaja. Dan tidak mungkinlah pada anggapan saya ia telah mengabaikan soal yang membabitkan pekerjaan warga tua sebab walaupun sudah bersara pada 56 tahun, ramai yang masih mampu untuk bekerja dan soal pekerjaan itu amatlah penting sekiranya warga tua dapat berdikari dan mampu untuk menjalani hidup sebagai warga tua yang aktif sebelum mereka meninggal.

Selain daripada soal pekerjaan juga, keselamatan, pendapatan atau pencen sosial sekuriti mereka adalah perkara-perkara yang harus diberi perhatian. Sekiranya ada program-program atau dasar-dasar yang dapat menjamin atau pun menjadikan warga tua berdikari melalui pekerjaan dan skim sosial sekuriti yang mapan, maka tanggungjawab kerajaan terhadap warga tua akan dikurangkan dan sokongan masyarakat pun boleh dikurangkan, tetapi sebaliknya kalau tidak ada satu rangkaian sosial sekuriti yang baik, maka beban kerajaan untuk menjalankan aktiviti atau pun program dan kemudahan untuk warga tua adalah amat membebankan.

Tuan Yang di-Pertua, di Malaysia kita nampak ada Skim Perlindungan Sosial yang formal seperti KWSP, PERKESO dan skim *pension* bagi perkhidmatan awam. Akan tetapi,

ramai warga tua yang pada masa mereka bekerja, bekerja dalam sektor *informal* yang perlu bergantung pada simpanan sendiri atau pun sokongan kewangan dari anak-anak untuk menjamin keselamatan sosial mereka pada usia yang lanjut.

Mengikut statistik golongan yang bekerja dalam sektor *informal* ini yang tidak membuat caruman kepada KWSP atau pun mendapat perlindungan daripada PERKESO berjumlah 38 peratus bekerja di dalam sektor *informal* yang apabila mereka bersara, tidak ada jaminan mereka dapat menyara hidup tanpa sokongan keselamatan sosial. Jadi kita haruslah memikirkan bagaimana kerajaan melalui lembaga ini, dapatlah membuat penyelidikan dan menggubal rancangan-rancangan atau program yang dapat memenuhi golongan sasaran ini.

Skim pencen kerajaan Tuan Yang di-Pertua, telah memberi perlindungan yang agak baik kepada orang yang bekerja di perkhidmatan awam. Tetapi seperti saya katakan tadi, dalam sektor ini cuma satu peratus sahaja yang menikmati faedah *pension* kerana bekerja dan berkhidmat di perkhidmatan awam. Dalam KWSP pula, memberi perlindungan sosial yang agak baik kepada sektor swasta sebagai satu saluran kepada mereka untuk menyimpan wang untuk menghadapi zaman warga tua mereka.

Tetapi soalan yang perlu ditimbang dan diatasi oleh kerajaan adalah sama ada walaupun ada KWSP, sama ada mereka mempunyai wang yang mencukupi untuk menghadapi dan melindungi mereka sehingga hari yang terakhir. Lebih-lebih lagi dalam satu dekad kebelakangan ini, KWSP telah menyediakan berbagai cara bagi memudahkan pencarum-pencarum untuk mengeluarkan pencaruman mereka untuk tujuan membeli rumah, pelajaran dan kesihatan.

Pengeluaran caruman ini akan mengurangkan jumlah caruman yang boleh dikurangkan apabila mereka bersara dan saya harap tujuan utama untuk mengadakan KWSP adalah untuk menyediakan dan membolehkan pesara-pesara dari sektor swasta menghadapi zaman warga tua mereka dan seharusnya pengurusan KWSP memenuhi hasrat ini dan janganlah mewujudkan cadangan-cadangan yang akan menyebabkan ketirisan caruman mereka dan akhirnya caruman yang ada pada mereka adalah terlalu sedikit apabila mereka bersara dan mengikut kajian, mungkin cuma akan digunakan oleh pekerja yang bersara dalam beberapa tahun sahaja. Dan ini tidak memadai dan tidak baik untuk negara dan masyarakat.

Dan dalam soal yang bersabit dengan masyarakat warga tua, kita tidak dapat mengabaikan soal perubatan dan kesihatan yang menjadi satu tanggungjawab kerajaan dan juga masyarakat. Kita menyedari bahawa dengan kemudahan perubatan, pembangunan ekonomi yang baik sudah tambah berapa tahun kepada usia kita, tetapi cabaran untuk kerajaan dan untuk rakyat adalah bagaimana menambah nilai kepada beberapa tahun tambahan yang kita perolehi. Itu menjadi satu cabaran yang harus difikirkan.

Jadi, saya berharaplah lembaga ini dan kementerian ini akan dapatlah sentiasa mencari jalan-jalan yang inovatif untuk memberi *care* kepada warga tua dan memastikan potensi warga tua dalam pembangunan tidak diabaikan dan ditinggirkan.

Dalam perbincangan dua hari ini kita dengar bahawa *database* amatlah penting membolehkan mana-mana agensi untuk merancang dan menggubal dasar. Jadi saya juga menyuarakan hasrat yang sama bahawa kementerian ataupun lembaga ini perlulah juga ada *database* bagi golongan warga tua supaya apabila diperlukan *database* ini akan dapat memberi maklumat yang amat berfaedah kepada agensi ini, dan kerajaan bolehlah saya rasa memainkan peranan untuk *intervention* dalam peringkat mikro, iaitu boleh membuat pindaan kepada undang-undang dan sebagainya untuk menghadapi masalah-masalah yang timbul akibat dari *ageing population*.

Misalnya beberapa tahun lalu kerajaan telah meminda umur bersara kepada 56 tahun. Mungkin dengan memandang hakikat bahawa semakin ramai rakyat Malaysia mencapai ataupun diiktiraf sebagai warga tua, ada baiknya kalau kerajaan juga menimbang semula umur persaraan sebab dengan perkhidmatan perubatan yang lebih baik, saya rasa pada umur 56 tahun ramai yang masih mampu menjalankan kegiatan dan kerja-kerja dengan baiknya. Cabaran bagi warga tua khususnya bagi golongan wanita lebih mencabar

sebab mengikut kajian pada amnya dari segi pendidikan mereka adalah lebih rendah berbanding dengan kaum lelaki, dan juga dari segi berdikari dalam soal kewangan kurang berbanding dengan kaum lelaki dan juga mereka menghadapi risiko yang lebih tinggi dalam perubatan, dan ini menjadi satu cabaran kepada lembaga dan kerajaan. Isu-isu berhubung dengan *health care financing* dan *education and retraining* kepada *generation* ini adalah perkara-perkara yang perlu diberi perhatian.

Akhirnya, berhubung dengan perumahan dan perancangan bandar, saya berharap jugalah hasil penyelidikan ataupun pandangan-pandangan dari lembaga dan kementerian ini dapatlah digunakan oleh pihak-pihak perancangan bandar supaya mengambil kira kemudahan-kemudahan, dan keperluan alam sekitar bagi golongan warga tua yang dapat menyediakan kemudahan asas yang membolehkan mobiliti golongan warga tua di samping perhatian yang diberikan kepada OKU. Warga tua juga kalau ingin menjalankan hidup yang sihat amatlah digalakkan untuk menggunakan kemudahan masyarakat dan dari segi ini perancangan bandar haruslah mengambil kira mobiliti golongan warga tua ini.

Dengan ini saya berharaplah sedikit pandangan yang saya utarakan ini dapatlah diberi perhatian oleh kementerian. Sekian.

**Timbalan Yang di-Pertua [Datuk Lim Si Cheng]:** Yang Berhormat Setiausaha Parlimen sila.

#### 4.24 ptg.

**Setiausaha Parlimen Kementerian Pembangunan Wanita, Keluarga dan Masyarakat [Datin Paduka Chew Mei Fun]:** Tuan Yang di-Pertua, bagi pihak Kementerian Pembangunan Wanita, Keluarga dan Masyarakat saya terlebih dahulu mengucapkan terima kasih kepada Ahli-ahli Yang Berhormat yang telah mengambil bahagian di dalam perbahasan Rang Undang-undang Penduduk dan Pembangunan Keluarga (Pindaan) 2006. Sesungguhnya KPWKM menghargai semua pandangan, saranan, cadangan mahupun teguran Ahli-ahli Yang Berhormat tersebut dan begitu ramai Yang Berhormat berminat dalam isu keluarga ini adalah satu fenomena yang amat menggalakkan, yang mana kesedaran mementingkan keluarga telah pun meningkat.

Tuan Yang di-Pertua, mengenai fungsi atau bidang luas LPPKN serta perlunya kerjasama dijalin dengan agensi lain dalam pelaksanaannya seperti Kementerian Kesihatan, Kementerian Kemajuan Luar Bandar dan Wilayah dan Jabatan Kebajikan Masyarakat seperti yang dibangkitkan oleh Yang Berhormat bagi Kuala Terengganu sebenarnya rang undang-undang ini tidak memberi kuasa tambahan kepada LPPKN. Peruntukan baru seksyen 3A dan 3B dimasukkan hanya untuk mengadakan peruntukan yang lebih spesifik tentang fungsi dan kuasa lembaga. Malah fungsi utama asal masih dikekalkan iaitu menasihati kerajaan melaksanakan dan menyelaras program, memberi pendidikan, menjalankan latihan termasuk kepada jurulatih serta memantau dan menilai program.

Bagi menjalankan fungsi berkenaan, LPPKN menjalankan kerjasama dengan agensi-agensi seperti berikut:

- (i) Program Pembangunan Keluarga seperti keibubapaan dan pembangunan remaja;
- (ii) melibatkan kerjasama dengan Kementerian Pelajaran, Kementerian Kemajuan Luar Bandar dan Wilayah, Kementerian Belia dan Sukan, Jabatan Kebajikan Masyarakat, Jabatan Perpaduan Negara dan Integrasi Nasional, pertubuhan bukan kerajaan dan badan-badan agama;
- (iii) Program Reproduksi Manusia, penyampaian khidmat perancangan keluarga melibatkan kerjasama dengan Kementerian Kesihatan dan NGO, iaitu persatuan-persatuan perancangan keluarga Malaysia dan khidmat *infertility* melibatkan kerjasama dengan Kementerian Kesihatan dan pakar-pakar daripada IPT.

Rang undang-undang ini memperjelaskan lagi fungsi lembaga. Tidak dinafikan implikasinya luas kerana program-program reproduksi manusia dan pembangunan keluarga boleh mencorakkan trend kependudukan negara. Mengenai kuasa untuk LPPKN, akta ini secara terus mewujudkan cawangan-cawangan di seluruh negara. Peruntukan ini diperlukan supaya program dan perkhidmatan dapat diperluaskan ke peringkat akar umbi dan dinikmati oleh semua lapisan masyarakat.

Dalam hal ini cadangan Yang Berhormat bagi Kuala Terengganu dan Yang Berhormat bagi Pasir Puteh supaya yayasan pembangunan keluarga ditubuhkan di setiap negara juga dialu-alukan. Terpulanglah kepada kerajaan-kerajaan negeri untuk mempertimbangkannya. Walau bagaimanapun, dengan pindaan akta ini ianya membolehkan sebuah perbadanan ataupun yayasan diwujudkan oleh LPPKN jika didapati sesuai.

Syor daripada Yang Berhormat bagi Kuala Terengganu agar ahli lembaga LPPKN terdiri daripada kalangan mereka yang mempunyai kepakaran sememangnya diamalkan supaya ahli-ahli lembaga dilantik dari pelbagai bidang tanpa mengira *gender*, bangsa atau agama. Pindaan akta ini akan memberi lebih ruang untuk melantik ahli lembaga terdiri daripada agensi kerajaan, NGO atau individu yang mempunyai kepakaran.

**Dato' Paduka Haji Badruddin bin Amiruldin [Jerai]:** *[Bangun]*

**Datin Paduka Chew Mei Fun:** Pandangan Yang Berhormat bagi Kuala Terengganu....

**Timbalan Yang di-Pertua [Datuk Lim Si Cheng]:** Yang Berhormat, Yang Berhormat bagi Jerai. Yang Berhormat hendak minta jadi ahlikah?

**Dato' Paduka Haji Badruddin bin Amiruldin [Jerai]:** Bukan ahli, pengerusi. Tak, tak. Jadi boleh Yang Berhormat tolong catat bahawa ahli lembaga itu sekurang-kurangnya dilantik juga Ahli Dewan Rakyat supaya kita memberi *input* dan *output*.

**Timbalan Yang di-Pertua [Datuk Lim Si Cheng]:** Itulah Yang Berhormat, saya dapat baca Yang Berhormat.

**Dato' Paduka Haji Badruddin bin Amiruldin [Jerai]:** Tuan Yang di-Pertua orang yang berpengalaman sebagai Tuan Yang di-Pertua. Terima kasih Yang Berhormat.

**Datin Paduka Chew Mei Fun:** Cadangan dari Yang Berhormat bagi Jerai ini akan disampaikan kepada Yang Berhormat Menteri. Tuan Yang di-Pertua, pandangan Yang Berhormat bagi Kuala Terengganu agar pelaksanaan fungsi lembaga tidak tertumpu kepada aspek advokasi semata-mata dan penekanan diberi juga kepada latihan untuk jurulatih iaitu TOT.

**Timbalan Yang di-Pertua [Datuk Lim Si Cheng]:** Apa itu TOT?

**Datin Paduka Chew Mei Fun:** *Training of trainer*, dengan izin.....

**Timbalan Yang di-Pertua [Datuk Lim Si Cheng]:** Oh, TOT.

**Datin Paduka Chew Mei Fun:** ...Serta sistem sokongan keluarga diterima. TOT untuk agensi-agensi lain dan NGO sememangnya....

**Timbalan Yang di-Pertua [Datuk Lim Si Cheng]:** Itu bahasa Inggeris Yang Berhormat ya?

**Datin Paduka Chew Mei Fun:** Ya.

**Dato' Paduka Haji Badruddin bin Amiruldin [Jerai]:** Bahasa Malaysia Tuan Yang di-Pertua jadi macam mana, latihan kepada jurulatih?

**Timbalan Yang di-Pertua [Datuk Lim Si Cheng]:** Apa dalam bahasa kebangsaan, TOT?

**Datin Paduka Chew Mei Fun:** Tadi Yang Berhormat....

**Dato' Seri Diraja Syed Razlan ibni Syed Putra Jamalullail [Arau]:** Tut! Tut...

**Dato' Paduka Haji Badruddin bin Amiruldin [Jerai]:** Itu tut! Tut! Di Hadyai Tuan Yang di-Pertua...

**Beberapa Ahli:** [Ketawa]

**Datin Paduka Chew Mei Fun:** Latihan untuk jurulatih, okey. Untuk agensi-agensi lain dan NGO sememangnya telah dilakukan bagi Program Pembangunan Keluarga seperti Kursus Praperkahwinan *Smart Start*, Modul Keibubapaan, Pakej Kasih, dan Program Pembangunan Remaja iaitu Permata Kasih.

Untuk mengukuhkan institusi keluarga, sistem sokongan kepada keluarga melibatkan *input* berbagai-bagai agensi contohnya kementerian ini bekerjasama dengan NGO dalam menyediakan kemudahan pusat jagaan kanak-kanak di tempat kerja dan dalam komiti bagi membolehkan ibu-ibu bekerja. LPPKN, JKM dan JPW juga menawarkan perkhidmatan kaunseling di setiap negeri untuk membantu keluarga-keluarga yang menghadapi masalah. Malahan LPPKN sedang mewujudkan satu pusat keluarga di komuniti keluarga dan menawarkan kaunseling kelompok dan terapi kekeluargaan.

Dalam pada itu kementerian ini juga sentiasa mempertingkatkan usaha untuk menggalakkan majikan-majikan mewujudkan tempat kerja yang mesra keluarga seperti penyediaan pusat jagaan kanak-kanak di tempat kerja, waktu kerja anjal dan sebagainya. NGO dan komuniti turut berperanan membantu kementerian ini dalam menangani masalah keluarga. Di samping itu, sebanyak 29 Kompleks Kasih keluarga akan dibina oleh LPPKN dalam tempoh 10 tahun akan datang di peringkat negeri dan juga peringkat daerah.

[Timbalan Yang di-Pertua [Datuk Dr. Yusof bin Yacob] **mempengerusikan Mesyuarat**]

Kompleks ini akan menyediakan khidmat kekeluargaan di bawah satu bumbung dari segi kursus keibubapaan, pusat jagaan kanak-kanak iaitu satu modul untuk bakal pengusaha-pengusaha. Pihak kesihatan reproduktif dan kem pembangunan sahsiah semasa.

Merujuk kepada persoalan daripada Yang Berhormat bagi Bukit Mertajam mengenai hubungan seks di kalangan penuntut-penuntut IPT. Kementerian sedar bahawa perkara ini perlu ditangani dengan segera. Pendidikan seks dan agama perlu diajar kepada anak-anak seawal mungkin.

**Tuan Teng Boon Soon [Tebrau]:** [Bangun]

**Timbalan Yang di-Pertua [Datuk Dr. Yusof bin Yacob]:** Tebrau Yang Berhormat.

**Tuan Teng Boon Soon [Tebrau]:** Minta penjelasan. Tadi Yang Berhormat Setiausaha Parlimen menyebutkan tentang kursus ibu bapa adakah kursus ibu bapa itu terbuka kepada yang bukan beragama Islam juga?

**Datin Paduka Chew Mei Fun:** Modul-modul yang disediakan oleh LPPKN ini untuk semua bukan hanya untuk kaum Muslim.

Saya teruskan. Dalam hal ini kementerian sedang bekerjasama dengan Kementerian Pelajaran untuk menyediakan satu garis panduan mengenai pendidikan kesihatan reproduktif dan sosial. Penyediaan garis panduan ini diharap dapat membekalkan ilmu kepada rakyat Malaysia daripada pelbagai peringkat usia untuk bersikap positif dalam kehidupan melalui penerapan nilai murni serta norma kemanusiaan yang mulia tanpa mengira *gender*.

Selain daripada itu, LPPKN telah mewujudkan dua klinik remaja, *Cafe@teen*. Satu di Kuala Lumpur iaitu berada di bangunan LPPKN dan satu lagi berada di Butterworth untuk mendidik remaja supaya tidak terjebak dalam cara hidup yang tidak sihat. *Peers' educator* dari kalangan remaja juga diwujudkan untuk menyampaikan maklumat-maklumat yang tepat kepada rakan-rakan sebaya. Di samping itu program-program pembangunan remaja yang dijalankan dengan NGO dan agensi-agensi kerajaan berasaskan modul LPPKN iaitu

Permata Kasih turut mengajar remaja untuk katakan tidak kepada kegiatan yang tidak bermoral.

Di samping itu LPPKN turut menganggotai tiga jawatankuasa di bawah Kementerian Pelajaran untuk menangani gejala sosial di sekolah dan satu program keibubapaan akan dijalankan dengan pihak Persatuan Ibu Bapa dan Guru. Mengenai isu anak-anak yang bermasalah, KPWKM mengadakan bengkel interaktif bagi ibu bapa dan anak-anak yang bermasalah sebagai salah satu langkah pemulihan. Adalah diharapkan bengkel sebegini dapat membantu komunikasi dan hubungan kekeluargaan, penglibatan aktif ibu bapa dan bengkel interaktif ini adalah penting untuk menangani masalah salah laku anak-anak.

Yang Berhormat bagi Bukit Mertajam juga menyentuh mengenai keperluan sesuatu dasar mengenai keluarga. Program-program keibubapaan dan anak-anak luar nikah. Menyedari hakikat bahawa keluarga merupakan unit asas dan kritikal dalam usaha pembangunan insan secara menyeluruh, dasar keluarga negara digubal oleh kementerian ini dengan tujuan membangunkan keluarga yang sejahtera dan berdaya upaya bagi melahirkan generasi berkualiti dan berperibadi mulia. Dasar Keluarga Negara mengutamakan kesejahteraan keluarga dapat menyediakan arah tuju pembangunan keluarga secara menyeluruh yang merangkumi pembangunan fizikal, mental, sosial, emosi dan kerohanian bagi setiap peringkat dan kitaran kehidupan keluarga.

**Datuk Haji Astaman bin Abdul Aziz [Titiwangsa]:** *[Bangun]*

**Datin Paduka Chew Mei Fun:** ....Dasar keluarga ini akan memberi hala tuju dan bantuan kepada semua pihak yang....

**Timbalan Yang di-Pertua [Datuk Dr. Yusof bin Yacob]:** Titiwangsa Yang Berhormat.

**Datin Paduka Chew Mei Fun:** Nanti saya habiskan. ...Yang berkepentingan supaya mengintegrasikan perspektif kesejahteraan keluarga dalam dasar dan program pembangunan masing-masing. Silakan.

**Timbalan Yang di-Pertua [Datuk Dr. Yusof bin Yacob]:** Ya, sila Yang Berhormat.

**Datuk Haji Astaman bin Abdul Aziz [Titiwangsa]:** Saya ingin meminta penjelasan sedikit. Memandangkan adalah hasrat kementerian untuk memartabatkan keluarga dan memang benar keluarga itu merupakan satu unit yang terpenting dari segi pentadbiran mana-mana masyarakat pun dan sehinggakan boleh saya ibaratkan satu keluarga itu macam sebuah negeri kecil di mana adalah diharapkan ditadbir oleh sebuah kerajaan yang mungkin boleh kita panggil ibu bapa dan sekiranya kerajaan ini lemah maknanya ibu bapa ini tidak dapat mentadbir segala-galanya iaitu pemakanan, perumahan, *transport*, pendidikan dan sebagainya.

Menginsafi perkara ini dua tahun dahulu di Dewan yang mulia ini, saya telah mencadangkan agar modul-modul keibubapaan ini diperkenalkan secara mandatori kepada mereka yang ambil Kursus Perkahwinan. Jadi mungkin di sini saya hendak bertanyakan, daripada kita menunggu masyarakat tampil ke hadapan untuk merebut modul-modul yang disediakan oleh pihak kementerian, mungkin modul keibubapaan ini diperkenalkan secara mandatori kepada mereka yang ingin berkahwin dan secara berperingkat untuk mereka yang sudah berkahwin. Minta penjelasan.

**Datin Paduka Chew Mei Fun:** Pada peringkat ini LPPKN atau kementerian telah pun melaksanakan satu program *smart start* yang mana kita pada tahun ini kita akan adakan 150 program pra perkahwinan. Melalui *smart start* ini kita juga mewujudkan kursus-kursus keibubapaan dan setakat ini kita belum lagi bercadang untuk mewajibkan dan kita ambil satu *approach* iaitu menggalakkan yang mana yang hendak kahwin supaya menyertai kursus pra perkahwinan kita.

Saya sambungkan. Mengenai penggubalan Dasar Keluarga Negara, ini di bawah Kementerian Keluarga....

**Datuk Haji Mohamad bin Haji Aziz [Sri Gading]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Sri Gading bangun Yang Berhormat.

**Datuk Haji Mohamad bin Haji Aziz [Sri Gading]:** Terima kasih Tuan Yang di-Pertua, terima kasih Yang Berhormat Setiausaha Parlimen.

Kursus-kursus keibubapaan menjadi macam *trend* sudah sekarang ini. Hendak kahwin Kursus Pra Perkahwinan. Selepas itu hendak menjadi ibu bapa ada kursus pra ibu bapa, tetapi masalah masyarakat nampaknya makin gawat, penceraian berlaku, anak-anak terbiar.

Saya hendak tanya Yang Berhormat Setiausaha Parlimen, dulu ibu bapa kita tidak ada kursus ini semua, tidak ada apa-apa kursus pun tetapi nampaknya rumah tangga dan yang lebih cantik tidak ada percintaan pun antara lelaki dan perempuan. Kadang-kadang lelaki dan perempuan berjumpanya hanya dalam kelambu malam pertama sahaja... *[Ketawa]*

Sebelum itu tidak kenal, tidak pernah jumpa, dia cinta selepas kahwin. Bukan macam sekarang, cinta dahulu baru kahwin, dahulu tidak. Kahwin dahulu baru cinta, kursus pada masa itu tidak ada tetapi mereka kekal dan anak-anak mereka boleh diasuh dan anak-anak yang diasuh begitu mengikut kata. Ibu-ibu dahulu ambil contoh, ini satu benda yang agak ajaib kepada seorang wanita yang jadi ibu. Ini dahulu, ini dahulu!

**Dato' Paduka Haji Badruddin bin Amiruldin [Jerai]:** *[Menyampuk]*

**Datuk Haji Mohamad bin Haji Aziz [Sri Gading]:** *[Ketawa]* Jerai ganggu sayalah.

**Datuk Haji Mohd. Said bin Yusof [Jasin]:** *[Menyampuk]*

**Datuk Haji Mohamad bin Haji Aziz [Sri Gading]:** "Ek"!... *[Ketawa]* Tidak ada kursus Tuan Yang di-Pertua.

**Timbalan Yang di-Pertua [Datuk Dr. Yusof bin Yacob]:** Yang Berhormat tujukan soalan kepada saya.....

**Datuk Haji Mohamad bin Haji Aziz [Sri Gading]:** Ini soalan, tetapi saya kena menghadap Tuan Yang di-Pertua... *[Dewan gamat dengan ketawa]*

**Timbalan Yang di-Pertua [Datuk Dr. Yusof bin Yacob]:** Ini Yang Berhormat tengok Jerai bukan tengok saya.

**Datuk Haji Mohamad bin Haji Aziz [Sri Gading]:** Jerai ini dalam perjalanan saya menengok Tuan Yang di-Pertua, dia ada di tengah-tengah. "Ek", kata anaknya, dia tahu, sama ada anak ini lapar, anak ini haus, anak ini basah, atau anak ini sakit. "Ek", dia tahu, "Ek" anak itu dia boleh bezakan, Oh! anak aku lapar katanya.....

**Dato' Paduka Haji Badruddin bin Amiruldin [Jerai]:** Kalau dia "Okh"?

**Datuk Haji Mohamad bin Haji Aziz [Sri Gading]:** Tidak boleh Jerai... *[Ketawa]*

**Dato' Paduka Haji Badruddin bin Amiruldin [Jerai]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Yang Berhormat, Jerai duduklah, tidak boleh cakap!

**Datuk Haji Mohamad bin Haji Aziz [Sri Gading]:** Ini slot, bukan saya berucap.

**Dato' Paduka Haji Badruddin bin Amiruldin [Jerai]:** Tidak, hendak tanya, kalau dia "Oh"! Cakap macam mana?... *[Dewan menjadi gamat dengan ketawa]*

**Timbalan Yang di-Pertua [Datuk Dr. Yusof bin Yacob]:** Ya, Sri Gading cukuplah Sri Gading, biarlah, Setiausaha Parlimen sudah faham itu.

**Datuk Haji Mohamad bin Haji Aziz [Sri Gading]:** Tidak, biar, biar..., dia menggoreng ikan, ibu dahulu, kasih sayang seorang ibu. Kasih sayang seorang ibu, dia

goreng ikan Tuan Yang di-Pertua dan Yang Berhormat Setiausaha Parlimen, dia menggorengkan dia letak anak dia yang sebagai bayi itu, "Ek", kata anak dia. Dia tengah goreng sebab hendak bagi suami yang akan balik ini, dia kata, Nanti nak! Dia biarkan, dia teruskan menggoreng ikan, "Ek" yang kedua, Nak sabar nak, dia menggoreng ikan. "Ekkk" panjang sedikit, dia akan tinggalkan goreng ikan dia, dia pergi kepada anaknya.

Begitu kasih sayang seorang ibu dan dia susukan anaknya, bayinya dan faktor-faktor seperti ini yang menyebabkan rumah tangga mereka kekal, jadi cuba Yang Berhormat Setiausaha Parlimen boleh atau tidak terangkan walaupun tidak ada pengalaman, macam mana... [*Dewan menjadi gamat seketika*] Suasana, suasana dahulu itu boleh mengekalkan rumah tangga, kursus-kursus yang kita anjurkan seolah-olah sebagai trend tetapi tidak memberikan apa-apa faedah, apa komen Yang Berhormat?

**Datin Paduka Chew Mei Fun:** Terima kasih Yang Berhormat Sri Gading, keperluan untuk mengadakan kursus-kursus pra-perkahwinan, kursus keibubapaan ini semakin hari semakin meningkat ini adalah kerana pembangunan negara kita juga membawa kepada perubahan struktur keluarga dan trend sosial demografi. Termasuk perubahan nilai yang menghasilkan berbagai kesan, sama ada positif atau negatif. Di samping itu pada zaman yang dahulu kebanyakan keluarga hanya bapa yang bekerja tetapi sekarang kedua-dua ibu bapa mereka bekerja oleh itu mendatangkan juga implikasi yang negatif. Inilah mengapa kita perlukan lebih banyak kursus keibubapaan supaya mereka dapat dilatih kemahiran macam mana untuk berinteraksi dengan anak-anak mereka.

**Dato' Paduka Haji Badruddin bin Amiruldin [Jerai]:** [*Bangun*]

**Timbalan Yang di-Pertua [Datuk Dr. Yusof bin Yacob]:** Ya, Yang Berhormat bagi Jerai bangun, Yang Berhormat.

**Datin Paduka Chew Mei Fun:** Sila.

**Beberapa Ahli:** [*Ketawa*]

**Dato' Paduka Haji Badruddin bin Amiruldin [Jerai]:** Tidak ada, ini bukan "Ekk, Okh", benda ini bukan perkara lawak, bukan saya bergurau Tuan Yang di-Pertua, ini serius, adakah Yang Berhormat membuat kajian kerana makanan. Makanan menyebabkan seorang itu dia menunjukkan perangnya. Dahulu apabila anak itu "Ek", dua kali "Ek", dia tahu anak hendak menyusu. Jadi emak memberi susu badan kepada anak itu, iaitu badan, susu daripada badan seorang manusia tetapi hari ini kerana kita beri susu lembu, susu-susu daripada haiwan untuk anak kita. Jadi mungkinkah dari segi tidak tahu, mungkin Arau, Arau pakar sains ataupun Kepong. Arau dengan Kepong lebih cekap tentang *biotech* apa semua, adakah ini menyebabkan seorang budak itu ataupun seorang manusia itu berkelakuan kadang-kadang, seolah-olah macam itu.

Mungkinlah, ini Tuan Yang di-Pertua, ini bukan mungkin orang anggap sebagai benda ini tetapi ini serius. Adakah makanan juga menyebabkan manusia hari ini tidak berkasih sayang dengan keluarga, tidak ada kasih sayang dengan ibu bapa kerana ibu itu sibuk jadi dia tidak boleh menyusu anak itu dan membiarkan anak itu dipelihara oleh orang-orang pembantu rumah dan ini menyebabkan anak itu tidak seperti yang ber de "EK" macam zaman Sri Gading dahulu. Jadi inilah kalau "Okh" itu bapa, kalau "Ek" itu anak, jadi macam mana dengan pandangan Yang Berhormat?

**Datin Paduka Chew Mei Fun:** Saya bukan pakar dalam makanan dan oleh itu saya tidak dapat jawab tetapi memandangkan kebanyakan warganegara kita walaupun mereka meminum susu lembu tetapi mereka masih insan yang membina oleh itu saya rasa mungkin itu bukan satu sebab mengapa sekarang kita menghadapi masalah sosial yang begitu serius.

**Dato' Haji Che Min bin Che Ahmad [Pasir Puteh]:** [*Bangun*]

**Timbalan Yang di-Pertua [Datuk Dr. Yusof bin Yacob]:** Ya, Yang Berhormat bagi Pasir Puteh bangun Yang Berhormat. Yang Berhormat bagi Pasir Puteh hisap susu kambing.... [*Dewan menjadi gamat dengan ketawa*]

**Beberapa Ahli:** [*Ketawa*]

**Seorang Ahli:** Kambing gurun!

**Dato' Haji Che Min bin Che Ahmad [Pasir Puteh]:** Silap! Saya dalam kursus keibubapaan kah, pra perkahwinan kah, perlu saya rasa Yang Berhormat untuk selaku Setiausaha Parlimen ada kuasa boleh melihat balik dalam kurikulum *syllabus* itu memperteguh dan memelihara budaya, berteraskan nilai-nilai murni kerana keutuhan budaya moral inilah boleh mencetuskan bahagia hidup kita dan hidup kita akan selamat. Yang akhir sekali ialah menangani secara berkesan budaya-budaya yang tidak sihat supaya kita tunjuk ini budaya tidak sihat boleh membawa kepada porak-peranda, nilai dan moral kita. Ini saya rasa ini perlu untuk kalau sudah buat itu tidak apalah, terima kasih.

**Datin Paduka Chew Mei Fun:** Saya rasa apa yang dicadangkan oleh Yang Berhormat itu pun sudah ada di dalam kursus modul kita. Mengenai Dasar Keluarga Negara, penggubalan DKN adalah di bawah kuasa...

**Tuan Haji Fadillah bin Yusof [Petra Jaya]:** [Bangun]

**Timbalan Yang di-Pertua [Datuk Dr. Yusof bin Yacob]:** Yang Berhormat bagi Petra Jaya, Yang Berhormat.

**Datin Paduka Chew Mei Fun:** Sila.

**Timbalan Yang di-Pertua [Datuk Dr. Yusof bin Yacob]:** Ya, sila.

**Tuan Haji Fadillah bin Yusof [Petra Jaya]:** Terima kasih Tuan Yang di-Pertua dan Setiausaha Parlimen, saya ingin kembali kepada SMARTStart, kursus-kursus yang dijalankan oleh agensi-agensinya di bawah kementerian.

Saya sendiri secara peribadi memang menyokong banyak program yang telah dijalankan Cuma kelemahan yang dapat kita tengok daripada program yang dilaksanakan ialah pertama, bila program dijalankan kumpulan sasaran, kita tidak menyimpan *database* ataupun mengambil maklum balas daripada peserta setakat mana keberkesanan kursus-kursus yang telah dijalankan. Bila kita tidak ada *database* dan kumpulan sasaran yang selalu sering hadir dalam kursus-kursus diadakan ialah peserta-peserta yang sama dan kebanyakan kalinya kita bekerjasama dengan agensi luar untuk menjalankan kursus-kursus tersebut. Kerjasama dengan badan yang lain, jadi dari segi sudut itu kita akan nampak kelemahan bahawa mereka akan lebih berminat untuk mengadakan kursus bagi mendapat perolehan daripada agensi kerajaan.

Jadi tidak kepada matlamat untuk mencari kumpulan sasaran yang sepatutnya hadir dalam kursus tersebut. Di sinilah saya rasa pentingnya kita mendapat *database* dan maklum balas daripada kumpulan-kumpulan peserta yang telah hadir supaya *broadbase* lebih besar, kumpulan yang telah menghadiri kursus tersebut. Adakah pandangan setiausaha parlimen berkaitan perkara ini telah dilaksanakan oleh kementerian dan apakah sistem pemantauan yang ada telah dijalankan pada masa ini, terima kasih.

**Datin Paduka Chew Mei Fun:** Yang Berhormat, sebenarnya program *SmartStart* iaitu *Pilot Projek Smart Start* yang sedang dijalankan oleh kementerian, di dalam *pilot* projek ini kita sudah ada satu rancangan iaitu selepas program ini dijalankan kita akan mengkaji dan kita akan mendapatkan maklum balas daripada semua peserta-peserta supaya kita dapat memahami keberkesanan program yang kita jalankan itu. Untuk kami, kumpulan sasar ini yang mana-mana hendak berkahwin, mereka adalah kumpulan sasar kita kerana susah untuk kita mengenal pasti yang mana dia perlukan program ini. Mengenai ...

**Dato' Paduka Haji Badruddin bin Amiruldin [Jerai]:** [Bangun]

**Timbalan Yang di-Pertua [Datuk Dr. Yusof bin Yacob]:** Yang Berhormat bagi Jerai Yang Berhormat.

**Dato' Paduka Haji Badruddin bin Amiruldin [Jerai]:** Yang Berhormat kita ada sedikit masalah teknikal dari segi pembesar suara. Yang Berhormat saya ingin merujuk balik kepada kasih sayang, saya ada merujuk dengan pakar rujuk saya Yang Berhormat bagi Arau, dia mengatakan..., tadi... Ini benda ini kita sekarang hendak kasih sayang dan kita nampak hari ini yang berlaku masalah ini kerana tidak ada kasih sayang. Suami isteri

tidak ada kasih sayang, bercerai. Kemudian anak tidak menghormati ibu kerana tidak ada kasih sayang, anak sanggup menghantar ibu ke rumah orang tua-tua kerana tidak ada kasih sayang.

Jadi saya bertelaah dengan Yang Berhormat bagi Arau, sebenarnya apabila seseorang anak itu disusui oleh ibu dan saya ingat ada kempen menyusu badan *something like that*, yang dianjurkan oleh kementerian sendiri kerana dalam pelukan itu, maka anak itu mempunyai kasih sayang dan anak itu mendengar denyutan dan degupan jantung ibu itu. Jadi di situlah wujudnya kasih sayang di antara ...

**Dato' Seri Diraja Syed Razlan ibni Syed Putera Jamalullail [Arau]:** Itu panggilan *comfort zone*...

**Dato' Paduka Haji Badruddin bin Amiruldin [Jerai]:** Ya, *comfort zone* ya, di antara anak dan ibu.....

**Dato' Seri Diraja Syed Razlan ibni Syed Putera Jamalullail [Arau]:** *Bonding*.

**Dato' Paduka Haji Badruddin bin Amiruldin [Jerai]:** *Bonding*, bapa tidak usah kiralah, ini anak, anak dengan ibu ini.

**Beberapa Ahli:** *[Ketawa]*

**Timbalan Yang di-Pertua [Datuk Dr. Yusof bin Yacob]:** Jangan kaitkan dengan bapa Yang Berhormat, itu anak.

**Dato' Paduka Haji Badruddin bin Amiruldin [Jerai]:** Ya, bapa dia dengan emaknya. Ini anak dengan ibu, jadi saya minta Yang Berhormat agar mengkaji sedikit dan minta kementerian mengkaji dan kita kempen balik, kempen susu badan ibu supaya dakapan ibu kepada anak itu akan mengeratkan lagi kasih sayang di antara ibu dengan anak. Sebenarnya Tuan Yang di-Pertua, dakapan itulah yang membuatkan kasih sayang, setuju Yang Berhormat?

**Datin Paduka Chew Mei Fun:** Setuju, setuju, ya.

**Dato' Paduka Haji Badruddin bin Amiruldin [Jerai]:** Okey, terima kasih.

**Datin Paduka Chew Mei Fun:** *[Ketawa]* Saya rasa kempen ini sudah pun dijalankan oleh Kementerian Kesihatan kalau saya tidak silap dan saya amat setuju kerana Yang Berhormat lebih pengalaman dari saya.... *[Ketawa]* *[Dewan menjadi gamat dengan ketawa]*

Okey, mengenai Dasar Keluarga Negara yang dibangkitkan oleh Yang Berhormat bagi Bukit Mertajam dan Yang Berhormat bagi Sri Gading, penggubalan Dasar Keluarga Negara ini adalah di bawah kuasa Kementerian Pembangunan Wanita, Keluarga dan Masyarakat dan telah melibatkan agensi kerajaan seperti Kementerian Kesihatan, Kementerian Belia dan Sukan, Kementerian Pembangunan Luar Bandar dan Wilayah dan JAKIM. NGO seperti *Federations of Family Planning Associations Malaysia*, *National Council for Women Organisation* dengan izin, Persatuan Pengasuh Pendaftar Malaysia dan *Fokus on the Family* dengan izin, turut terlibat dalam proses penggubalan dasar tersebut.

**Tuan Devamany a/l. S. Krishnasamy [Cameron Highlands]:** *[Bangun]*

**Timbalan Yang di-Pertua [Datuk Dr. Yusof bin Yacob]:** Yang Berhormat bagi Cameron Highland bangun Yang Berhormat, bangun.

**Tuan Devamany a/l. S. Krishnasamy [Cameron Highlands]:** Dasar, dasar berkaitan dasar ini.

**Datin Paduka Chew Mei Fun:** Tadi Yang Berhormat bagi Bukit Mertajam mengesyorkan kita mesti ada *consultative*. Sebenarnya proses *consultative* telah dijalankan dan melibatkan orang ramai, agensi kerajaan dan pihak NGO melalui lima bengkel pada tahun 2004 ke tahun 2006 dan forum *consultative* pada tahun 2005, ya silakan.

**Timbalan Yang di-Pertua [Datuk Dr. Yusof bin Yacob]:** Ya, Yang Berhormat bagi Cameron Highlands.

**Tuan Devamany a/l S. Krishnasamy [Cameron Highlands]:** Terima kasih Tuan Yang di-Pertua dan terima kasih kepada Yang Berhormat Setiausaha Parlimen Kementerian Pembangunan Wanita, Keluarga dan Masyarakat. Baik, saya hendak tanya apabila kita katakan dasar ini, dasar itu adakah ia berkaitan dengan NGO sahaja, ataupun dasar keseluruhan yang dikatakan tadi? Keseluruhan?

**Datin Paduka Chew Mei Fun:** Yang Berhormat, kalau kita sebut dasar itu Dasar Keluarga Negara bermakna melibatkan semua agensi.

**Tuan Devamany a/l. S. Krishnasamy [Cameron Highlands]:** Terima kasih. Ada soalan berkaitan dengannya, baru-baru ini ada kontroversi di negara-negara maju mengenai *reproduction* dengan izin. Maka *reproduction* ini baru-baru ini digunakan untuk tujuan perubatan. Salah satu daripada isu yang bangkit ialah *cloning*, isu *cloning* di mana ianya digunakan oleh pakar-pakar sains di Amerika dan juga beberapa negara di Eropah dan Korea Selatan, *therapeutic cloning* dan *reproductive cloning*. *Cloning* ini akan semakin popular di negara-negara seluruh dunia, khususnya di negara maju. Maka saya dapati bahawa Malaysia belum jelas lagi dari segi konsep dan kandungan, dasar *cloning* ini, berkaitan dengan *therapeutic* untuk tujuan perubatan yang mungkin akan melibatkan sel-sel untuk tujuan perubatan dan satu lagi yang berkaitan dengan Kementerian itu *reproduction* untuk pembangunan keluarga.

Saya hendak tanya, Yang Berhormat Setiausaha Parlimen, apakah dasar yang jelas mengenai *reproduction cloning* yang semakin dibicarakan di Bangsa-Bangsa Bersatu dan apakah pandangan ataupun dasar Malaysia dan implikasinya kepada budaya Malaysia, masyarakat Malaysia? Adakah sudah ada perbincangan, perangkaan dan bilakah akan diamalkan atau tidak akan diamalkan, *reproductive cloning*? Minta pandangan.

**Datin Paduka Chew Mei Fun:** Ya, Yang Berhormat bagi Cameron Highlands isu ini baru-baru ini dibangkitkan dalam *I think* dalam surat khabar dan juga Menteri Kesihatan sudah memberi pandangan beliau dan Kementerian kita telah ambil maklum mengenai perkembangan ini dan kita akan...

**Tuan Devamany a/l. S. Krishnasamy [Cameron Highlands]:** Apa pendirian, apa pendirian Kementerian? Setuju atau tidak setuju terhadap *reproductive cloning*?

**Datin Paduka Chew Mei Fun:** Kalau ini untuk kesihatan, memang kita akan setuju kerana kesihatan *reproduction* ini adalah satu peranan yang dimainkan oleh LPPKN tetapi kalau kita guna bagi kita memilih untuk melahirkan anak lelaki atau anak perempuan, ini kita tidak bersetujulah.

**Tuan Devamany a/l. S. Krishnasamy [Cameron Highlands]:** Tidak bersetuju? Itukan hak si suami isteri untuk memilih jantina....

**Timbalan Yang di-Pertua [Datuk Dr. Yusof bin Yacob]:** Yang Berhormat, Yang Berhormat dia bukan dialog macam itu, ya.

**Tuan Devamany a/l. S. Krishnasamy [Cameron Highlands]:** Bukan, saya tanya Tuan Yang di-Pertua, ini isu serius ini sekarang banyak dibicarakan.

**Timbalan Yang di-Pertua [Datuk Dr. Yusof bin Yacob]:** Ya.

**Datin Paduka Chew Mei Fun:** Kalau ini disetujui, kebanyakan keluarga mungkin mereka akan memilih untuk melahirkan anak lelaki dan bila anak lelaki lebih daripada anak perempuan ini akan mendatangkan satu implikasi yang negatif untuk masyarakat. Oleh itu, kita mesti ikut natural dan kita...

**Tuan Devamany a/l. S. Krishnasamy [Cameron Highlands]:** Mana hak asasi manusia?

**Datin Paduka Chew Mei Fun:** Hak asasi manusia, apakah itu hak asasi manusia? Kalau dia dibeli hak untuk berada di dunia ini *you* yang pilih, hak asasi ini saya rasa biar ikut natural. Terima kasih.

Mengenai keperluan asas keluarga, sesungguhnya kementerian ini amat menekankan aspek kesejahteraan keluarga secara keseluruhan. Oleh itu keperluan asas keluarga dititikberatkan dengan mengadakan kerjasama serta memajukan isu-isu yang perlu diambil kira oleh agensi-agensi lain seperti Kementerian Pelajaran, Kementerian Kesihatan dan Kementerian Pembangunan Luar Bandar dan Wilayah. Kementerian ini sedar bahawa ramai gadis atau wanita muda melahirkan anak luar nikah dan salah satu puncanya adalah kekurangan pengetahuan mengenai *sexuality* mereka.

Untuk membantu mereka yang berumur bawah 18 tahun perlindungan segera disediakan di bawah seksyen 41, Akta Kanak-Kanak 2001, tanpa melalui mahkamah. Perlindungan dan pemulihan disediakan di enam Taman Seri Puteri melalui pelbagai program yang disediakan seperti bimbingan dan kaunseling, pendidikan agama, pendidikan formal, latihan vokasional, riadah dan sebagainya. Memandangkan wanita lebih 18 tahun bukan di bawah tanggungjawab kementerian, program bantuan dan perlindungan bagi wanita yang menghadapi masalah ini disediakan oleh pertubuhan sukarela kebajikan.

Dalam hal ini kementerian melalui Jabatan Kebajikan Masyarakat menyediakan bantuan geran untuk membantu mereka mengendalikan perkhidmatan ini. Setakat ini geran berjumlah RM4,333,462 diberikan kepada lapan buah pertubuhan sukarela yang menyediakan kemudahan perlindungan bagi wanita yang mengandung luar nikah.

Walau bagaimanapun, kementerian sedang mengkaji usaha-usaha lain yang dapat dijalankan untuk membantu golongan ini atas dasar perikemanusiaan serta menjamin keselamatan anak-anak mereka. Selain daripada itu, satu kajian juga akan dijalankan oleh LPPKN untuk meneliti permasalahan ini bagi menggariskan cara yang terbaik untuk mewujudkan *safe haven* untuk anak-anak luar nikah tersebut. Pandangan daripada Yang Berhormat bagi Bukit Mertajam dan Yang Berhormat bagi Parit supaya ilmu diberi kepada mereka yang ingin mendirikan rumah tangga dan mereka yang telah berkahwin untuk mengukuhkan lagi institusi keluarga dan mencegah gejala-gejala sosial remaja wajar diambil kira.

Untuk makluman Yang Berhormat, Kursus Praperkahwinan *SmartStart* merupakan salah satu usaha yang dijalankan oleh LPPKN dengan kerjasama NGO dan Majlis Pembangunan Wanita dan Keluarga untuk memperkukuhkan institusi perkahwinan. Kursus ini memberi maklumat dan pendedahan awal kepada bakal pasangan yang ingin mendirikan rumah tangga dengan mengambil kira aspek-aspek lain seperti pengurusan kewangan keluarga, undang-undang keluarga dan cara-cara menangani konflik.

Berkenaan dengan kepentingan ilmu keibubapaan seperti yang dibangkitkan oleh Yang Berhormat bagi Bukit Mertajam, sebenarnya LPPKN telah banyak melaksanakan program keibubapaan menerusi ceramah, kursus, bengkel, seminar dan sebagainya. Bagi tahun 2001 hingga 2004 sebanyak 728 program yang melibatkan seramai 89,998 peserta telah dijalankan oleh LPPKN secara kerjasama dengan agensi kerajaan dan NGO.

Bagi memberi pendedahan berkaitan kemahiran keibubapaan di kalangan pasangan ibu bapa bekerja, khususnya dalam membantu mereka mengimbangi tanggungjawab di antara keluarga dan kerjaya, pelaksanaan program *Parenting@Work* merupakan inisiatif baru yang diambil oleh LPPKN dalam menangani isu-isu kekeluargaan. Modul program ini sedang dibangunkan dengan pakar-pakar daripada universiti dan agensi-agensi berkaitan.

Program ini dijangka dapat dilaksanakan di jabatan-jabatan kerajaan sebagai permulaan pada akhir tahun ini. Pandangan dari Yang Berhormat bagi Kuala Terengganu mengenai pentingnya aspek pemakanan sihat untuk keluarga, perkara ini adalah di bawah bidang kuasa Kementerian Kesihatan. Walaupun begitu, cadangan Yang Berhormat akan diambil kira dalam pelaksanaan program LPPKN, khususnya yang melibatkan program-program keibubapaan.

Mengenai bilangan juvana yang terlibat dengan jenayah semakin meningkat dan umur mereka semakin muda, keluarga adalah salah satu punca masalah ini berlaku. Usaha-usaha yang dijalankan untuk membantu golongan oleh kementerian adalah seperti berikut.

Penubuhan pusat aktiviti kanak-kanak di kawasan tertentu yang memberi tumpuan kepada kanak-kanak dan keluarga mereka yang dianggap berisiko tinggi atau terdedah kepada unsur-unsur kurang sihat dengan mengadakan pelbagai program dan aktiviti seperti khidmat kaunseling, Kursus Keibubapaan; Kem Remaja; Kem Motivasi; kelas komputer, kelas bimbingan, taman asuhan kanak-kanak untuk ibu-ibu dan sebagainya.

Setakat ini sebanyak 135 pusat aktiviti kanak-kanak telah ditubuhkan di seluruh negara. Peruntukan dalam Akta Kanak-kanak 2001 yang meletakkan tanggungjawab ibu bapa ke atas perlakuan anak-anak mereka. Peruntukan dalam akta berkenaan menetapkan bahawa ibu bapa mesti hadir dalam perbicaraan mahkamah melibatkan anak mereka.

Di samping itu satu peruntukan penting adalah bengkel *interactive workshop* sebagai satu kaedah pemulihan di mana mahkamah boleh perintah kanak-kanak dan ibu bapa mereka untuk menghadiri bengkel ini dalam usaha untuk mengatasi masalah perhubungan keluarga, mengukuhkan kefungsian keluarga kepada ibu bapa akan tahu akan tanggungjawab dan peranan mereka terhadap anak-anak mereka. Aktiviti yang dijalankan..

**Tuan Devamany a/l S. Krishnasamy [Cameron Highlands]:** [Bangun]

**Timbalan Yang di-Pertua [Datuk Dr. Yusof bin Yacob]:** Yang Berhormat bagi Cameron Highlands.

**Datin Paduka Chew Mei Fun:** Aktiviti yang dijalankan meliputi kaunseling keluarga, aktiviti riadah keluarga, kursus keibubapaan dan penilaian kefungsian keluarga. Ya, silakan.

**Tuan Devamany a/l S. Krishnasamy [Cameron Highlands]:** Saya minat.

**Datin Paduka Chew Mei Fun:** Ya.

**Tuan Devamany a/l S. Krishnasamy [Cameron Highlands]:** Okey, terima kasih Tuan Yang di-Pertua, terima kasih Yang Berhormat Setiausaha Parlimen. Saya minta penjelasan mengenai aduan orang ramai bila berlaku masalah antara anak dengan ibu bapa, saya mengalu-alukan bahawa kementerian memandang serius peranan ibu bapa dan tanggungjawab mereka terhadap anak-anak mereka.

Tetapi kini apabila anak-anak mengadu, ada kes-kes di mana ibu bapa, selalunya ayahlah yang dalam keadaan mabuk dan sebagainya memukul anak, *child abuse*. Maka bila dibawa ke balai polis, polis mengatakan kalau ada luka baru boleh buat siasatan. So bila aduan ini dibuat terhadap ugutan-ugutan yang dibuat, tekanan psikologi yang dibuat tetapi tidak ada tindakan yang dibuat kerana tidak ada bukti ternyata daripada segi luaran. Maka kita nampak ada konflik di antara hasrat kementerian Yang Berhormat dengan peranan polis dalam hal ini.

Apakah langkah-langkah yang telah diambil untuk memastikan bahawa segala perundangan yang digubal di peringkat kementerian ini dapat difahami oleh golongan-golongan peringkat bahagian polis di bawah yang boleh menerima laporan-laporan sebegini dan mengambil langkah supaya perkara itu tidak terlalu tenat. Semalam saya dapat dua kes dari Kuantan, di mana saya terpaksa bawa kedua-dua anak perempuan ini meletakkan mereka di bawah sebuah rumah perlindungan kerana dia begitu takut sekali. Bila dibawa ke balai polis, polis tidak mahu mengambil tindakan kerana mereka kata tidak ada bukti. So, macam mana hal ini dapat ditangani? Cukup serius!

**Datin Paduka Chew Mei Fun:** Okey, terima kasih Yang Berhormat bagi Cameron Highlands. Kalau ada perkara-perkara yang sebegini, agensi yang patut dirujuk adalah Jabatan Kebajikan Masyarakat. Biarkan pegawai kita beri bantuan kepada kanak-kanak yang didera itu dan kita akan memastikan kebajikan mereka dapat dilindungi.

Mengenai warga asing yang mempunyai hubungan dengan rakyat Malaysia yang mengakibatkan keruntuhan institusi keluarga. Kementerian akan membawa perkara ini untuk berbincang dengan agensi yang berkaitan seperti Kementerian Hal Ehwal Dalam Negeri untuk diteliti dengan lebih mendalam.

Mengenai pendaftaran orang kurang upaya, Yang Berhormat-Yang Berhormat mengatakan kita tiada *database* bagi setiap jenis kecacatan yang spesifik. Contohnya *autistic*, *down syndrome* dan lain-lain. Bagi tujuan pengumpulan data orang kurang upaya mengikut jenis kecacatan, kecacatan mengenai kecacatan khas seperti *autistic* dan *down syndrome* akan dicatatkan dalam rekod bagi setiap orang kurang upaya tersebut.

Dari aspek latihan, jabatan masih bekerjasama dengan NGO untuk memberi latihan yang lebih khusus seperti latihan kepada kanak-kanak *autistic*, *down syndrome* dan sebagainya. Jabatan juga sedang mengambil tindakan untuk menghantar pegawai bagi mendapatkan latihan yang khusus dalam bidang ini.

Mengenai nafkah, KPWKM sedang mengkaji perkara ini dan kementerian mencadangkan perbincangan lanjut diadakan dengan pihak-pihak berkenaan. Ini adalah supaya masalah berkaitan dengan tuntutan nafkah sama ada kes sivil atau syariah dapat ditangani dengan sewajarnya.

Mengenai Rumah Nur perlu digerakkan oleh NGO dan bukannya kementerian yang banyak kerehah birokrasi, cadangan Yang Berhormat bagi Bukit Mertajam supaya kita swastakan atau kita ada *smart partnership* dengan NGO dan Rumah Nur perlu bertindak sebagai *crisis intervention*. Untuk makluman Yang Berhormat, Rumah Nur yang terdapat di negeri-negeri merupakan Pejabat Pembangunan Wanita Negeri dan diuruskan oleh Pegawai Pembangunan Wanita Negeri. Sememangnya Rumah Nur boleh digunakan oleh NGO untuk program-program pembangunan kapasiti wanita. Pihak NGO bolehlah menghubungi Pejabat Pembangunan Wanita di negeri-negeri berkenaan. Bahkan pegawai-pegawai di Pejabat Pembangunan Wanita di negeri-negeri telah pun dimaklumkan tentang perkara ini.

Antara perkhidmatan yang disediakan di Rumah Nur atau di pejabat Pembangunan Wanita Negeri ialah pelaksanaan program-program pembangunan kapasiti wanita, contohnya kelas masakan, jahitan, bahasa Inggeris, komputer dan ceramah undang-undang. Perkhidmatan sokongan seperti pra kaunseling, penyaluran aduan maklumat setempat. Perkhidmatan ini diberikan untuk wanita termasuk ibu tunggal. Sekiranya pegawai-pegawai di Rumah Nur tidak dapat menyelesaikan masalah, *client* akan dirujuk kepada agensi-agensi yang berkaitan. Buat masa ini, setiap Rumah Nur mempunyai seorang Pegawai Pembangunan Masyarakat yang juga para kaunselor. Jabatan dari masa ke semasa akan melatih mereka dengan pengetahuan dan ilmu kaunseling.

Mengenai pangkalan data ibu tunggal dan keluarga miskin. Kementerian menggunakan pangkalan data sebagai asas untuk menyalurkan bantuan kepada mereka yang memerlukan. Oleh itu tidak benar kalau kita sebut kita tidak ada *database*. Dan pangkalan data ini sentiasa dikemas kini dari masa ke semasa.

Dan untuk memberi bantuan kepada ibu-ibu tunggal, tanggungjawab adalah di bawah semua pihak dan satu sistem sokongan sosial yang berkesan memerlukan penglibatan semua pihak, termasuk peranan orang awam, dan pemimpin setempat serta pihak NGOs.

Maklum balas dari semua pihak akan membantu usaha kerajaan untuk menangani masalah sosial di peringkat akar umbi. Pada masa ini jentera di peringkat akar umbi telah diwujudkan melalui JKM, JPW, Majlis Sosial Negara, Majlis Pembangunan Kebajikan dan Masyarakat dan Majlis Pembangunan Wanita dan Keluarga. Dengan menggunakan jentera atau mekanisme sebegini, masalah di peringkat akar umbi dapat diambil kira dalam penggubalan dasar, program dan perkhidmatan yang diperlukan.

Mengenai isu kaunselor yang dibangkitkan oleh Yang Berhormat bagi Bukit Mertajam, Yang Berhormat bagi Lipis, Yang Berhormat bagi Sabak Bernam, Akta Kaunselor sedang disemak bagi meningkatkan bilangan kaunselor berdaftar yang mempunyai kemahiran dalam bidang kaunseling. Kementerian amat menitikberatkan perkhidmatan kaunseling yang berkualiti.

Buat masa ini, kaunselor atau para kaunselor ditempatkan di setiap negeri. Kementerian dari masa ke semasa melatih mereka dengan pengetahuan dan ilmu kaunseling. Kementerian juga telah menggerakkan semula pasukan Sukarelawan Ombak

bagi menjalankan kerja-kerja kebajikan. Mereka diberi latihan dan ilmu asas menangani krisis termasuk ilmu asas kaunseling, asas perundangan serta peranan-peranan agensi yang terlibat seperti polis, Biro Bantuan Guaman dan hospital.

Mengenai kempen *Rumahku Syurgaku*, adalah usaha JAKIM. Walau bagaimanapun, kementerian telah menjalankan kempen *Utamakan Keluarga, Semakin Hari Semakin Sayang*. Susulan daripada kempen ini, kementerian telah mengambil tindakan seperti berikut:

- (i) menjalankan program *Utamakan Keluarga, Semakin Hari Semakin Sayang* di akar umbi daripada tahun 2003 hingga ke tahun ....

**Timbalan Yang di-Pertua [Datuk Dr. Yusof bin Yacob]:** Yang Berhormat Sabak Bernam.

**Datin Paduka Chew Mei Fun:** Biar saya habiskan dulu.

**Dato' Haji Mat Yasir bin Haji Ikhsan [Sabak Bernam]:** Baik, dia tak mahu matilah.... [*Gangguan sistem pembesar suara*]

**Datin Paduka Chew Mei Fun:** Kempen ini diteruskan dengan tema "Masyarakat Bermaruah". Ya, silakan.

**Dato' Haji Mat Yasir bin Haji Ikhsan [Sabak Bernam]:** Terima kasih. Tuan Yang di-Pertua, Yang Berhormat Setiausaha Parlimen. Ini berkaitan dengan kaunselor. Saya ada memberikan cadangan supaya kementerian ini bermuafakat dengan Kementerian Pelajaran khususnya supaya kaunselor-kaunselor daripada pendidikan ataupun pelajaran, yang terlatih, biasanya lebih daripada tiga tahun, dia ada ijazah, tapi yang lebih penting daripada itu, Yang Berhormat Setiausaha Parlimen ialah pengalaman dia, dengan izin, *you cannot buy experiences*. Ini sangat penting. Kita lihat dalam konteks memberikan kaunseling ini, pengalaman mereka itu akan menentukan berjaya ataupun gagalanya sesuatu tindakan itu.

Oleh kerana itu, Yang Berhormat tidak menjawab tadi, apakah cadangan ini boleh diambil kira ataupun diterima supaya kaunselor daripada pendidikan, pelajaran ini diutamakan untuk memberikan perkhidmatan yang lebih baik kepada kementerian ini. Terima kasih.

**Datin Paduka Chew Mei Fun:** Ini adalah satu cadangan yang baik tetapi memandangkan kaunselor di sekolah ini mereka memainkan peranan untuk kaunseling pelajar-pelajar di sekolah, saya tak pasti adakah mereka ada lagi masa untuk beri bantuan kepada kementerian. Oleh itu adalah penting untuk kementerian mengadakan kaunselor-kaunselor sendiri. Atau kita menggiatkan semua para kaunselor NGO dan sukarelawan supaya mereka dapat beri bantuan kepada Kementerian.

**Dato' Haji Mat Yasir bin Haji Ikhsan [Sabak Bernam]:** ....[*Bercakap tanpa pembesar suara*] [*Gangguan sistem pembesar suara*]

**Datin Paduka Chew Mei Fun:** Guru-guru kaunselor yang baru pencen boleh menjadikan satu untuk beri bantuan kepada kementerian dalam aspek ini.

Cadangan Yang Berhormat mengenai tanggungjawab sosial di kalangan sektor korporat. Cadangan Yang Berhormat dialu-alukan agar tanggungjawab sosial di kalangan sektor korporat dipertingkatkan. Kementerian akan mendapatkan pandangan daripada semua pihak yang berkaitan seperti NGO, pemimpin-pemimpin masyarakat serta agensi kerajaan.

Mengenai cadangan untuk mewujudkan satu yayasan yang disumbangkan oleh syarikat-syarikat, sebenarnya buat setakat ini di bawah Jabatan Kebajikan Masyarakat, kita telah mewujudkan satu Yayasan Kebajikan Negara yang mana tabungannya juga sebilangannya adalah disumbangkan oleh syarikat-syarikat atau korporat.

Mengenai pemantauan di peringkat akar umbi. Selain daripada jabatan agensi di bawahnya, kementerian mewujudkan jentera pemantauan di peringkat akar umbi seperti Majlis Pembangunan Wanita serta MAYANG untuk memberi maklum balas kepada kementerian mengenai kawasan yang memerlukan intervensi dan bantuan. Kementerian juga bekerjasama erat dengan NGOs bagi melaksanakan dasar dan program yang berkesan di peringkat akar umbi. Dialog tahunan diadakan bagi mendapatkan *input* daripada NGO.

Mengenai keluarga miskin. Program kekeluargaan yang dijalankan oleh LPPKN tidak membezakan sama ada keluarga itu miskin atau kaya. Program adalah terbuka kepada semua golongan. Walau bagaimanapun, bantuan am diberi kepada keluarga miskin melalui JKM dan perkhidmatan kesihatan dan pendidikan kekeluargaan juga diberi secara percuma oleh LPPKN kepada keluarga miskin.

Mengenai cadangan Majlis Sosial Daerah yang diutarakan oleh Yang Berhormat bagi Pasir Putih, KPWK perbadanan jentera baru tidak perlu diwujudkan. Pada masa ini, jentera di peringkat akar umbi telah diwujudkan melalui JKM, JPW, Majlis Sosial Negara dan Majlis Pembangunan Wanita dan Keluarga dengan menggunakan jentera atau mekanisme sebegini, masalah di peringkat akar umbi dapat diambil kira dalam penggubalan dasar program dan perkhidmatan yang diperlukan.

Mengenai mengambil golongan ibu tunggal dan warga emas bekerja. Kementerian sememangnya menggalakkan majikan untuk mengambil golongan ibu tunggal dan warga emas bekerja. Dengan ini mereka dapat menjana pendapatan dan meningkatkan kualiti hidup mereka.

Mengenai fenomena masalah yang berlaku iaitu wanita pada masa kini mencari lelaki yang telah berumur, kita dapati fenomena ini mungkin berlaku untuk bilangan yang kecil sahaja. Pada umumnya, golongan muda dalam negara ini berkahwin dengan mereka yang hampir sama umur dengan mereka. Kajian LPPKN 2004 mendapati, umur purata perkahwinan pertama bagi lelaki adalah di antara 27.4 hingga 28.9 tahun dan 23.8 hingga 25.3 tahun bagi perempuan.

Mengenai isu-isu keluarga, untuk maklumat Yang Berhormat-Yang Berhormat, sebenarnya MAYANG dan MPWK ini adalah berbeza. MAYANG adalah Majlis Pembangunan dan Kebajikan Masyarakat. Oleh itu, isu-isu keluarga adalah di bawah Majlis Pembangunan Wanita dan Keluarga Negeri. Merekalah yang memainkan peranan dalam isu keluarga. Yang Berhormat Sabak Bernam mencadangkan supaya kita adakan kaunseling secara *online*. Cadangan *online* kaunseling boleh dipertimbangkan dengan mengambil kira perkembangan ICT.

Pada masa kini, kaunseling melalui telefon sudah pun disediakan oleh JPW dan LPPKN. Manakala JKM sedang merancang untuk menyediakan perkhidmatan kaunseling menerusi tele-khidmat. Yang Berhormat Rembau, mencadangkan latihan kaunseling diberikan kepada semua peringkat pimpinan. Kami, kementerian setuju dan cadangan ini adalah cadangan yang baik. Malah kementerian sedang mengatur program untuk pemimpin tempatan untuk berperanan sebagai para kaunselor. Contohnya program diadakan untuk pegawai agama dan pemimpin masyarakat di Selangor pada tahun 2004.

Menyedari masyarakat kurang suka membaca, kementerian melalui LPPKN telah pun menerbitkan modul keibubapaan iaitu pakej Kasih yang digunakan dalam penyampaian ceramah, kursus bengkel serta penerbitan-penerbitan seperti risalah, buletin dan buku-buku kecil. Bahan-bahan ini diberi kepada semua keluarga. Bukan sahaja keluarga yang bermasalah sahaja. Modul mengenai keibubapaan juga dibangunkan untuk meningkatkan penglibatan para bapa. Mengenai cara baik bagaimana institusi keluarga yang lebih mencabar pada hari ini supaya ia dapat menjadi pemangkin kepada pembangunan negara.

Perkara ini telah diambil kira dalam penggubalan program dan bahan-bahan pendidikan. Satu buku tip keluarga keluaran LPPKN juga menitik beratkan nilai-nilai agama. Buku-buku untuk ibu-bapa dan remaja berkaitan penerapan nilai-nilai murni kini sedang disediakan di bawah program membangun keluarga ber.... Saya tak dapat baca. Okey, mengenai harap kementerian tidak terlepas pandangan semasa pengisian pegawai

supaya yang berlayak. Pelantikan pegawai baru dan latihan yang dijalankan mengambil kira keperluan kumpulan sasar yang berbeza.

Contohnya kaunselor-kaunselor juga diberi latihan di dalam bidang *management* dan *personality assesment* bagi kursus-kursus pra perkahwinan. Cadangan Yang Berhormat Sabak Bernam iaitu program untuk warga emas yang tidak mendapat perhatian, masyarakat dan keluarga. Masalah warga emas yang hidup bersendirian telah pun diambil perhatian oleh kementerian. Beberapa program telah dirancang untuk meningkatkan kesejahteraan golongan ini. Seperti khidmat jagaan di rumah di mana sukarelawan pergi melawat ke warga emas yang tinggal bersendirian untuk membantu dalam urusan seharian. Seperti membeli makanan, membersihkan rumah dan lain-lain keperluan. Di samping itu kementerian juga merancang untuk mengadakan rakan warga emas untuk menjadi rakan mereka.

**Timbalan Yang di-Pertua [Datuk Dr. Yusof bin Yacob]:** Sabak Bernam Yang Berhormat. Yang Berhormat, Sabak Bernam.

**Dato' Haji Mat Yasir bin Haji Ikhsan [Sabak Bernam]:** Sabak Bernam. Terima kasih Tuan Yang di-Pertua. Sabak Bernam. Ada tiga perkara yang dirangkum sekali oleh Yang Berhormat menjawabnya. Yang pertama ialah cadangan supaya setiap isi rumah itu ada panduan mengenai kemahiran keibubapaan. Saya difahamkan tadi, daripada penjelasan yang diberikan, ada banyak risalah, poster, buku dan sebagainya tetapi ini pelbagai. Saya mencadangkan supaya ada sebuah buku. Dia ada satu identiti yang tersendiri. Maknanya kalau kita meninjau ke sesebuah rumah itu, itu salah sebuah buku yang kita boleh tanya, ada ataupun tidak? Itu perkara yang pertama. Dari segi pelaksanaan, itu kita boleh bicarakan. Ini sebagai satu identiti kepada keluarga itu. Perkara yang kedua ialah pelantikan kepada pegawai.

Jadi saya mencadangkan supaya kalau ada kekosongan, disegerakan kerana kepentingannya. Biasanya kena rujuk kepada JPA. Tadi saya mencadangkan supaya mungkin kita boleh mencadangkan. Saya kata di kalangan siswazah menganggur yang ramai itu untuk memegang jawatan itu dalam bentuk sementara ataupun mana yang penting ia harus diisi dengan segera. Yang ketiganya sebenarnya, Yang Berhormat dengan izin, *you miss my point*. Sebenarnya bila warga emas itu, ini bukan warga emas yang tinggal sendiri tetapi sebagai satu rasa dan tanda hormat kepada mereka.

Ramai di antara kita sekarang ini sudah melupai sama ada orang tua itu, warga emas itu sudah berjasa kah tidak, tetapi apabila kita membuat satu tinjauan dan lawatan kepada mereka, dalam masa yang sama kita berikan perkhidmatan perubatan dan bagi dia hadiah. Dia lain Yang Berhormat, perasaan warga emas ini. Ini sebagai mengembalikan rasa hormat kita kepada orang tua itu. Terima kasih Tuan Yang di-Pertua.

**Datin Paduka Chew Mei Fun:** Mengenai cadangan buku itu, ini kita akan ambil perhatian dan mengenai jawatan kosong itu, saya rasa kita perlu bincang dengan JPA. Mengenai lawatan ke warga emas ini, saya rasa peranan ini perlu dimainkan oleh semua pihak. Kita tidak boleh hanya dijalankan oleh kementerian kerana kementerian menghadapi kekurangan kakitangan dan kita tidak dapat beri perkhidmatan dengan sendiri. Oleh itu dengan kewujudan Majlis Pembangunan Kebajikan dan Masyarakat, yang mana diketuai oleh Yang Berhormat-Yang Berhormat dan pemimpin setempat juga boleh memainkan peranan ini. Dengan menggiatkan, menggerakkan semua JKKK atau rukun tetangga atau *residence association*, dengan izinnya.

Mengenai isu yang dibangkitkan oleh Yang Berhormat Tanjong iaitu *aging society*, kementerian sedar mengenai senario ini kerana kajian akan dijalankan dari semasa ke semasa untuk memantau trend dan corak begini. Dijangkakan Malaysia akan diiktiraf sebagai *aging society* apabila mempunyai lebih daripada 7% daripada jumlah penduduk terdiri daripada mereka berumur 65 tahun ke atas.

Pada masa yang tidak lama lagi, kerajaan masih menganggap penjagaan warga emas sebagai tanggung jawab keluarga dan dasar warga emas sedang dipinda untuk mengambil kira cabaran baru ini. Mengenai *social security* bagi warga emas, kerajaan sedang meneliti keperluan ini. Mengenai jawatan tidak diisi yang boleh digembeng dalam

mencapai objektif LPPKN yang diutarakan oleh Yang Berhormat Rembau, untuk maklumat Yang Berhormat jawatan yang belum diisi adalah dalam skim perkhidmatan yang kritikal dan sukar dipenuhi, iaitu pegawai perubatan dan jururawat. Jawatan-jawatan tersebut juga adalah terdiri daripada jawatan kenaikan pangkat. Proses pengisian jawatan naik pangkat perlu berlaku...

**Timbalan Yang di-Pertua [Datuk Dr. Yusof bin Yacob]:** Yang Berhormat, Yang Berhormat panjangkah Yang Berhormat Setiausaha Parlimen?

**Datin Paduka Chew Mei Fun:** Dua lagi. Perlu melalui peperiksaan kerajaan selaras dengan pelaksanaan Sistem Saraan Malaysia. Akan diisi secara berperingkat dan mengenai tabung dalam fasal ke 13, wujudkan tabung ibu tunggal akan dipertimbangkan. Cadangan supaya dalam seksyen berkaitan, Ahli Lembaga dimasukkan wakil dari bidang keagamaan yang sesuai dalam pembangunan keluarga boleh dipertimbangkan. Mengenai pengisian jawatan secara berperingkat di peringkat daerah akan dipertimbangkan mengikut keperluan. Lembaga-lembaga Jawatankuasa Exco LPPKN dipecahkan kepada dua iaitu pembangunan dan pengurusan. Jawatankuasa Eksekutif merupakan ahli lembaga LPPKN yang sepatutnya menasihatkan mengenai hal-hal dasar. Perpecahan kepada dua untuk jalan tugas operasi biasanya dijalankan oleh pegawai-pegawai dalaman dan struktur sedia ada telah pun mengambil kira keperluan.

Dengan jawapan-jawapan yang telah disampaikan tadi, sekali lagi bagi pihak Kementerian saya, saya mengucapkan terima kasih kepada semua ahli-ahli Yang Berhormat. Pandangan, saranan dan teguran ahli-ahli Yang Berhormat akan diberikan perhatian dalam melaksanakan program Kementerian dengan lebih cekap dan berkesan. Sekian, terima kasih.

**Timbalan Yang di-Pertua [Datuk Dr. Yusof bin Yacob]:** Ahli-ahli Yang Berhormat, sekarang saya kemukakan masalah kepada Majlis bagi diputuskan. Masalahnya ialah bahawa Rang Undang-undang ini dibacakan kali yang kedua sekarang.

Rang Undang-undang dibacakan kali yang kedua dan diserahkan kepada Dewan sebagai Jawatankuasa.

Dewan bersidang sebagai Jawatankuasa.

[Timbalan Yang di-Pertua, [Datuk Dr. Yusof bin Yacob] **mempengerusikan Jawatankuasa]**

Fasal-fasal dikemukakan kepada Jawatankuasa.

**Fasal-fasal 1 hingga 20** diperintahkan jadi sebahagian daripada Rang Undang-undang.

Rang Undang-undang dimaklumkan kepada Majlis sekarang.

Majlis Mesyuarat bersidang semula.

Rang Undang-undang dilaporkan dengan tidak ada pindaan; dibacakan kali yang kali yang ketiga dan diluluskan.

**Timbalan Yang di-Pertua [Datuk Dr. Yusof bin Yacob]:** Ya, cukup Yang Berhormat, masa telah pun cukup. Untuk makluman Ahli-ahli Yang Berhormat, esok kita akan membahaskan Rang Undang-undang Taman Asuhan Kanak-kanak (Pindaan) 2006. Itu bacaan kali yang kedua dan setelah habis itu, kita akan terus kepada Rang Undang-undang Perbekalan Tambahan supaya Ahli-ahli Yang Berhormat boleh bersedia. Jadi, Dewan yang mulia ini ditangguh sehingga jam 10.00 pagi esok.

**Dewan ditangguhkan pada pukul 5.34 petang.**